

MEPUZHO NE MIKUMBU

 ...bavula Nafwainwa kutambula, bino Amiwa njina... Nanji kuleta kokondasi wami. Nafwainwa kupana yewa kwi Leo kuno, nangwa muntu umo uji pepi wakonsha kunkwasha inge wafwainwa kwikyuba, inge twafikapo kukikye.

² Pano, inge awe inetu waikala popa, inge kuji...inge wakonsha...Uji kwepi...Mulumbe wanji ye ng'anyi? Ee. Kyawama, inge ubena kukeba bakazhi boobe iyai mwikalé nabo, abo—abo bakonsha, kafwako kyafwainwa kwambiwa mukachi ka balongo kana kyonka kyafwainwa kwambiwa kwi nyenga, ne aye. Atweba tubatu...mwayukatu. Bushe akyo—bushe akyo kijitu bhlongo? Bino, anweba mwakasuluka ku mutambulwila. Bushe—bushe wakaba kokwa, Doko? Kyawama, akyo kijitu bulongo, bino kyamulenga mukose buke bwanji.

³ Kabiji kafwako—kafwako kijiko kuno ne...kimye kimo oene mambo o Natongwejile “mwanamulume,” mambo kimye kimo mwanamulume wafwainwa kwipuzha jipuzho mu baanabalume jibulwa kwasuka muji banabakazhi. Bino kafwapo jipone kana awfainwa kukumbulwa mu mbung’eno ya kipwilo kimye kyonse, mambo kimye kyabaya byatongolwa ku bamwingilo, ne bakwabotu, kabiji ne wabo—wabo mwingilo kabiji bakekyuba.

⁴ Pano, Naketekela mba akye kyaya pa tepu ubena ubena kukopa. Inge...Amiwa kechi na ketekela ne. Mulongo Goad, akyo kiji kwepi, bushe kiji pa tepu wafyatulwa pano nyi? Kijitu bulongo. Ene mambo kyotubila bibye ke kukeba kuyuka, balongo, kishinakata kyo kika, pano kikananga—lubaji, aby...abya biji pa muchima wa muntu, kika—bintu byetu byepi.

⁵ Atweba—atweba bonse twafwainwa kwamba kintutu kimo. Pano, nobe kyakumwenako, muntu umo waishile ne, kwaamba mba, kapopo bayá ku kipwilo kya mulongo papo, (jizhina jobe jitanshi yobe ng'anyi, mulongo? Willard. Mulongo...Bino, muji babiji ba Willard kufuma muno, Amiwa nsakwimupapo kintu kimo kikwabo. Inge Na...Jizhina jobe jalapako yobe ng'anyi, pano? Crase) Mulongo Crase kipwilo kyanji, ne Mulongo Crase wakonsha kwamba kintu kimo. Nanchi bafumine ku Sellersburg kuya ku Mulongo Ruddell, Mulongo Ruddell wakonsha kwikala wapananako na kyokyo. Baya kwi Mulongo Junie, baikala bapusana, bapuseshatu. Baiya ku tabbanako, kabiji baikalatu bapusana. Mwamona? Kivundakanya bantu.

⁶ Pano, nobe muntu umo waamba mba, “Oo, Amiwa kechi naketekela mba mwafwainwa...mwafwainwa kutambula Mupashi Wazhila. Amiwa kechi nalanguluka mba kyafikilamo ne.” Kwaamba mba, nobe kyakumwenako, Mulongo Crase

wakonsha kwamba kyokyo. Kabiji pano waiya kwi—kwi Mulongo Ruddell, kabiji wakonsha kwamba mba, “Ee, kyanema bingi.” Kabiji waya kwi Junie, ne kwamba mba, “Kyawama, kechi kijipo nalupusano lwabaya ne.” Mwamona? Inge twakonsha kwikala pamo na... Nalanguluka mba inge twakonsha kwikala na bonse bamingilo ba mu Jeffersonville (mu kino kijiji) twakonsha kwiya pamo pakuba mba twaamba kintu kimo.

⁷ Kabiji onkao mambo, bimye byavula, bakwasho ne baketekelwa, bafwainwa kuyuka mwinglelo wabo. Kabiji Namona tuji na kalama wa kipwilo ne ulama kimye bufuku buno, nanchi tusakuyuka mwinglelo wabo ye wepi. Bino mu ao onse javula (kuno) ke mepuhotu afwainwa kwipuzhiwa kuji konse kabiji ne kukumbulwa kuji konse. Ke mepuhotu apeela, kabiji pamo nobe biji mwinglelo wa baketekelwa, mingilo ya... Pano, inge yo mingilo iine, Naketekela mba yabikwa pa bbondi ponka pano, bya mingilo ya kwa waketekelwa kabiji ne byo bafwainwa kuuba. Bino Nalangulukile namba kape...

⁸ Kabiji umo waishile kokwa, kabiji Nalanguluka mba kijitu bulongo, Nakonsha kwijasuka pa kupitapo ka kimye, Nkambo inge waswa pakuba mba tufike pojiji, ke kuuba mba:

Mulukatazho lumo, kwansho wafwainwa kuuba byepi?
Kika aye... Mwingilo wanji muka umvwe lukatazho lumo lwamweka? Wafwainwa kuuba byepi? Mwamona? Nangwa baketekelwa bafwainwa kuuba byepi, kafunga wafwainwa kuuba ka, kiji nobe byobyo, umvwe paji lukatazho? Twayuka bintu byubiwa kimye kyonse, pano ibyepi umvwe kintu kimo kyaubiwa kibula kumwekamweka, monai, nanchi bafwainwa kuuba byepi?

⁹ Kabiji twayuka kwepi kwakuya, kijitu pamo nobe kufunjisha kwa zhita, kabiji atweba bonse twayuka bifulo byetu. Pano, nobe jibumba jiji bibye, twakonsha kwikala muno kichika kya bufuku, twayuka kyokyo, bino kiji... Amiwa kechi naketekela mba kyafikilamo ne. Twakonsha kwikikumbula. Bino Nasaka mba jonse...

¹⁰ Bino, kechi kuji mazhina ne, amo aji na mazhina, bino Ami—Ami kechi nsakwita mazhina a bantu ne. Mambo monka—monka mwaikela jipuzho, Amiwa nsakutangatu jipuzho. Kujitu pepi nobe abiji mukachi aji na mazhina abo. Kabiji, pembelelai, Nafwainwa kutanapo jikwabo. Nayuka, ke Dokotala mukote Ingleman, Naji kukebangku mutumina foni kokwa ku—ku lubaji lwa kabeta kabulenge, pa 4—426 lubaji lwa kabeta ka bulenge. Akwa iko awa dokotala mukote papo kotwajinga leelo, konka ku Georgetown, wabukilwe, nangwa ko ayishile panyuma yakwila wasesuka pa kimye kyabaya bingi, kabiji—kabiji ne bikwabotu. Pano, Nalanguluka mba ao nji nao, pano tusakutwela mu mepuzho etu atanshi o Nafunjile patanshi.

Pano twayai twimaneko pa kamineti kamo, nasashijila.

¹¹ Taata Wetu Wamwiulu, twapwila pamo nobe jibumba ja bantu, bantu Benakilishitu be mutemwa Anweba, abo baketekela mwi Anweba, kabiji bepaana bumi bwabo ne kwingila mwingilo Wenu. Muji bamingilo muno, banabalume banyike, ba myaka-yapakachi, baji na bipwilo, baji na mwngilo ku meso akwa Lesa. Muji ne bakwansho muno banji na mwngilo mu maofweshi abo kufuma mu bipwilo byapusanapusana. Muji baketekelwa, mwngilo wabo. Bakafunga, basapwishi, musango yense, Nkambo, twi bamwingilo kwii Anweba. Kabiji oene mambo kyotwihila pamo, pakuuba mba atweba bonse twambengatu kintu kimo nobe byonka byo kyaambiwa mba twafwainwa kuuba mu Binembelo. Mambo atweba bonse twafwainwa kwamba kintu kimo.

¹² Kabiji Taata, twalanguluka, mu yuwe musango wa jibumba, twafwainwa kutanamo kapepo balongo betu bamo nangwa atweba bamo tuji na bintu bimo byapusanako, kabiji bamo baipuzhatu nakukeba kuyuka Bukine pakikye. Kabiji twayuka mba kechi twafikilamo ne, umo umo mwi atweba. Inge Nakonsha kwipuzha bonse balongo bakwabo kwiya kuno na ao mepuzho, kapepo bafwainwa kwikalala bafikilamo nangwa kukilapo byo Nakonsha kupana mikumbu ku ao. Bino atweba bonse twaketekelatu mu lumwekesho Lwenu, amba Anweba mwibisolole kupichila monka mu Kyambo kabiji kupichila... mu Mupashi Wenu, amba...amba twafwainwa twikala na mukumbu pa jipuzho jonse. Amba michima yetu...twafwainwa kuyulwa na mikumbu kabiji twafwainwa kuya kasa tuji na luketekelo lwakwikala banengezhiwa kwingila mwngilo Wenu kabiji ne kwingijila ofweshi wetu kukila—kukila byo tuji pa kino kimye. Ao oene mambo o twaikela muno, Taata. Kiswishai kye ponka pano.

¹³ Kabiji kumbulai mepuzho etu, Taata, byo tubena kupembelela pe Anweba. Lekai kechi kwikale kya kwitukumisha mu michima yetu ne, pakuuba lekai twikale najoja jipuzho posotu jakumbulwa bulongo kabiji twatondwa ku Mupashi, baswang'ana pamo na mambo Kyeenyi Kyanji. Twikipuzha mu Jizhina ja Yesu. Amena.

¹⁴ Nasakatu kwambula Kinembelo, kyakutatwilapotu. Nobe byaambile Isaya, ngauzhi waambile mba:

Anweba *iyai...twayai tumvwang'ane pamo, byo
byaamba YEHOBA:...*

¹⁵ Kabiji Nalanguluka mba kyo kine kintu kyo twaikela pano bufuku buno, ke kweseka kumvwang'ana, ne kubika bintu pamo mwaila lumvwang'ano. Kabiji pano Nakonsha kutatula... kabiji njina bintu bimo bya nembwa papo monka mwaila manambala ne bikwabotu, amba Najinga na bibye, Mulongo Wood wakwatakenye; Natambwile yuwe evulupu kasa muji ne

mikumbu mukachi. Kabiji pano Nakeba anweba bonse, balongo bami batemwe, mu kuyuka mba—mba aye mikumbu a—apanwa mwaila buyuke bwamwaila maana ami, mwaila buyuke bwami bo Nakonsha kuyuka ne kukwatakanya.

¹⁶ Kabiji aye mikumbu kechi aikala mwabula bilubo ne, mwamona, mambo a kuuba mba Binembelo kechi biji na bilubo ne, kabiji byo Nayuka mba byaikala mundonda ya Binembelo. Naketekela mba akyo kyatokeshapo. Kabiji tepu ukalamwa kabiji ne yense ukamukeba, kyawama, bakonsha kumutambula. Bino pano, Nayuka mba Binembelo kechi biji na bilubo ne pakuuba mikumbu yami iji na bilubo. Nanchi Naketekela mba uji yense wayuka byobyo. Kabiji inge kechi byokiji ne—inge muji bilubo, nanchi mwafwainwa kungipuzha ami kimye kiji kyonse.

¹⁷ Inge kujipo jipuzho ja muntu mukwabo, kechi jafwainwa kwikalala jipuzho jobe ne, bino inge paji jipuzho ja muntu ungi, kape kechi mwakilangulukapo pa kyokyo ne, bino ke kintu kyo twaikela kuno na kukwasha. Tuji kuno na—na kupwila pamo mambo tuji mu moba apelako, kabiji ke moba atama, kabiji—kabiji twakeba kufunjishiwa, kufundwa.

¹⁸ Mulongo Stricker, mushilikale; Mulongo Goad kunyuma kokwa, mushilikale; kabiji kapepo Mulongo Ruddell kuno, wajinga mushilikale; Mulongo Beeler; kabiji ne bakwabo bapusanapusana abo—abo bajinga mu bushilikale; anweba mwaikala pamo, anweba—anweba mwashilang'ena maana, anweba—anweba muyuka ku nkondo saka mukyangye kufikako, kabiji ne ndwilo yonse ya mulwanyi mwiyiyuka, pakuuba mba anweba mumukumanye pakyokya kifulo.

¹⁹ Kimye kyo Nalwanga mabokoseni, bayukilanga jimo wakulwa nanji, byo aji, ne musango wandwilo yanji, kana mbwila mushi ya mubanga nangwa kwimba na kuboko kwa kipiko nangwa kuchibakanya na kuboko kwa kilujo, kabiji nangwa wajinga wa kilujo- nangwa kuboko- kwakipiko, kabiji kana wakosa byepi, nangwa maulu aji apela, ne byo engijisha meso anji, kabiji wafuma ku ng'anyi koona kooabena kufuma, kabiji ne mashinda onse akulwilamo. Kabiji bakonsha kutana kuuba mba...abo—abo bafunjisha bamumonapo kala byo alwa. Onkao mambo babikamo muntu momwa wakufujisha uji byonka biji yewa muntu byo alwilenga, ku—kuyuka byo afwainwa kuuba.

²⁰ Kabiji akyo kyotwaikela pano bufuku buno. Twayuka kupumana kwa mulwanyi. Twayuka ng'ingijilo yanji byo iji. Kabiji tuji pano bufuku buno na Kinembelo kya kumumvweta aye pakuuba mba kechi wakonsha kwenda ne, mambo mulwanyi uji pa kuboko kuji konse.

²¹ Mulongo Roberson, Najikulanguluka kunyuma kokwa, pa kumumona, kine wafwainwa kuyuka mushilikale byo aji. Aye kine wajinga na kimye kya kikye! Baanga bashilikale baji muno,

twayai tumone, aba bajinga bashilikale mu mazhita? Talai kuno, monai, jibumba ja bashilikale. Kijitu bulongo, pano, mwayuka byo kiji. Kabiji abyo byo mufunda, kechi ibyo nenyi, Mulongo Roy, Mulongo Beeler, ne anweba bakala ne bakwabotu? Ke, kumufunda mulwanyi, “Kika kyo akooba? Ng’endo yanji iji byepi?” kabiji ne kuyuka mwakumukwatakenya.

²² Kabiji akyo kyo twaikela kuno, na kufunda kwenda kwa mulwanyi kabiji—kabiji ne kuyuka mwakumukumenya, kintu kyafwainwa ku mushinda.

²³ Kabiji vulukai, lekai ng’ambe kikye, balongo, kipwilo kicheche kyatatala kuno pa mulaini wa bya bupe, monai, bya bupe bibena kwiya mu kipwilo. Bino nangwa kujipo bya bupe nangwa ine, inge kechi kujipo kya bupe ne, Nsakwimubuula, kyabupe kechi kimye kyonse kikashinda mulwanyi ne, pakuuba Kyambo kyakonsha. Akyo Kyambo kikamukumanya kuji konse.

²⁴ Kabiji Yesu, byo Ajinga pano pantanda, washiniikishe kyokyo. Kyanji...Aye wajinga Lesa wamwekanyika mu mubiji. Bino Aye kechi waingjishepo bya bupe byawama pa kupuma mulwanyi ne. Twatana mu Mateyo...Naketekela mba kyapitala kyabu 2 nangwa kyapitala kyabu 3 kya Mateyo, Aye waambile mba...Ine, kyapitala kyabu 2 kya Mateyo, byo Akumenye mulwanyi, Wamukumenye pa kifulo kya Kyambo, “Kyanembwa.”

Kabiji mulwanyi wabwelele, “Kyanembwa mba.”

²⁵ Kabiji Aye waambile mba, “Kabiji kyanembwa mba,” nobe byobya, poso Aye byo apumine mulwanyi. Kabiji akyo kyo twaikela kuno, ke kumumanya mulwanyi na bingijisho abyo Lesa byo apaine kwi atweba—na kumukumanya na byo.

²⁶ Pano Amiwa njina mepuzho foolo kuno ao aji pa...kiji pa kimo—kiji pa kipepala kimo, kabiji Nebabajile: wanu, tuu, fiili, foolo, faivi, sikisi...eiti, teeni, ne panshi byobya. Kabiji inge Napwishatu kupita mu aao, nanchi Nsakutolokela pa ooa kokwa. Aaamba mba:

107. Mulongo Branham, inge aao mepuzho kechi aitabilwa ne alekaitu, kabiji Amiwa kechi sa kumvwa bibi pa kikye ne mambo Nayuka mba kechi kyajinga kuboko kwa Nkambo ne. Jipuzho ja nambala wanu: Mulongo Branham, Nakumvwapo obewa...amba kyafwainwa—wafwainwa kubwela mu... Na—Na—Nakumvwa obewa kwamba mba Nafwainwa kubwela mu mwiningilo, kabiji Nekilanguluka amiwa mwine, pakuuba napembelela pa kyambo kyafuma kwi Aye pa kikye. Kufikatu ne pano kechi kyakiya ne. Pano, byo Nayuka mpelo yafwenya bingi pepi, bushe Nafwainwa kupembelela Nkambo Yesu kwa—kwamba kwi amiwa? Nangwa, Aye wakonsha kutemwa kubuula obewa bya kumbuula ami, byo Nayuka mba obewa wing’ambi Wanji mu jino juba?

²⁷ Kyawama, pano, mulongo, Nakonsha... Nanemba papo mukumbu wami ku kyokyo. Lesa ubena kwita yuwe mulongo, lwito mu bumi, pano, kuji kintu kimo kikatampe kyo twakonsha kutoola pakikye kibaba ne kusapwila bufuku bonse pakikye, monai, akya kintu kimo, "lwito." "Nshinikishai lwito ne kusalululwa kwenu," mwamona. Kechi twakeba kwikala bakupitang'anatu kasa twaitwa ne. Obewa wafwainwa kwitwa inge ne ukashindwa, tubena kulwa nkondo. Mwamona? Kabiji umvwe washininwa, mulongo, amba lwito lobe lwa Lesa, kabiji amba waitwa na Lesa kwingila mwingilo...

²⁸ Bino, paji lukatazho lwabaya popo alo mulwanyi lo akonsha kuleta pe obewa. Aye wakonsha kukulengela kulanguluka mba kechi waitwa ne bino kasa waitwa, kabiji wafwainwa kukuzhalulula ne kukulengela obewa kulanguluka mba kechi waitwa ne; nangwa kukulengela obewa kulanguluka mba wa—waitwa bino kasa wabula kwitwa ne; kabiji ne kutwalwa mu lubaji lukwabo, muji monse. Kabiji obewa wafwainwa kutajishapo bulongo.

²⁹ Pano, aje jo jishinda ja kwikyubilamo. Mutaane patanshi... Kyawama, pano, abwe ke bukwasho, kintutu kyo Nakonsha kupana pa bubwe bukwasho. Mwamona? Bino monai kuuba mba lwito lwenu lwafuma kwi Lesa, kabiji ne kuperapesa nkebelo yenu ne pomwaimana. Mwamona? Pano, anweba mwayuka mo Natazha pakyokyo. Mwaimena paka pa kusapwila kwenu? Bushe kyajingatu... Bushe mwalanduluka mba wajinga mwingilo wapeela kukila ye muji nanji? Nishi anweba mwafwainwa kulubakotu, kechi lwajinga lwito ne.

³⁰ Lwito lwa kwa Lesa lutanta mu muchima wenu kya kuuba mba kechi mwakonsha kwikala na mutende bufuku ne mute ne. Kechi mwakonsha kufumako ku kyokyo ne, kimye kyonse kibena kwimupatu lukatazho.

³¹ Kabiji—kabiji inge mwakonsha kusapwila... Mwaamba mba, kyawama, pano, nkebelo ikwabo yaiyamo, "Naketekela, pa mwingilo Ye nji nanji, inge Nakonsha kwikala musapwishi wafikilamo nangwa kafunga, waikala na malipilo awama, waikala na nzubo yo wakonsha kwyamo ne bikwabotu, ne kwikala, nanchi Na—Naketekela mba akyo kyakonsha kwikala kintu kyawama, kyapeela bingi kukila byo Mbena kuuba pano. Kabiji kine Nalanguluka mba kyafwainwa kwikala..." Pano, monai, kyo waimanapo kyatama kyakutatwilapotu. Mwamona, kechi kiji bulongo ne. Mwamona? Obewa—obewa waya mungi pakyokyo.

³² Nanchi mwakonsha kwamba mba, "Kyawama, kapepo mambo Amiwa... nalanguluka mba kape Nakonsha kwikala wayukanyikwa bingi mu bantu." Monai, mukatana mba winengeza kupona kukatampe. Kine, mwamona!

³³ Bino, pano, inge nkebelo yobe ya kuuba mba “Amiwa kechi natako muchima ne nangwa Naja kashinkwa kakosakana ne kutoma meema afuma kumusapi, Amiwa kasapwila Mamboawama nangwa byonkabyo.” Kintu kimo kibena kukukatazha, “Nafwainwa kusapwila Mamboawama nangwa kufwa!” Mwamona? Nanchi obewa—obewa ukaya kuntu kumo, mambo ke Lesa ubena kwingila ne obewa. Lesa ubena kwimwesha Ayemwine kwi obewa, mambo ke Lesa kechi ukakuleka mba ukokoloke ne. Kabiji, javula, muntu waitwa-na Lesa kechi ukeba kwikyuba ne. Bushe mwakilangulukapo pa kyokyo nyi? Muntu yense . . .

³⁴ Bukatatakatu bangimpwizhe ku mulongo mutemwe wami wawama bingi, waambile mba, “Pano twaiya mu Jishinda, Mulongo Branham, kabiji pano byotwamutana Nkambo ne kutambula Mupashi Wazhila, twafwainwa kukeba byabupe bya mwingilo wetu yetwafwainwa kuuba.”

³⁵ Naambile mba, “Kechi wakonsha kwikyuba ne.” Mwamona? Kechi mwakonsha kubuula bantu mba boobe kintu kya musango yeo ne, mambo javula mulongo ukeba kwikyuba ke yewa mulongo wakonsha ku—kubula kwikyuba ne.

³⁶ Ke yewa mulongo ukeba kunyema kufuma kukikye iye Lesa ye engijisha. Mwamona? Inge ubena kweseka kufuma ku kikye, “Oo, mulongo, Amiwa ne mubuula, Na . . . lwito luji mwi amiwa bino Na . . . Yii! Muntu, Nashikwa kweseka kuba kyokyo.” Kyawama, abyo byokiji, mwamona. Awa—awa ubena kweseka kunyema.

³⁷ Inge aye—inge aye ubena kukeba kwikyuba pabaisha bingi, kintu kitanshi mwayukatu witana aye mwine “ke jilaya jabizhika bizhika.” Nobe anweba byo mwamba mba, “Lesa, Mpai bulume bwa kwendesha mitumba, Amiwa ne mubula Anweba, Amiwa nkemubilapo kintu kimo Anweba, Ndekai ng’endeshe mitumba.” Ine, kechi wakonsha kuuba ne, kechi wakonsha kwendesha aye mwine ku byubilo byawama ne, monai, nanchi kuuba waendeshesha Lesa mitumba ne.

³⁸ Tolaitu, kyakumwenako, nobe Paulo. Anweba mwaketekela mba Paulo wafwaijilwe kufuma ku lwito lwanji? Oo, mulongo! Aye kechi wafwaijilwe kwikyuba ne. Kyamukatezhengatu bufuku ne mute poso byo ashile kipwilo kyanji, aye washile bintu byonse ne—ne kuya ku . . . Naketekela kwajinga ku Asia, kechi iko nenyi? Kabiji waikele kokwa pa myaka isatu, na kufunda Binembelo, na kuyuka kana Byakine nangwa ine, monai, na kuyuka kana Lesa kine wamwita.

³⁹ Nanchi inge Lesa ubena kukwita, mulongo, kabiji kitwajilatu na kupoya mu muchima obe, nanchi Nakonsha kwamba mba “Tushe kinemenezhi kyonse, ne abwa bundengamambo bupelawizha kwi mutwala mungi.” Mwamona? Inge . . . Bino inge kechi kibena kupoya mwi obewa

ne, kabiji pano Ami—Ami—Ami kechi nakonsha kulangulukapo kyabaya pa kikye ne. Lekaitu kifiketu pa kifulo kyakyo.

Pano, aye waambile mba, awe mulongo waambile papo:

Mulongo Branham, wafwainwa...Bushe walanguluka mba Lesa wakonsha kwamba... (kwi amiwa ku mubuula.)

⁴⁰ Naketekela mba Lesa wakonsha kwamba bulongo kwi aye. Mambo, mwayukatu, Lesa... Atweba kechi twabaya ne bino Aye wamba kwi atweba. Kabiji Aye—Aye—Aye ukamba kwi atweba, kijitu bulongo. Mwamona, Aye waubiletu... Aye ukamba kwi atweba.

⁴¹ Kabiji Nemubula mba, inge Aye wambujile, nanchi mulongo wafwainwa kwamba mba, “Kyawama, Aye wabuujile byobyo Mulongo Branham, jitotwe ja Lesa!”

⁴² Bino, mwamona, kechi ke Mulongo Branham ubena kukupa lwito ne, ke Nkambo Yesu ubena kukupa lwito. Mwamona? Kabiji inge ye Nkambo Yesu ubena kukupa lwito, Aye ukamba. Mwamona? Nakonsha kwamba kwi anweba ku matwi enu, pakuuba inge Kilishitu wakwita ku mwingilo kikala mu muchima obe. Mwamona? Amo imo kintu mo kyafwainwa kwikajikwa kabiji kechi wakonsha kufumako kwi akyo ne.

Pano, Naketekela pa jipuzho ja bubiji...

⁴³ Pano inge pajipo jipuzho pa kyokyo, jipuzho jonse pa kikye, monai, amba lwito lwa muntu lwikal mu muchima wanji, kufuma kwi Lesa. Kabiji—kabiji ne mukwabo mulongo... Oo, Nayuka awe wanembele bibye. Monai, Nayuka wakinembele, wawama, mutemwe, mulongo wawama ye Naketekela kine mba uji na lwito lwa Lesa. Bino Naubatu... Amiwa kechi nakonsha kukeba aye kwikyuba pe amiwa ne (ao oene mambo o Nakumbwila byo Nakumbula), monai, ponka amiwa pa kwamba mba; “Kyawama, ee, Mulongo Kananga-ne-kananga wafwainwa kuya mu mwingilo.” Mwamona?

⁴⁴ Pano mwaamba mba, “Mulongo Branham wambujile mba Nafwainwa kuuba kyokyo.” Monai, kabiji kape inge kintu kimo kyamwekele kwi Mulongo Branham, Amiwa naipaiwa, nangwa kufwa, nangwa—nangwa kufumamo? Nanchi, monai, lwito lwenu nishi lwapwa. Pakuuba inge Yesu wakwita, mulongo, kikulutu kuji Peenape kikatwajijila na kuvuma. Mwamona? Kabiji pano wayuka pepi po waimana.

Pano pa sekondi...

⁴⁵ Nangwa kintu kimo kiji bibye, “Byo twayuka mba ke juba japelako.” Amiwa kine nasachila kyokyo ku yewa mulongo. Amiwa kine nasachila kyokyo ku yeewa mulongo byo avuluka mba tuji mu juba japelako, kabiji bukishika bwa muchima wanji, pa kukeba kubapo kintu kimo pe Kilishitu.

Jalondelapo ke:

108. Pano, inge Nkambo yetu wawama wakonsha kundeka amiwa namubilapo Aye kintu kimo kicheche, bushe Nafwainwa kubwela ku bijiji ako nkonaingijilenga lubaji lumo mu...mu kilubo (akyu kyo Nalomba lulekelo lwa mambo)... uji na kyokyo pakachi...ne pakweseka kwibabula Bukine? Baikala bingi pa—baikala bingi pa muchima wami.

⁴⁶ Ine, mulongo, Amiwa kechi nalanguluka mba wakonsha kubwela mu kijiji kimo jibiji ne. Kabiji Naketekela mba, mulongo mutemwe, inge Nkambo wakwita Aye kape kechi wafwainwa kukuswisha kuya byonka byo wajinga mu kijiji kimo ne, kabiji kapepo wafunfishenga nangwa wajinga na bintu byabujile...abyo byo umona mwapanusako pa kino kimye, mwamona, pakuuba wafwainwa kumona bintu mwapanusako na byobya byo waubilepo kyokya kimye. Pano, kabiji aye Nkambo, byo Emwichile anweba, Aye wakonsha...inge Aye wikilenga kwikala kyakine kwi obewa, Aye wakonsha kukutuma kuji konse. Mwamona? Obewa kechi wafwainwa kuya ku kijiji kiji kyonse nangwa kintutu kikwabo ne.

⁴⁷ Kimye kyo wajinga kokwa wajinga wa bukishika. Nayuka mulongo, nobe byo Mbena kwamba, ao wanembele ao mepuzho. Na bukishika bwabaya bingi, kabiji ne Mwinakilishitu wakine, obewa waubile kyakila kuwama kyo wakonsha kuuba kabiji wayukile mwafwainwa kwikyubila, kabiji kyo kyonka Lesa kyo akeba. Mwamona? Pano, inge Lesa wakonsha kukwita kubwela ku kyokya kijiji, Nakonsha kubwela jibiji. Pakuuba inge Aye kechi wkyubile ne, Naketekela mba Nafwainwa kuya kuji konse nkoatuma kuya. Pajipo jipuzho?

Nambala fiili:

109. Muntu wakonsha kuyuka byepi kifulo kyabo mu Mubiji wa Kilishitu?

⁴⁸ Ajo ke jawama bingi, jawama bingi, “Pano uba byepi...” Ajo byo jafwainwa kwikala jipuzho mukachi ketu bufuku buno, “Wakonsha kuyuka byepi?” Pano, Mbena kufwanyikizha kuuba mba awe mulongo ubena kukeba kuyuka “Kifulo kya musango ka, *kyepi* mwi Kilishitu, lubaji ka lwa Kilishitu Amiwa lo nasenda?”

⁴⁹ Pano, nobe kyakumwenako, Nakonsha kwamba bibye, mulongo, kwimupa mukumbu wawama byo Nayuka. Kifulo kyobe kiji...mwi Kilishitu kyasololwa kwi obewa kupichila mu Mupashi Wazhila. Kabiji umvwe usaka kuyuka kana Mupashi Wazhila nangwa ine, monai kuba mba Aye wapesha byo ubena kuuba, nangwa ine. Kabiji inge Aye wikipesha, nishi awa ye Iye. Inge Aye wabula kupesha... .

⁵⁰ Nobe muntu umo byo aambile kwi amiwa kechi papita kimye kyabaya ne, waambile mba, “Aye Nkambo wangichile kusapwila.”

Naambile mba, "Kyawama, nanchi nsapwila." Mwamona? Kabiji nanchi aye—aye...

⁵¹ Amiwa kine nalanguluka mba byo kiji...Satana, inge wakonsha kutolatu muntu umo wa—wa kuuba byobya byubilo kabiji ne kwibajimbaika, akyo kyo akebatu kuuba. Nanchi ntanda yonse yatongola ne munwe wabo ponkapa. Muntu umo ulanguluka mba baji na kyabupe kya kwamba mujimi kabiji ne kulumbulula; bamo baji na kya bupe bya lubuko lwa Bulesa; bamo bantu baji na bibye bintu nobe...Bimye bimo bekala na bilubo mu byobyo bintu, mwamona. Kabiji kimye kimo balanguluka mba kechi baji nakyo ne bino kasa baji nakyo. Nanchi ke kintu kyashupa bingi.

⁵² Nanchi kimye kyonse ubai kikye, balongo, umvwe waumvwa mba wafwainwa kuuba kintu kimo, patanshi yukai kana kiji mu Byanembwa pakuuba mba obewa wikyube (inge kiji mu Binembelo). Kechi kyanembwa pantutu pamo ne, bino Natazha mu kuuba mba kyaikala kya mu Binembelo monka mu Baibolo pakuuba mba obewa wikyube, kifulo kyobe, kwaamba mba inge wakonsha kwikalala musapwishi, kafunga, mufunjishi, ngauzhi, kyonse Lesa kyo akwitako mba obewa wikale. Mwamona? Nangwa inge uji na kyabupe kya jimi, kya bupe kya kulumbulula, kya bupe kiji—kiji kyonse nobe bya bupe naini bya bumupashi mu kipwilo, kabiji ne maofweshi ana a bumupashi a kipwilo, kifulo kiji kyonse, patanshi monai kana Lesa waita.

⁵³ Nanchi, bimye bonse, jishinda mo Nekimwena amiwa mwine, kijitu...awe ke amiwa, Amiwa mona musango wa muntu kabiji ne kumona musango ka wa kyabupe kyo babena kwamba. Monai, Lesa ukengila na kilengwa Kyanji mujishinda jo Amulengejilemo. Mwamona? Aye ukalenga kilengwa...

⁵⁴ Inge mwamumona waikala wabilima ne kutwajijila kuya kulutwe, obewa...kabiji waamba mba, "Aye Nkambo wangita ami mambo *akikananga-ne-kikananga*, kwikalala kafunga." Pano, kafunga kechi wakonsha kwikalala muntu wabilima ne. Kafunga wimana wakosa, washinkamana. Mwamona?

⁵⁵ "Lesa wangichile kwikalala mufunjishi." Kabiji mumonai byo akonsha kulumbulula Kyambo. Mwamona? Aye wi Bimvwangakanyatu ne bintu byonse, nanchi wakonsha kubulang'ana. Mwamona?

⁵⁶ Bino, nanchi, kine kintu kyakuuba, kifulo kyobe javula kiyukanyikwa kana wakonsha kwikyuba nangwa ine.

⁵⁷ Pano, kimye Lesa kyo angichile kwikalala musapwishi, Nakelbelenga kwikalala kafunga. Kabiji Nalangulukile mba kwikalala pa nzubo kuno kyafwainwa kwikalatu bulongo. Kabiji aye Nkambo wangichile. Kabiji pa kupezhako bantu bonse baishile pamo...Kechi pajipo nangwa umo wa mwiabo washalapo bufuku buno ne, kabiji bajijile ne kuya mu

Mukwakwa wa 1717 Spring. Kabiji inetu, Mrs. Hawkins uji kukwe, wakumenye ne kwamba mba (kujila, mu kimye kyatamine bukomo, mu kimye umo mwina kikalakulo wakonsha kuteka kunde kabiji ne atweba bonse twaiya twaja yokayo), kabiji aye waambile mba, "Amiwa kaswisha baana bami ku tebulu kana wakonsha kushimika tabbanako." Mwamona?

⁵⁸ Kabiji lwito lwami lwajinga busapwishi. Alwa lukeelo... Kubika ponkapo pa jibwe jajikoka, inge twakonsha kupumuna bufuku buno, mwakonsha kumona jibula jimo ja mu Baibolo apo Aye po aambujile kwikala musapwishi. Mwamona? Kabiji kechi Naginga kafunga wawama ne, kechi kekalapo ne, mambo Amiwa kechi nji na butekanye kabiji ne byo kisenda kwikala kafunga ne. Mwamona? Nanchi nangwa byonkabyo inge Nakebelle kwikala kafunga, Nakonsha kwikala palepa nobe byonka biji kafunga ukeba kwikala musapwishi.

⁵⁹ Mwamona mo Nekitazha nyi? Wakonsha kumona jishinda Nkambo jo akwichilamo, kifulo kyobe byo kiji mu Mubiji. Kujipo jipuzho?

110. Bushe bantu bonse bayuzhiwamo-Mupashi-Wazhila baamba na jimi bukatatakatu nangwa palutwe?

⁶⁰ Ajo jo jipuzho jitanshi, "Bushe bonse baji na Mupashi Wazhila..." Nanchi, byonse ke jipuzhotu jimo, Amiwa ne jinemba papo pa jipuzho ja nambala foolo. Bino Amiwa—Amiwa nsakwamba kikye patanshi, mwamona:

Bushe bantu bonse baji na Mupashi Wazhila bamba na jimi bukatataka nangwa palutwe? Natana pa byaambile Paulo mba "waamba na jimi yavula kukila pa bonse."

Kijitu bulongo, jipuzho ja nambala foolo: **Bushe bonse baamba na jimi byo batambula...** Nangwa, ine, kyaambiwa mba: **Bushe bonse baamba na jimi...** Ine: **Bushe bonse bantu bayuzhiwamo-Mupashi-Wazhila baamba na jimi bukatatakatu nangwa kulutwe?**

⁶¹ Pano, mulongo, Na... Aje ke jipuzho jazhika. Pano, popo, anweba kapepo... Amiwa kapepo nsakwikala na mikumbu kunyuma pa kikye.

⁶² Aye Mupashi Wazhila, lubaji lwa Mupashi Wazhila ke lubingisho. Nanchi kimye kitanshi... Lesa wafwainwa kukwita nangwa kechi bakakwita ne. Monai, kafwako nangwa kimo kyo wakonsha kuuba mwi obewa mwine ne. "Kafwako muntu nangwa umo wakonsha kwiya kwi Amiwa ne kanatu Ba Taata bamukoka patanshi." Abyo ibyo nyi? Nanchi lubaji lwa lubingisho ke Mupashi Wazhila.

⁶³ Mwang'umvwapo kala Amiwa kulondolola kwi yewa mukulupe wa sukuulu wa Benaluther pa kyokya kimye na mambo bujimi bwa mataba? Monai, "Aja jitaba, muntu wayile na kubyala abiji... wabyajile bujimi bwanjji bwa mataba.

Lukeelo lwalondejilepo wayile kabiji ‘kafwako kyajingamo ne.’ Pakupitapo kimye kicheche wataine mabula abiji amena, aye waambile mba, ‘Atotwe Lesa pa bujimi bwami bwa mataba!’’’ Kabiji Naambile mba, “Bushe wajinga na bujimi bwa mataba?”

Kabiji mukulumpe wabena Luther waambile mba, “Kwesakanyatu.”

⁶⁴ Naambile mba, “Abyo ibyo, kwesakanyatu wajinabo.” Bino Naambile mba, “Konka . . .” Naambile mba, “Awa wajinga anweba Benaluther.”

⁶⁵ “Bitende bitende misele yacomene yafikile pa tusalala. Awa wajinga Methodist. Tampulo ya bubiji ya jitaba, ke kasalala.” (Naketekela mba abyo ibyo, anweba balongo mwafuma ku bujimi.) “Kabiji kasalala katala ku jipambalala ne kwamba mba, ‘Huh!, Amiwa ne kasalala, obewa wi jipambalalatu! Monai, Amiwa kechi mbena kukukeba obewa jibiji ne.’ Kabiji pano kasalala . . . Mwaabo upona kufuma ku jipambalala, ne kubwela ku jipambalala ne jikwabo; jafwainwa kwikala na jipambalala.”

⁶⁶ “Kabiji kufuma mu kyokya kileta bupongo. Akya kyajinga Pentekositi, kubwezha kwa byabupe nobe kyabwelele mu kifulo kitanshi, kubwela ku kine kitanshi. Kabiji pano umvwe bupongo bwafuma, bwamba mba, ‘Amiwa kechi kukeba ne, kasalala. Nangwa Amiwa kechi mbena kukukeba obewa ne, jipambalala.’”

⁶⁷ Bino, nangwa byonkabyo, bumi bumo bwajinga mu—mu musele wa jitaba walengele kasalala. Kabiji akya kyajinga mu musele ne mu kasalala kyalengele jipeke. Nanchi Mupashi Wazhila kwamba na jimi kyo kinka? Ke lubingisho lwaya peulu. Mwamona? Nga kipwilo kya Pentekosito kyo kinka? Ke Kyabenaluther kiji peulu. Mwamona?

⁶⁸ Pano bino umvwe akwa kuya palutwe kwafika, jiopuzho jafwainwa kwikala jije, “Nanchi Nafwainwa kushala nyi?” Ine! Ine, jipeke jakoma. Mwamona? Mutatula kukoma na jipeke. Tatulai na—na Kyambo, jipeke, Kikaleta lubingisho. Kabiji ikala mu kubingishiwa poso Kyaleta kutokeshiwa. Ikalai mu kutokeshiwa poso watambula Mupashi Wazhila.

⁶⁹ Pano inge mwatambula Mupashi Wazhila, Kikooba kika? Kiji kika . . . Kikijitu na jipuzho, mufwajo nyi? Kijitu bulongo:

111. Kyo kika “kwamba na jimi”?

⁷⁰ Kwamba na jimi kechi kintu kikwabo ne pakuuba ke lubatizhilo lwa Mupashi Wazhila awo ukubingisha ne kukutokesha. Wayula bingi! Pano, Nakabelenga . . . Nakabelenga jije jipuzho. Lesa wayuka Amiwa kechi nayukile mba awa mwanamulume usa kwipuzha ne, mukumbu . . . nangwa kwikipuzha.

⁷¹ Pano, bushe kiji . . . inge mwaikala mwakabisha muno, shikulai kyokya kizhilo inge mwakunuka nangwa kintu kimo.

Nasaka namba mwikyumvwishe bulongo kabiji pabaya. Mambo kwa—kwakaba pacheche, kyakonsha kwimulengela kukunuka.

⁷² Pano monai, monai kikye: lubingisho, kutokeshiwa, lubatizhilo lwa Mupashi Wazhila.

⁷³ Pano talai kuno, kiji bibye. Lekai ne kilondolole. Pano, Amiwa nji panshi papo, Amiwa ne ndengamambo, Amiwa mbena kwenda *jije* jishinda. Jimotu, pakupitapo kakimye, Kintu kimo kyamba kwi amiwa. Kabiji kafwako nangwa kimo kyakonsha kungalulula ne kanatu Lesa. Abyo ibyo nyi? Amiwa na alulukila *jije* jishinda. Pano, umvwe Naaluluka, ako ko kubingishiwa kwami. Abyo ibyo nyi? Pano, kipikichala kyami kyo kintu kyombena kuyako, monai, kipikichala kya Kilishitu.

⁷⁴ Pano Nakeba kifulo kyo Nakonsha kumvwa bulongo pakwikala kwi Aye. Monai, Amiwa nabingishiwa. Pano Naiya ku *iye* tampulo kuno ako Amiwa konakonsha kwisamba Nanji, mambo... Amiwa neumvwina buvu amiwa mwine. Amiwa kipepa fwaka, Amiwa kibepa bubela, kyuuba pacheche bintu byo Nafwainwa kubula kuuba ne, kabiji kimye kyonse byami *bibye* ne *byobya*, *bibye* ne *byobya*, bino Amiwa namukeba Aye nkutokesha ku *bibye* pakuuba mba Nakonsha kwenda kuya kwi Aye ne kwamba kwi Aye. Mwamona? Kijitu bulongo, kiji bino, ke kutokesh-... tampulo ya kutokeshiwa. Pano, kyaubile byepi? Wangolwele pakikye. Mwamona?

⁷⁵ Pano Amiwa mbena kuya ku Mupashi Wazhila. Mwamona? Kabiji inge Nafika *papo* Amiwa nishi nji mu Mupashi Wazhila konka ku lubatizhilo. Abyo ibyo nyi? Nga Mupashi Wazhila uba byepi? Upa bulume. Bulume bwakwikala musapwishi, bulume bwa kwikalala ke nyimbi, bulume bwa kwamba na jimi, bulume bwa kulumbulula jimi. Wayula na bulume, mambo Mupashi Wazhila ke bulume bwakwa Lesa. Kabiji bwajinga bulume bwa Lesa bwangalulwile. Bwajinga bulume bwa Lesa bwatokeshe ami. Pano ke bulume bwa Lesa bwa ngyuzhizhe ami.

⁷⁶ Bino, pa kimye kimo, Naimana pano kabiji Amiwa mbena kweseka kwamba kintu kimo kabiji Bulume bwa Lesa bwaiya pe amiwa mu musango mukatampe poso kechi Nakonsha kutwajijila kwamba ne. Mwamona? Kabiji Natatwile kikukuma. Nobe Mbena kukeba kwamba mba, “Balongo,” nobe naimana bibye.

⁷⁷ Kiji bino, Amiwa mbena kwikimwesha muyuwe musango. Amiwa mbena kwamba kwi anweba balongo pakuuba mba kine mwikyumvwishe. “Muji—muji—iji byepi, mulongo?” Monai, Amiwa nakikala wazhatwa. “Uu, Ami—Amiwa kine njina lusekelo mambo Naikala—mambo Naikala umo wa mwi anweba. Ami—Ami—Ami jibangi nalusekelo, mwamona.” Kijitu bulongo. Pano, pakupitapo kimye, ke kika? Nayuka mba anweba mubena nkutala amiwa kabiji mwayuka mba Amiwa mbena ku kyuuba kintu kimo, ukyuuba bintu biji na bubipisho bwa muntanda.

⁷⁸ Pakupitapo kimye kimo Na tokeshiwe. Bino kintu kimo kyamweka, Amiwa natokeshiwa. Nakonsha kunkumona mu kilungi, Amiwa ne umo wa mwi anweba. Mwamona? “Kijitu bulongo, mulongo. Atotwe Lesa! Amiwa njibingi na lusekelo pa kwikala mu jije jibumba ja Mupashi Wazhila. Amiwa njibingi na lusekelo pakwikala mukachi kenu balongo bazhila.” Kika? Kechi wakonsha kubika munwe wenu pe amiwa ne, Amiwa na tokeshiwa. Bino pano Lesa usa kumbika mu mwinglelo. Bino, ee, mwane!

⁷⁹ “Mulongo Branham, obewa wabingishiwa nyi?”

⁸⁰ “Ee! Navuluka kimye kyo Nabujile kukonsha kutala pe obewa nangwa pachechetu ne. Mulongo, Nakonsha kukutala mu kilungi pakino kimye.”

⁸¹ Monai, pano potuji. Pano, akye kikwabo kyo kika? Pano Mbena kuya na ku... *Akye* kyatokeshiwa kabiji ne kubikwa pa lubaji *lwa* mwinglelo, kabiji *akyē* kibena kwiya *mu* mwinglelo. Pano atweba bonse twayuka mba kyambo kya *sanctify* ke kyambo kya Ngiliki, ke kyambo kya Kingiliki kyalumbulula bantu byavula “ke komvwewa, kabiji ne kubikwa pa lubaji *lwa* mwinglelo.” Bijiilo bya omvwewa na kitapisho, kabiji ne kutokeshiwa na kitapisho ne kubikwa pa lubaji *lwa* mwinglelo. Pakuuba kwikala mu mwinglelo ke kuyuzhiwa ne kubikwa mu mwinglelo.

⁸² Pano, Amiwa ngya kukwe kabiji pano Mbena kwiya *mu* mwinglelo. Pano, kyajinga Lesa ao wangalulwile, ne kwamba mba, “Ng’umvwa Amiwa. Ng’umvwai Amiwa! Ng’umvwai Amiwa!” Kabiji Aye waambile mba...

⁸³ Mwikyuvvwa kyo Nalumbulula? Mwamona? Kabiji papo, [Mulongo Branham wasombolola muntu umo ubena kwamba mujimi—Waku]. . . ? . . . Monai, pano, anweba mwayulatu na... Byokiji. Abyo byokiji, ako ke kwamba mujimi.

⁸⁴ Kabiji pano Naketekela kikye: Amiwa kechi naketekela mba kwamba mujimi ke bukamonyi bwa Mupashi Wazhila ne. Kechi byo kiji ne! Mambo Namonapo balozhi, besamba na bapashi, bakwata-miloolo, badiabola, ne bantu byonse bikwabo byamba mujimi, kabiji kechi ke kyubilo kya Lesa kibula kukakalwa (umvwe waamba mujimi ne) amba uji na Mupashi Wazhila ne. Bino, vulukai, Mupashi Wazhila waamba mujimi kabiji diabola wakonsha kwi kifwanyikizha.

⁸⁵ Abo—abo bukamonyi mba uji na Mupashi Wazhila ke bumi bo wikalab nabo, monai, “Konka ku bipangwa byabo ko mukebayukila.” Kabiji kipangwa kya Mupashi kechi (kafwamo mo kyatanwa mu Kinembelo ne) kwamba mujimi. Kipangwa kya Mupashi ke butemwe, lusekelo, lwitabilo, kukoka muchima, buwame, bukimote, butekanye, butekanye. Monai, pano, akyo ke kipangwa. Akyo kyokitanwa ku kichi pakuuba mba muyuke musango ka wa kichi byo kiji. Mwamona?

⁸⁶ Akyo bantu kyo babena kutalako kwi anweba basapwishi, kabiji ne kwi anweba bakwasho, kabiji ne anweba baketekelwa, kabiji anweba basapwishi. Obewa wafwainwa kwamba mu jimi mumwe mu mukwakwa pajuba jonse, kechi bakonsha kukuketekela ne. Pakuuba wikala kyo ubena kwambapo, umwesha buwame, kabiji ne yonse mizhazhi ya bushikwe yafumamo mwi obewa, apo muntu po akavuluka mba kujipo kintu kimo.

⁸⁷ “Kwamba mujimi.” Pano, Naketekela kikye, amba kimye kikwabo, amba muntu wayulwana-Mupashi ao wikala pa kitapisho kyakwa Lesa ukamba na jimi. Bino Namonapo bavula baamba najimi kasa babula kuyukapo nangwa kimo pa Lesa ne. Mwamona? Kafwako kyo bayuka pe Aye nangwa pacheche ne, kabiji bamba na jimi. Kabiji byonse bye bya bupe bakonsha kwibipashang’anya. Mwamona?

⁸⁸ Pakuuba kipangwa kya Mupashi kishinikisha musango wa Mupashi uji mukachi, wikala kamonyi wa Bumi bwa Yesu Kilishitu. Mambo inge muji meema a kichi kya mapichi mu kichi kya maepo, kikapanga mapichezi kine nobe byonka biji ntanda. Abyo ibyo. Monai, mambo ke bumi buji mukachi kakyo.

⁸⁹ Pano, akyo kyo kintu kimo kiji pano. Bino pano, pakuuba mba Nkonshe kufikizha bibye kwí anweba bonse, pakuuba mba atweba bonse tuyuke kintu kimo. Naketekela mba muntu wayulwa-na Mupashi... Pano aye wiya mwi Kilishitu na lubatizhilo, kabiji ke... akyo kechi... Kwamba na jimi kechi ke kiyukilo kya lubatizhilo ne. Mwamona?

⁹⁰ Lubatizhilo, wakonsha kubatizhiwa mu bulume bwa diabola, kabiji ne kwamba mujimi na lubatizhilo lwa mupashi wakwa diabola wakujimbaika. Bimye bingi byo twamona kyaubiwa? Bimye bingi byo Namona kyaubiwa?

⁹¹ Nebayuka ne kwibayuka abo na kutoma mashi mu kabwekoshi kabiji ne kwamba mujimi.

⁹² Amiwa namona bazha-namilolo mu kiselebwá kimye kyo bepomba muloolo mukatampe kabiji kebaya na kwamba mujimi. Mulozhi wiya muyekawa musango, kabiji bakonsha kwamba mujimi ne kwiilumbulula.

⁹³ Amiwa nafikapo kala mobekala ko bakonsha kubika pesulu pansi byobya, kabiji babika ne buuku pansi bibye, kabiji pesulu wanyema mu mupaipi wakitofu, ne kwimba, “*Tenda ne suki, jibiji*,” kabiji wanemba ne mujimi ungi, kabiji mulozhi walumbulula nde kubulang’ana byo kyaubiwa. Na—Nayuka byo amiwa. Mwamona? Nanchi Ami... Monai, kuuba wikyuba ne...

⁹⁴ Paulo waambile mba, “Kuji jimi, ikaleka. Kuji bungauzhi, bukankakalwa. Abye byonse bya bupe, katatakatu bikaleke.” (Tuji na jipuzho palutwe kacheche.) “Pakuuba akya kyalumbuluka inge kyafika, akya kiji lubaji lumo kikapwa.” Mwamona? Nanchi tubena kukeba bintu byalumbuluka,

balongo. Mwamona? Twamona bintu byavula bingi byabubela ne kupana kilumbululo kingi.

⁹⁵ Kabiji kechi kutala pa muntu umo ne—ne kuketekela mba baji na Mupashi Wazhila mambo bamba mujimi ne. Mwamona? Bino mwaketekela mba baji na Mupashi Wazhila mambo a bipangwa byo baji nabyo, mambo Yesu waambile mba, “Ko kubipangwa byabo ko mukebayukila.” Mwamona? Abyo ibyo, “Ko kubipangwa byabo.”

⁹⁶ Pano, pano bino, amiwa kechi mfume ku kyokyo ne pano, mambo Amiwa kechi mbena kukeba kulengulula kyabupe kikatampe akyo Lesa kyo apana. Mwamona? Kabiji Naketekela mba mwananamulume nangwa mwananamukazhi wayulwamo-Mupashi, nangwa mwanyike, wikala mushi ya kitapisho kya Lesa, kechi bakekalapo kimyde kyabaya ne poso bakambe na jimi. Mwamona? Naketekela mba aye ukekyuba, nangwa mwananamukazhi.

⁹⁷ Pano, mwakonsha kutambula Mupashi Wazhila kabiji kape kechi waamba na jimi ne pa Kumutambula. Mwamona? Bino inge watwajijilatu na kwikalala ku meso akwa Lesa kimye kyonse, lubatizhilo na lubatizhilo kasa lukufikila, kintu kimo kikamweka. Mwamona? Obewa ukayuzhiwa juba jimo poso wakakalwa kwamba kintu kiji kyonse ne; monai, anweba—anweba—anweba mwaeseka kwamba kintu kimo, kechi mwakonsha kwikyamba ne, kabiji kuuba wikyamba ne. Kabiji bimye byavula inge bantu bavuluka mba awa wajinga Mupashi Wazhila bakonsha kutwajijila na kunshikula muchima wabo ne kuleka Lesa waamba kwi abo.

⁹⁸ Aye Baibolo waamba mba, “Na kikukuma ne na jimi ingi yo Nkamba nayo ku baabo bantu.” Isaya 28, monai, 28:18. Pano, “Na kikukuma ne na jimi ingi yo Nkamba nayo.”

⁹⁹ Kyo kika “kikukuma”? Muntu wakonsha kubula kwamba bulongo ne, kuyatu, “Uu, uu, uu, uu, uu, uu, uu.” Obewa ubatu...waikala na kikukuma, na kweseka, “Huh, uu, huh.” Monai, wayulatu na Mupashi! Aye ubena kweseka kwamba... Nobe Mbrna kukeba kwamba mba, “Mulongo Ja-Jack-... Ja-...Mulo Jack-...Mulongo Ja-Ja-Jack-Jack-Jackson.” Monai, kijitu pamo nobe byobya, ubena kweseka kwamba, kechi wakonsha kwikyamba ne. Mwamona, kokuuba mba, wayuzhiwamo bingi na Mupashi! Akyo...

¹⁰⁰ Nasaka kwimwipuzha anweba balongo, bushe mwakyumvwapo Mupashi Wazhila wimusukanya kikatape poso mwakakalwa kwamba nangwa kintu kimo ne, mwakonsha kwikalatu nzoo pa kimye kimo, waikalatu byobya ne kujila wajila? Bushe mwaubapo kyokyo nyi? Kyawama, awa ye Mupashi Wazhila. Inge mwakonsha...Ene mambo bantu kyo babujila kwamba na jimi bimye byavula, abo kechi bayuka bya kwipana abo bene ku Mupashi ne bino kasa bakeba kintu kiji

kwalepa akwe kasa Kijitu pe abo. Mwamona? Ao oene mambo kyo babujila . . .

¹⁰¹ Kabiji bantu bambo boobatu abo bene bya ku mubiji kabiji baamba byambo byabulamo ne kilumbululo, kabiji nangwa byonkabyo kechi baji na Mupashi Wazhila ne, kabiji ne kweseka kwamba mba baji nanji mambo baambile na jimi. “Ko kubipangwa byabo ko mukebayukila,” mwamona.

¹⁰² Pano, kujipo jipuzho? [Mulongo Junior Jackson waamba mba, “Mulongo Branham?”—Waku.] Ee, mulongo. [“Amiwa nasekela mambo aja jipuzho jaipuzhiwe, mambo kwakubula luzhinauko ne bantu bambo bakonsha kukumya ng’anyi bintu byo Naketekela ne kufunjisha pa kimye kyabya. Bino Nekiketekela monka mo mwifikunjishisha.”] Nakusachila, Mulongo Jackson. [“Nangwatu bimye bivule byepi byo Nakonsha kwamba mu jimi, nangwa kintu kiji kyonse, inge bumi bwami kechi bwakonsha kushimuna byaamba Baibolo ne nanchi Amiwa kechi nakila kuwama kabwa ubena kwenda mu mukwakwa ne.”] Abyo ibyo. [“Kabiji kechi Naambilepo mu jimi ingi ne poso pa kupitapo bang’ondo sikisi panyuma ya kutambula lubatizhilo lwami.”] Ajo jo jishinda mo Nekyubijile, ne amo, Mulongo Jackson.

¹⁰³ Natambwile lubatizhilo lwa Mupashi Wazhila kunyuma mu kazubo kami, mwamona. Kabiji pepi nobe mwaka umo palutwe, nangwa kintu kimo kiji byobya, Najinga—Najinga . . . naambile mujimi.

¹⁰⁴ Kabiji pepi nobe mwaka umo nangwa ibiji panyuma ya kyokyo, ne jikwabo Nasapwijilenga mu kipwilo, kabiji Najinga—Najinga wa imana ku pulatifomu nobe bibye, kabiji Najinga . . . Kimye kyo Najinga mwanyike kabiji kechi najinga wakosa ne bukulumpe nobe Byonji pa kino kimye ne, Amiwa nakonsheshe kuzhokoloka bulongo kabiji Najinga na ng’umvwino ya ku mubiji pa kusapwila. Naimene popa na kusapwila kabiji Natolokejile pa desika. Kyajinga mu kipwilo kya Baptist, kipwilo kya Milltown Baptist, kabiji nayile mukachi mwakupichila, kasa sapwila nangovu byo Nafwainwa kusapwila byokabya. Kabiji byo Nalekeletu kusapwila, Kintu kimo kyasendele kutwala palepa kabiji naambile byambo byavula, foolo nangwa faivi, nangwa byambo sikisi, mujimi yabula kuyukanyikwa. Kabiji kasa Kyangye kuyuka kyo Mbena kuuba ne, Naumvwine amiwa mwine kasa mbena kwita “Aja Jibwe mu ntanda ya kunkoka, aya Nzubo mu kimye kya mwela mukatampe.” Mwamona?

¹⁰⁵ Kabiji pano juba jimo naishilenga mu ngyangi, Naendelenga mu ngyangi, ku lubaji lwa Scottsburg, kasa mbena kwiya mu ngyangi, na kuzhokoloka. Mwela wapuupilenga kyabaya, oo, ami, kabiji mabebe akumbene posepose pa ngyangi, kabiji Naabukile bushiya pakuuba mba Ng’ende sate-fiili sauzande wami; sikisite-sikisi waile kululwe lubaji lukwabo,

kyajinga nobe kyalondejilenga mwaya ngyangi. Kabiji Naishilenga monka ngyangi, kabiji ponkapotu...Naendelenga na kulondaizha monkamwa, Naimbilenga. Amiwa kimye kyonse naimbanga. Najinga na mampuzha apusanapusana ako ko Nayanga na kulomba. Kabiji Nailenga na kulondaizha monkamwa, kasa nyimba, kabiji ponkapotu Naishile kutana mba Naambilenga mu jimi, monai, kwakubula kuyuka kyo Naubilenga ne.

¹⁰⁶ Kwamba mujimi kwiya lubilo kyakwamba mba muntu kechi uyuka kyo abena kuuba ne, nangwa, abo kechi bayuka kyo babena kwambapo ne. Kabiji ne kulumbulula nako jishindatu jimo. Abo kechi bayuka kyo basakwamba ne. Abo kechi bayukapo kintu nangwa kimo kya kwamba ne, mambo ke kyakila pa bulume bwa muntu. Monai, kikulutu wabikamo kya ku mubiji kechi wakonsha ne...obewa—obewa—obewa uji na kya ku mubiji, mwamona. Pakuuba umvwe kintu kimo kyakutolatu kabiji kya kukwachijila, kabiji ubena kwikyuba. Mwamona?

¹⁰⁷ [Mulongo Neville waamba mba, “Mulongo Branham, bushe Nakonsha kwambapo kintu kimo papo nyi?”—Waku.] Kine, wakonsha, Mulongo Neville. [“Pano, ubena kwikyamba muyuwe musango, obewa kechi ubena kukeba kwikyamba ne, nangwa byonkabyo, aya—aya jimi yafwainwa kwikala mu ndoonda ya mpwijilo inge muntu kechi wakonsha kwiyooolola bulongo nenyi? Mambo aye uji...Muntu uji na kyabupe wafwainwa kwikitangila kwingila bulongo.”] Aye wakonsha kwikotolola aye mwine. Ee. Kijitu pamo nobe...[“Wafwainwa kwikala na buyuke bwabaya bwa kuyuka mba uji pepi kwamba mujimi”] ee, abyō ibyo [“nangwa ne wafuma mundoonda kya kutatwilapotu.”] Abyō ibyo, aye wikimvwa. Mwamona? Pano, nobe byaamba Baibolo, “Inge—inge mujipo umo waamba mujimi kabiji kechi pajipo wakututulula ne, nanchi mulekai abule kwamba.” Bino, nangwa byonkabyo.

¹⁰⁸ Kwaamba mba, nobe kyakumwenako, Amiwa naimana pano, muntu yense, inge mubena kukeba kubijika, kintutu kimo. Bushe wakyumvwapo bulume bwa Lesa kwiya pe obewa umvwe watatula kubijika? Baanga baubapo kyokyo? Kyawama, atweba bonse twikyubapo. Mwamona? Obewa waikala popa, wikyumvwa kasa kibena kwiya. Bino, kuji bimye byo wakonsha kwikizhimya, mwamona. Wakonsha kwikikwachijila, monai, kechi kiji bulongo ne.

¹⁰⁹ Pano ibyepi umvwe wajinga waimana, kasa ubena kwamba ku—ku Ndamakyaalo wa United States, nangwa kasa waimana papo na kwamba ku meya wa muzhi, kabiji obewa kasa wamba pa kintu kikwabo, ponka pa mukwakwa kuno, na kwamba ku jibumba ja bantu, kabiji ponkapotu umvwatu nobe ubena kukeba kukiluka peulu ne pansi, kabiji ne kubijika ne kwamba mba “Lukumo! Aleluya!” kabiji ne kupata mukiji kyonse

ne kunyema na kutolauka mu mukwakwa byobya. Bakonsha kwamba mba wavulang'ana. Mwamona? Bakonsha kwamba mba, "Awa muntu wavulang'anako." Mwamona?

¹¹⁰ Kyawama, monai, wayuka mwakubila bulongo pokapotu. Anweba kikwachijilai, nangwa byonkabyo kibena kupoya mukachi mwi anweba kabiji kechi mwakonsha kwikikwachijila ne. Mwaamba mba, "Ee, mwane. Ee, mwane. Uu-uu. Uh-uu. Ee. Ee, mwane. Uu-uu." Mulunda, akyo kibena ku kupoya mu bipivwa bino aneba mwayuka kulama mutende wenu ponkapotu. Mwamona?

¹¹¹ Nobe mu muzubo ya kochi kuno kechi papita kimye kyabaya ne, bajinga na ba Pentekosito bambo mambo—mambo a kuuba kintu kikwabo, kubijika kyabaya bingi nangwa kintu kimo, akyo bajinga—akyō kine kyo kyaitabilwa, mwamona, kijitu bulongo. Pakuuba kimye kyonse mutonyi kyo akonsha kwamba nangwa mba ambe kintu kimo kwi abo, abo bakonsheshe kwamba mujimi. Mwamona? Mutonyi waambile mba, "Bafumyai kuno baabo bantu bakonsha." Mwamona?

¹¹² Pano, inge kwajinga kulumbulula yoya jimi kabiji ne kumubuula mutonyi "ABYO BYOBYAAMBA AYE NKAMBO," kintu *kananga-kananga* akyo kyafwainwa kwikala kyakine, "ABYO BYOBYAAMBA AYE NKAMBO! Pimai, kika kyo waimena papo na kuzhachisha bino bufuku bwapita wajinga na na pite? Janji jizhina jajinga Sally Jones, waikalanga pa 44 mpuzha *Kananga-kananga-kananga*, byonka bya. Kika kyo ubena kuzhachisha amiwa? Kokuba mba ABYO BYOBYAAMBA AYE NKAMBO! Pano nkana kyokyo upone ufwe." Pano, oo, mulongo! Pajipo kintu kimo kyapananako popo.

¹¹³ Bino umvwe waimanatu ne kwamba, kabiji waambile mba, "Obewa wiungi kwi abo." Anweba mwamona? Pano, wayuka kimye kyakuzhindama kabiji ne kimye kyakubula kwikyuba. Mwamona? Pano, akyo...Mwamona. Amiwa...Anweba ngumvwishai bulongo ponka pano, mwayuka Monekitazha. Mwamona? Abyo byokiji. Kyakine...

¹¹⁴ Tuji na jojo jipuzho kufika papo. Ene mambo o Nakutwajijila na kwm̄ba bibye, tuji na kintu kimo, "Bafwainwa kuzhindama nyi?" Mwamona? Ao oene mambo kyo Najikubujila kukumbula kukila pa byo mubena kwamba ne. Bino akyo kyo kimye, kikumbulai pano, monai, ponka pano. Kabiji tusakwijitana pa jije jipuzho papo, kabiji Amiwa nsakwamba kutazha ku kikye. Bushe bonse bakwatakanya jojo jipuzho bulongo nyi?

[Mulongo Fred waipuzha mba, "**Mulongo Branham?**"—Waku.] Ee, Mulongo Fred. ["**Bushe—bushe muntu waamba mu—mu Mupashi, nakwamba ng'ambilo (nobe inge mu Ingilishi kabiji wakonsha kwamba Kizungu) kabiji Mupashi wakonsha kumupa ng'ambilo?**"]

¹¹⁵ Kyakine. Ee, mwane. Monai, mambo Mupashi Wazhila wamba mu mulaka yense. Mwamona? Mu Juba ja Pentekositi mulaka yense wa mushi ya Mwiulu bapwijile pamo, mwamona. Baambilenga mu Kizungu...Pano, Amiwa kimye kyonse nayuka kikye, Mulongo Freddie, amiwa mwine, amba Amiwa... inge Nakonsha kusapwila busapwishi kwafwainwa kutanwa kushingwa kwi ako, ke Mupashi ubena kupanatu ng'ambilo, mwamona. Ke...Mwamona? Nanchi awa wafwainwa kwikala lujimi wabula kuyukanyikwa ku muntu wabula kukwatakanya Kizungu. Bino nangwa byonkabyo...

¹¹⁶ Kabiji kijitu pamo lujimi wabula kuyukanyikwa kechi ke “wabula kuyukanyikwa ne” lujimi, kiji...kuji muntu umo kokwa...Nobe pa Juba ja Pentekositi, baambile mba, abo bonse bandengamambo, baambile mba, “Tubena kumvwa *byepi* kila muntu mu mulaka wanji? Tubena kumvwa *byepi* babo Benagalileya kwamba mu lujimi wetu?” Kechi kwajingapo wabula “kuyukanyikwa ne” pakyokyo nangwa pachechetu ne. Kechi kujipo kintu kya kwamba mba “yabula kuyukanyikwa” jimi pa Pentekositi ne. Pano, monai, akyo kechi Kyanembwa nangwa pacheche ne. Mwamona? Kechi kwajingapo wabula kuyukanyikwa...kechi wajinga lujimi wabula kuyukanyikwa ne, wajinga mulaka. “Mambo ka ne atweba bonse pa muntu pa muntu tubena kumvwa mu milaka yetu yo twasemenwamo?” Kafwako nangwa umo wabula kuyukanyikwa pa iye ne. Mwamona? Ajo...jipuzho jiji jonse pa kyokyo kino kimye, ponkapano kasa tukyangye kwikisha ne? “Mambo ka ne atweba bonse pa muntu pa muntu tubena kumvwa mu milaka yetu?” Mwamona?

¹¹⁷ [Mulongo umo waamba mba, “Apo—apo ipo paji kilubo kicheche na mambo a kunekena kwa bumuntu, kabiji umvwé bantu ba—bakakalwa kuswa kiji kyonse, bambatu mba, ‘Amiwa kechi nakonsha kwikitabila nangwatu kikale *byepi* ne, kanatu mwaila Byubilo 2:4.’”—Waku.] Kyawama, inge bajinga nakyo mwaila Byubilo 2:4 abo kine inge kechi baambile mujimi ingi ne. “[Ine, mu mulaka.]” Uu-uu. Bafwaijilwe kwamba mu—mu mulaka ao bantu ye bemumvwinamo, monai, mambo “muntu yense waumvwine mu mulaka wanji.”

¹¹⁸ Pano, inge Nakonsha kutambula Mupashi Wazhila ponkapano, monka mwaila...Naamba...Naketekela mba muji mulongo umo ubena kukeba Mupashi Wazhila, ao ke—ke—ke Mulongo Wood. Abyo ibyo nyi, Mulongo Wood? Amiwa kechi natazha mu kuuba mba kwimwita anweba ne, bino bonse...tujitu balongo muno kabiji tubena kukeba kwamba kikye. Kabiji ubena kukeba lubatizhilo lwa Mupashi Wazhila. Pano, inge Mulongo Banks watambula Mupashi Wazhila popo, mujishinda jawama, inge Wamutambula mwaila Baibolo, aye wakonsha kwimana popa, ukamba, aye ukamba mu Kizungu, ne kwamba mba, “Yesu Kilishitu Mwaana Lesa wasanguka,” aye

wikyamba na bungauzhi bwikyamba. "Nayuka mba Aye byo kiji, mambo Aye waiyat u mu muchima wami. Aye ye Mwaana wakwa Lesa! Bubi bwami bwaya, pajipo kintu kimo kyamwekele kwi amiwa." Mwamona? Abyo byokiji. Ako kokwamba mu . . .

"Mambo ka pa muntu pa muntu tubena kumvwa mu milaka yetu?"

¹¹⁹ Kwaamba mba, inge atweba sera Indiana twaamba mulaka wapusanako ku wabena Kentucky, kabiji Mulongo Banks ke mwina Kentucky? Kabiji baamba mulaka wapusanako, bino kuno kasa twayuka mba kechi wakonsha kwamba mulaka wa kina Indiana ne. Kabiji aye waimana popa na kwamba mu—mu mulaka wa kina Indiana, kabiji twayuka mba kechi wa muyuka ne. Mwamona? Kabiji twamumvwa aye mu mulaka wa kina Indiana, aye ubena kulanguluka mba ubena kwamba mu mulaka wa kina Kentucky. Aye ubena kushimunatu, "Lesa Atotwe! Yesu wasanguka kufuma mubafu. Aleluya!" bino kasa tubena kumumvwa mu mulaka wa kina Indiana.

¹²⁰ Abyo byobyo kyajinga pa Juba ja Pentekositi. Mwamona? "Mambo ka pa muntu pa muntu tubena kumvwa," monai, "olo, bano bantu bamba kechi bonse sera Ngaliyea nenyi," monai, sera Kentucky? "Kabiji mambo ka atweba sera Indiana, Ohio, ne Illinois, ne Maine, ne Massachusetts, ne sera California, tubena kumumvwa mu milaka yetu yo twasemenwamo?" Mwakikwatakanya nyi? Mwamona, lutundaiko lwazhila. Monai, ke lutundaiko lwazhila kwi abo pa kumvwa, ke lutundaiko lwazhila kwi abo.

¹²¹ Monai, mbila . . . kine kintu ke kino, ke lushimuno lwa lusanguko lwa Yesu Kilishitu. Monai, abylo ibyo. Bino, inge Lesa kechi wikala abwa Bumi mwi obewa ne, nangwatu Mwikishimune byepi, anweba kechi Mwamutambwile ne. Mwamona? Abyo ibyo. Nangwatu kiwame . . .

¹²² Pajipo jipuzho jikwabo pano nyi? [Mulongo Roy Roberson waamba mba, "Kyawama, Mulongo Branham, Naketekela mba twamwene kyokyo kyamweka mu mulaini wa milombelo, awa nsongwakazhi waki Spanish."—Waku.] Ee. Kyawama bingi, Mulongo Roy. Kyajinga konka ku—konka ko Mbena kuya pakino kimye, ku Beaumont—Beaumont. Kyajinga ku Beaumont? Ee, mwane.

¹²³ Pano, mulaini wa milombelo waimene. Kwajinga nsongwakazhi mucheche waki Spanish waishile pa pulatifomu. Kyawama, kwamba patota, Naketekela mba Amiwa nailenga na kulupuka, kechi ibyo nenyi? Howard watwajile pangye, kabiji—kabiji kikye . . . Na—Na—Naumvwa muntu umo ubena kujila, wajinga nsongwakazhi mucheche waki Spanish popa, oo, pepi nobe fifitiini, myaka sikisitiini, ibyo . . . wajingatu mwanyike. Kabiji—kabiji Natajile, kabiji wafwajilwe kwikala wa kitupa kya milombelo kya londelapo umvwe Natwajijile.

Najinga na jibumba kokwa, wafwaijilwe kwikala kitupa kya milombelo kyalondelapo. Naambile mba, “Muletai kuno.” Nanchi bamuletele. Nailenga ku mbung’eno ikwabo, kabiji Naambile mba, “Muletai kuno.”

¹²⁴ Nanchi, Naishile kutana mba, Naambile kwi aye nobe bibye, “Pano, wakonsha kuketekela nyi? Inge Yesu wakonsha kukwasha kukubuula kyatama kwi obewa, wakonsha kuswa mba—mba Aye usa kukubuka nyi?” Bino aye wakunyikiletu mutwe wanji pansi. Nalangulukile mba kape uji na bukamama ne bukishika matwi. Mwamona?

¹²⁵ Nanchi byo Natajile jibiji, Naambile mba, “Ine, kechi wakonsha kwamba Kizungu ne.” Nanchi baletele wakututulula ponkapo, kabiji Naambile mba, “Wakonsha kuketekela nyi?” Kabiji wasutwile mutwe wanji lunyuma ku... Nanchi watatwile kumvwa kupichila mu wakututulula, nangwa byonkabyo. Mwamona?

¹²⁶ Kyawama, nanchi Naambile mba... Kabiji Natajile kabiji Namwene kimwesho. Naambile mba, “Nakumona waikala ku mujilo wa musango-wakala kabiji ne ketulu mukatampe wabijilenga, wayula na mataba a kibobo. Anweba o...” Wavuluka kyokyo, Mulongo Ro? Naambile mba, “Obewa wanjile mataba avujisha. Kabiji byo waubile byobyo, ponkapotu wakolelwé kyatama ne bainobe bakulajikile pa mwanya kabiji watatwile ne kufwa kashita.” Kabiji Naambile mba, “Kufumatu ponkapo uji nakyo kufikatu ne pano.”

¹²⁷ Kabiji pano waalulukijile ku wakututulula ne kumwambila aye mu mulaka wanji mwine, “Nalangulukile mba kechi wakonsha kwamba Kizungu ne... nangwa kwamba Spanish!”

¹²⁸ Kabiji aye waalulukile kwi amiwa ne kwaamba mba, “Obewa kechi waambapo ki Spanish ne, bushe ibyo nyi?”

¹²⁹ Naambile mba, “Ine.” Nanchi twatajile ku wakufyatula lekonda, waimenye malekonda, kine kyajinga Kizungu.

¹³⁰ Pano awa wakututulula waambile mba, “Mbule byo ajikwamba nanchi.” Monai, aye watambwile kilumbululo. Waambile mba, “Obewa umbule byo ajikwamba.” Kabiji aye waambile byambo bimo kwi aye, ne kwi bipana jibiji.

¹³¹ Bino, aye wang’umvwine mu mulaka wanji mo asemekejilwe, bino Amiwa naambilenga Kizungu. Aye wikyumvwile mu ki Spanish. “Mambo ka pa muntu pa muntu tubena kumvwa mu milaka yetu yo twasemekelwamo?” Kabiji mwaana watambwile lubuko. Monai, byokiji, ke mingilo yawama ya Lesa.

[Mulongo waipuzha, “**Nanchi kijilo kiji na Mupashi Wazhila kechi kyakonsha kuuba ne... kikalatu kijilo, kabiji Yenka wa wikiyuzha wakonsha kwikiyuzha na byobya Aye...?**”—Waku.]

¹³² Kyonse kyo Akeba, abyo ibyo. Kine ibyo. Kabiji pano monai byo kyayulwa nabyo, nanchi popo uyukila kana uji na Mupashi Wazhila nangwa ine, nanchi. Mwamona? Monaingatu na byo kyayuzhiwamo nabyo. Inge akya—inge akya kijilo kyayuzhiwamo na byandochi, nanchi kechi kijilo kya Lesa ne. Pakuuba umvwe kyayuzhiwamo na byatoka, nanchi ke kijilo kya Lesa. Mwamona mo Nekitazha nyi? [Aye mulongo waamba mba, “Kabiji kijilo, kuji bimye bya kwikingijisha akya kijilo kwakubula kuyukanyikwa ne, kechi kiyukanyikwa pa kyokya kimye ng’anyi kintu, kyo bekingijisha?”—Waku.] Oo, kine. [Aye mulongo wapana lushimuno.] Uu-uu. Uu-uu. Abyo kine ibyo, kine. Oo, atweba bonse, tumona kyokyo. Namona kyokyo bimye byavula. Ee, mwane. Ee, mwane. Atweba bonse . . . Twayuka mba twibiyuka bibye bintu.

Naketekela mba ajo jajinga nambala foolo: **Bushe bonse—bushe bonse bantu bayuzhiwamo-Mupashi-Wazhila baamba na jimi katatakatu nangwa palutwe?** Natana paambile Paulo mba, “**Ng’amba na jimi yavula kukila—kukila pa bonse.**”

Pano, kyo Nalanguluka pano, ke kupwisha jipuzho ja mulongo:

Paulo, kwamba na jimi yavula kukila pa bonse.

¹³³ Paulo wajinga muntu wajimuka, aye wayukile milaka yavula, ayemwine. Monai, wakonsheshe kwamba na . . . aye . . . Vulukai byo ajinga mu kinje, aye wakonsheshe kwamba na yuwe musango wa lujimi nangwa yewa musango wa lujimi, nangwa musango yense mo kyajinga. Kabiji aya ke jimi ingi ku bantu, bino akwa kechi kwajinga kutundaikwa kwazhila ne. Aya yajinga milaka ya ng’ambilo ya bantu, mwamona. Bino . . . kabiji . . .

¹³⁴ Bino Naketekela mba muntu wayulwa na-Mupashi wikala mushi ya kitapisho kya Lesa, kechi kya luzhinauko ne, katatakatu nangwa palutwe, ukapita mu kwamba mu jimi, mambo akye ke kintu kimo kyapeleshako ne kukepesha kijiko mwaila kulumbulula kwakwa Paulo. Inge mwakonsha kwibibika mundonda, kyo kintu kyapelako pa ndonda ya bya bupe, monai, ke kwamba na jimi.

¹³⁵ Bino pano, kitanshi, wabatizhiwa . . . Pano, anweba bonse ke mwi bya bupe. Amiwa nji pangye. Pano, “Konka ku Kibelo kimo, Mupashi umo,” kibelo kimo kyawatwela mu *kikye kibamba*. Abyo ibyo nyi? Bino, Amiwa kuuba naiya *mujoja* jishinda ne, kechi nakonsha kwiya *mujije* jishinda ne kubwela *mujoja* jishinda ne. Mwamona? Nakonsha Kutwelamo *byep?* Monka Mulongo Roberson? Ine, mwane. Konka, kyawama, kwaamba mba, Mulongo Leo? Amba aye wakonsha kwikala kya bupe kya kwamba mujimi, monai, bushe Amiwa twelamo kupichila mwi Leo? Ine, mwane. Kyawama, Amiwa twelamo

byepi? "Konka ku Kibelo kimo, konka ku Mupashi umo." Aye Mupashi kechi yensetu jimi ne. Ine. Mwamona? Monai, "Konka ku Mupashi umo Amiwa nabatizhiwa mu yuwe Mubiji."

¹³⁶ Pano, awe ye Mupashi, anweba bonse mwi bya bupe. Mwaamba mba, "Kyawama, Lesa apeshiwe!" Nkaya kokwa, na kwamba mba, kuji—kuji Mulongo Wood, aye ke byakukumya. Mwamona? "Oo, Najinga na kyakukumya kyaubiwe. Nayuka mba Njina Mupashi Wazhila mambo Naubile kyakukumya." Kechi ku kimo "kyakukumya" atweba bonse ko twabatizhiwa mu Mubiji ne.

¹³⁷ Yangi kwi Mulongo Junie pano, aye ke maana, "Kyawama, kyawama, Njina maana a Baibolo! Mulunda, Nakubuula obewa, Nayuka mba Njina Mupashi Wazhila na mambo a kyokyo." Ine, amo kechi mo mujishinda mwakutwelela ne.

¹³⁸ Kijitu bulongo. Kechi kwi Mulongo Leo ne, kechi kwi Mulongo Wood ne, kechi—kechi ku Mulongo Junie ne. Mwamona? Ine. Bino konka ku umo muka? [Kipwilo kyaamba mba, "Mupashi!"—Waku.] Kijitu bulongo. Amiwa nabatizhiwa mu yuwe Mubiji, pano Amiwa nji monka, pano kwepi Bataata nkobakanyingijisha? Mwamona? Kyamweka kuuba mba Leo ye waikale kwipi na kibelo; kechi kyaluzhinauko ne akye kyafwainwa kwikala kintu kitanshi kumweka. Bino kechi kyakonsha kwikala byobyo ne. Nakonsha kwikala munoshi wakijisha bingi mu Mupashi, poso Nakonsha kuitaila kuya kuno ku Mulongo Wood, kuitaila pa bonse. Anweba kechi mwakonsha kumbula mba Amiwa kechi njina Mupashi Wazhila ne, mambo Amiwa nji mu yuwe Mubiji konka ku lubatizhilo. Bino Lesa kechi wandetele mumwe na kwamba mba, "Kyawama, Lesa apeshiwe, naketekela Nsakwikala pakino kimye, nekisenda na 'mukose, Amiwa mbena kuya Mwiulu.'" Uu! Mwamona mo Nekitazha nyi?

¹³⁹ Bino Nakonsha kuya kunyuma kuitaila kufuma papo, kubwela kunyuma kokwa. Mwamona Moombena kutazha nyi? Nakonsha kuya kufuma kikipela kimo ne kuya kukwabo, nangwa Nakonsha kuya pakachi, nangwa kuji konse. Bino kintu kimo kikamweka, kintu kimo kyafwainwa kubiwa. Kabiji kyo kika? Monka mu lubatizhilo lwa Mupashi lumwesha mba Amiwa nji mu Mubiji, "Konka ku Mupashi umo." Mwatola kyokyo, mulongo, kuno? Oke! Byobyo kiji? Kijitu bulongo.

112. Mung'anyi ndoonda mwakwingijisha jimi ne bungauzhi mu kimye kya kupwila (Kechi yakwingijisha mu kimye kya kupwila ne! Mwamona?) **mu kutumbijika Lesa** (Nangwa pachechetu ne!), **ne mukukomesha kipwilo?** Nayuka mba bantu baamba mba mupashi wakwa ngauzhi—Nayuka mba—Na—Nayuka mba... (p....Naketekels kyokyo.... Ine, Ndekelaiko mambo, kiji mu "Baibolo," B-a-i-b-o-l-o. Natatwile p-e-p-l-e nangwa kintu kiji byobya. Ine.)

aye—aye Baibolo waamba mba, “Mupashi wa bangauzhi ukokela ngauzhi.” (Kine byokiji.)

¹⁴⁰ Kwamba bumupashi mu jimi ne kwaula ke kukomesha kipwilo, nangwa byonkabyo biji na mpwijilo yabyo bunke. Mwamona? Kechi kikakukatazhapo ne kikulutu ngauzhi wa kipwilo uji...mbung'eno iji mundoonda. Mwamona? Kechi kyafwainwa kwimika kupwila ne.

¹⁴¹ Pano, monai, “mipashi ya bangauzhi.” Atweba—atweba tuji na jipuzho jikwabo pa kino kimye, twayai tutwajijile pa mineti umo. Monai, jishinda jaitabilwa ja bibye...mwakwingijila bibye bya bupe...Akye kibena kukumbula byabupe byavula, mwamona. Inge tufike pa kimye kyao tusakwamba mba akumbulwa kala mu jitanshi, awe muntu pa jije. Mwamona? Ajo ke nambala faivi:

Bushe jimi ne bungauzhi byafwainwa kwingijishiwa mu kimye kya kupwila mu kutumbujika Lesa?

¹⁴² Mwamona, pano, wamwingilo...inge wamwingilo washingwa na Lesa, kabiji kipwilo kyaikala mundoonda, pano, jishinda jaitabilwa...Anweba bavula mwayuka byo Na—Naamba kwi anweba pa “kwibibika mu ndoonda.” Abye bya bupe byafwainwa...Pano, abyebobyo tukooba mu tabbanako, inge Nkambo waswa. Pano, Mbena kumona, Mbena kumona kintu kimo, kusha Mulongo Neville kabiji ne baabo balongo bakwabo kuno mu ndoonda. Pano anweba muji...Kabiji bavula ba mubaabo balongo ke balongo banyike.

¹⁴³ Pano, Amiwa—Amiwa ne mwine wakala wapitamo mu—kwi anweba bonse mu jije Jishinda. Naikala myaka sate-wanu mu Kikye. Kyajinga pepi nobe myaka sate yapitapo Nabikile joja jibwe. Nakumenye binto byonse bijiko byafwainwa kukumanya, kabiji wafwainwa kuyuka kyo ubena kwambapo, ne apo, umvwe waiya kukye. Kechi wafwainwa kuyukatu kyokyo ne, kyawama kwaikala Lesa wa kwikitabizha inge—inge wapitamo mu kyokyo.

¹⁴⁴ Pano, ndoonda yaitabilwa ya—ya kubilamo kikye, mwafwainsha kwikalala na mbung'eno yapusanako. Naketekela mba byo baubile mu Kolinda Mutanshi 14 papo, “Umvwe kintu kimo kyasololwa ku umo waikala papo, lekai mukwabo ekale wazhindama nanchi.” Naketekela kyajinga “ke pwijilo yapusanako ya bya bupe,” akyo kyakonsha kwikalatu bulongo. Inge bakeba kwikalala na mpwijilo yapusanako apo bantu bonse baji na bya bupe po bafwainwa kukumana jimo mu mulungu, aba baji na bya bupe, ne kwiya mu kipwilo, akyo kyakonsha kwikalala kyawama. Balekai bekale na yoya mbung'eno, kechi kujipo...kwikalala na kusapwila ne, ke bya bupe bya Mupashi.

¹⁴⁵ Kechi kya bakungi ne babula kwitabila ne. Bakonsha kwiya, baikala pansi, ne kwamba mba...Umo waimana ne kuya, “aa-aa,” waamba mujimi; mukwabo waamba mba, “whaa-aa.”

“Ng’anyi kintu mutanda!” Bakonsha kwiya ne kwamba mba,
“Nga kwimba kujipi? Pano byashala bijipi?” Mwamona?

¹⁴⁶ Bino, pano, abo babena kwamba mujimi, bavula ba mwiabo (ne kulumbulula, kabiji ne bikwabotu) balukeke mu Mamboawama. Mwamona? Kechi—kechi mwibalenge mambo ne, balekai—balekai bakome poso akya kya bupe... Bimo byabyo, mwakonsha kumona Satana byo eseka kutwela mu bambo. Mambo, bakala, tu—tu—tumona byobyo. Monai, twakonsha kukwata kyokyo, kabiji mwakonsha kwikimona.

¹⁴⁷ Kuno kechi papita kimye kyabaya ne wamwingilo umo, waikala ponka pano, waishile kwi amiwa ne nkumbula kabiji wakumenye ku zubo yanji, mulongo wawama bingi.

¹⁴⁸ Amiwa kechi ne kyamba mambo aye waikala muno ne, bino anweba bonse mwi *balongo* bawama. Inge Amiwa kechi nalanguluka kyokyo ne, Nafwainwa kwi mubuula, “Kyafwainwa obewa ne Amiwa twikyolole kikye kintu, patanshi.” Mwamona? Abyo ibyo. Mwamona? Nemutemwa anweba bonse, kabiji Amiwa nji kuno na mupashi wakuchichika ku Baibolo, mwamona, mu—mu kukwasha. Mwamona?

¹⁴⁹ Awe mulongo wajinga ne amiwa ku nzubo yanji ku... mwanamukazhi umo, kabiji awa mwanamukazhi wajinga mukilubo. Kabiji akye... Amiwa kechi na kimumonapo awe mwanamukazhi ne pakuuba Nekyumvwine pa tepu, aye wapaine kilumbululo kya jimi, ne kubulang’ana kintu kimo. Mwakonsha kwikyumvwa ponkapotu.

¹⁵⁰ Juba jimo, ku wa mwingilo mukwabo, ne Amiwa, ku yenka muntu umo, twaikele pa kinshiki, na kwipaya tu baluyeye, kabiji twikyambilenga. Kabiji bonse bamwingilo, baji pano, bayuka akyo byo kyaubiwe. Mwamona, pano, anweba talaingatu.

¹⁵¹ Umvwe anweba bamwingilo mubena koolola muntyu pa kya bupe, inge mubena kwiboolola, Kwibolola mwaila binembelo, kabiji betuntula, vulukai, kechi wajinga Mupashi wa Lesa ne, mambo Mupashi wakwa Lesa kechi wakonsha kwituntula mu Kyambo Kyanji ne. Aye wiya ku Kyambo Kyanji. Monai, aye kimye kyonse ubena kuswisha. Wazhijikwa kine kine wa kwa Lesa ukeba kwikilondela. Ee, mwane.

¹⁵² Amiwa keba koololwa. Amiwa keba Mupashi Wazhila ku ngolola mu bintu byo Mbena kuuba byatama. Amiwa kechi nkeba kupingakenyamo kintu kingi ne. Ami—Amiwa nkeba kintu kitutulu nangwa kafwako ne, ndekaitu buke bwami, kechi—kechi mundeke ngikalepo na kintu nangwa kimo ne. Mwamona? Mambo Amiwa kyawama kuuba kyokyo kukila kuleta myendeleko kwi Kilishitu.

¹⁵³ Kabiji kechi Nakonsha kufunjisha kiji kyonse ne kabiji kechi Nakonsha kwamba kintu kiji kyonse ne kanatu Kinembelo...

¹⁵⁴ Kabiji inge mulongo umo, umvwe mulongo umo Mwinakilishitu wamona na kufunjisha kintu kyatama, Nafwainwa kusata inge wakonsha kungita ku lubaji lumo pa kupwisha kupwila, ne kwamba mba, "Mulongo Branham, Nakonsha kutemwa kwiya ku kibamba kyobe ne kwamba kwi obewa, obewa uji mu kilubo pa kintu kimo." Mwamona? Na—Nafwainwa kusata pakyokyo, mulongo, mambo Nakeba kuuba kyaoloka bulongo. Amiwa ne kikeba.

¹⁵⁵ Pano, atweba bonse tubena kukeba kuuba kyaoloka, oene mambo kyo tubena kukebela—kyo tubena kukebela kwamba pa bibye bintu. Kabiji bafwainwa kwiya kupichila mu Kinembelo, mwamona, kulenga Kinembelo kikasa pamo.

¹⁵⁶ Pano, kwamba mujimi kwafwainwa kwikala... Pano, palutwe kacheche... Pano, kilekai kiye kulutwe pano, pa kakimye kacheche. Monai, Nafwainwa kwimukwasha mba mwikileke kiyengatu kabiji kikale byonkabyo. Kwi anweba ba mwingilo pano, anweba bakafunga, kilekaitu kiyenga kulutwe poso baabo balukeke bakomako pacheche. Pano, kapepo, katataka nangwa palutwe, inge mulwanyi ubena kujimbaika muntu, kikemwesha akyo kine. Atweba kechi tuji na bukishika ne.

¹⁵⁷ Pano, panyuma ya kikye, kasa mukyangye kutatula kikye, bikaimo mupashi wa maana momwa, kuyuka mipashi, mwamona, mu kuyuka kikye. Kintu kitanshi, mwayukatu, mwatatula kumona mba muntu umo watatula kumona mba pajipo kintu kimo kyatama, akyo ke kuyuka bapashi. Nanchi, kabiji mwaana pa ka kimyetu kacheche. Mwamona? Nanchi inge mwamona kuyuka bapashi kwaya mungi, nanchi ololaipo pa kyokyo. Kabiji umvwe akyu kintu... inge kya kwa Lesa, aye ukaswa kololwa kwa Kyambo. Mwamona?

¹⁵⁸ Nobe, kya kumwenako, Amiwa nsakwamba mba twaambile mu jimi, muntu umo, tuji na... aje ke—ke jibumba ja bantu baji na byabupe. Kabiji Leo waimene ne kwamba mujimi; nanchi, ne mulongo papo, Willard, wapanan kilumbululo. Kijitu bulongo. Pano, Nasaka kwamba mba Mulongo Neville ne Mulongo Junie ne Mulongo Willard Collins baji na kuyuka bapashi, mwamona. Pano, mambo Leo waambile... Pano, tujitu pamo nobe mu mpwijilo ya bazhijikwa babacheche, mbung'eno ya bya bupe, kabiji Leo waambie le ne Willard wapanan kilumbululo, ne kwamba mba, "ABYO BYOBYAAMBA AYE NKAMBO! 'Pakisatu bufuku kukeya mwanamukazhi kuno kabiji aye uka—aye ukekala na kondo. Buulai Mulongo Branham kechi amukalukile ne, mambo ke mukonye. Pakuuba mubulai akamutwale mu koona ya kibamba, mambo kyajinga mu koona amo mo aubijile kya bubi kimye kimo kabiji ne kintu kimo kyaubiwe.'" Mwamona? Akyo kyaumvwanyika bingi bulongo, kechi ibyo nenyi? Mwamona? Kijitu bulongo.

¹⁵⁹ Pano, bino kintu kitanshi, mwayukatu, mu Kinembelo Kyakala, nangwatu ngauzhi ambe byepi nangwa muntu mukwabo ambe byepi, kyaesekelwe na Yulimu Tumimu, patanshi. Monai, kyaile ku Kyambo. Kabiji umvwe aaa malaichi kechi a ambuka ne, be kilekeletu. Mwamona?

¹⁶⁰ Kabiji kintu kitanshi, pano, twayai twikitwale ku Kyambo. Pano, *awe* muntu waambile na jimi, kyaumvwanyikiletu bulongo. Awe umo walumbulula, kyaumvwanyikiletu bulongo. Pakuuba Kyambo kyaamba mba, “Lekai kipingulwe na babiji nangwa na basatu bamitonyi, patanshi.” Kitwalai ku Yulimu Tumimu.

¹⁶¹ Pano, kintu kitanshi, Willard Collins waamba mba, “Kyajinga kya Nkambo.” Junie waamba mba, “Ke kya Nkambo—Nkambo.” Abo ke babiji mu basatu. Kijitu bulongo, kyanembwa pa kipeepala, kyaambiwa monka muno mu kipwilo. Nanchi aba bantu bekimona kyatangwa kasa kikyangye kumweka ne, kabiji kyabwela kya mwekanyika, baamba mba, “Mulongo, awa ke Lesa! Monai, awa ke Lesa!”

¹⁶² Pano inge kyabula kumweka, pano kika kyubiwa? Mwamona? (Pano tusa kufika pa kintu kikwabo kyo Nakonsha kufikapo ponkapo, “Bushe bungauzhi bonse bututulu... byonse byalumbululwa ne mbila bungauzhi?”) Pano, pa kaminetitu kamo. Pano, inge kyabula kumweka? Nanchi *Leo* waambile na mupashi wabubela; *aye* wapaine kilumbululo kya bubela; kabiji *obewa* wapingwile kya bubela. Nanchi fumyaimo kyokya kintu mwi anweba. Anweba kechi mukeba kyokyo ne. Akyo kyatama. Kilekaitu buke bwakyo. Ao ke diabola. Mwamona? [Kafwapo bijipo pa tepu ne—Waku.] “*Amiwa* kechi ne musapwishi ne, bino Amiwa ne—Amiwa ne wakulumbulula. Monai, Amiwa ne ulumbulula, Nkambo, Amiwa—Amiwa kechi ne musapwishi ne. Ami...” Mulongo *Leo* waamba mba, “Nkambo, Amiwa kechi ne musapwishi ne, bino Amiwa—Amiwa njina kya bupe kya jimi kabiji diabola wandubakanyako pakyokyo. Lesa, fumyaimo kyokya kintu mwi amiwa.” *Mwaamba* mba, “Nkambo, Anweba mwapa mupashi wakuyuka bapashi, kabiji Amiwa ne mumona Anweba mwikyuba bimye byavula, kyamwekele byepi? Taata, ngomvwai amiwa! Kika kyamwekele?” Mwamona, abyo byokiji, nanchi uji nakyo kya kine.

¹⁶³ Monai, ayo yo mpwijilo ya bazhijikwa ya kimye kyonse. Nalanguluka mba byo kyajinga mu Baibolo, mambo Paulo waambile mba, “Inge umo wa aula kabiji kintu kimo kya aulwa, kintu kimo kya... kabiji kintu kimo kyasololwa ku waikala papo; lekai ekale wazhindama poso awe umo waamba patanshi, nanchi naye wakonsha kwamba. Kabiji anweba bonse mwafwainwa kwaaula umo umo.” Bino, akyo kechi kyakonsha kwikalwa mu mpwijilo ya kimye kyonse ne, mwayukatu kyokyo, bonse umo umo kechi bakonsha kupana ne.

¹⁶⁴ Pano, kwikala washininwa mba kya Lesa, monai, mambo umvwe kyaikalatu kyabulamo maana nishi kechi kya kwa Lesa ne. Inge kyabula kufikizhiwa ne, kechi ke kya kwa Lesa ne. Mwamona? Kyafwainwa kufikizhiwa. Kabiji—kabiji onkao mambo mu bipwilo byetu, mwamona, mulongo, nanchi tuji na kipwilo kyaimana bulongo, monai, ako kwabula muntu nangwa umo wakonsha kwamba mba kechi kya ambiwa nangwa kubiwa ne . . .

¹⁶⁵ Talai ko kyatwala, inge Nji ku meso a bantu bavula. Talai pa kyokyo! Pano nga ibyepi pa kilubo kimo pa kyokyo? Mwamona? Mambo Namuketekela Aye. Mwamona? Namuketekela Aye. Muntu umo waamba mba, “Obewa uji na moyo wa kilubo, Mulongo Branham?” Ine, ine, uu-uu, kechi nji na moyo wa kilubo ne. Namuketekela Aye. Aye ye Bukikizhi bwami. Natongwelwa kuuba kikye pakuuba mba Ngikale ponkapa.

¹⁶⁶ Inge Lesa wakutongwela kuuba kintu kimo, nanchi Aye ye Bukikizhi bobe. Mwamona, Aye ukakulama. Inge Aye wakutumine, Aye ukalama kyambo kyobe. Obewa nanchi wi ntomesha. *Obewa wi* ntomesha na kya bupe kya jimi; *obewa wi* ntomesha na kya bupe kya kulumbulula; *obewa wi* ntomesha na kya bupe kya kuyuka bapashi; anweba busatu bwenu. Mwamona mo Nekitazha? Pano obewa kika kyo uji nakyo? Onweba muji na kipwilo kyakosa. Anweba kechi mwakonsha kachiina ne. Kwimana, ee, pamotu ne keesha . . .

¹⁶⁷ Apo, Najinga mu mbung’eno kukwe. Mucheche ol’nsongwalume mu Ingilishi wafumine ku England waishile kuno, wakebelenga kwikujika. Mulongo Banks waishile kokwa na kwaamba mba, “Aye waikala popa foolo nangwa moba faivi.” Najinga na bintu byavula bingi bya kuuba, bino waambile mba, “Nsongwalume ukekujika.” Awa Hotela wa Waterview kokwa wambujilenga musango wa yewa nsongwalume.

¹⁶⁸ Kabiji Naile mu kibamba na kumulombelela. Nabwelele kabiji Naambile mba, “Pano, Mulongo Banks, Amiwa kechi nakimonapo muntu nangwa kuyukapo kintu kimo pe aye ne, bino Amiwa nsakwimubuula kyatama kwi aye kasa Kyangye kufikako.” Abyo ibyo nyi, Mulongo Banks? Kabiji byo twafikile kokwa, Mupashi Wazhila waishile na kumubuula bintu mo byaabilwa kabiji ne byonse pe aye, kabiji ne ko ajinga ne bya pabumi bwanji. Aye washi akapone, pepitu.

¹⁶⁹ “Obewa uji na moyo wa kilubo, Mulongo Branham, wabuula muntu kintu kimo kiji byobya?” Pano ibyepi pa pulatifomu, wabuula muntu mba waikala wabula bukishika ku mukazhaji, uji na mwaana na mwanamukazhi mukwabo? Aye ukemutaya mo balamina bakonye. Kyawama kwikala bulongo! Mwamona? Mwamona? Kechi muvwe moyo ne, inge ye Lesa. Bino inge kechi uji na moyo ne . . . Inge—inge kechi wayuka mba Lesa ne,

nanchi zhindamaitu poso wayuka mba Lesa. Abyo ibyo nyi? Ikalai banshiniinwa ne kuya kulutwe.

¹⁷⁰ Pano, alwe ke lufunjisho lwakosa bingi, mulongo, bino anweba mwi balongo bami. Anweba mwi—anweba mwi—anweba mwi bamingilo abo babena kulondela panyuma, kabiji Amiwa ne mukote, amiwa kafumapo juba jimo. Mwamona? Kabiji nanchi monai mba kiji—kiji bulongo.

¹⁷¹ Pakulupukamo mu kibamba kya... Kapopo Amiwa kafika pakikye pacheche palutwe. Nsongwalume... Kyawama, Nsakwamba lubaji lumo lwakyo ponkapano. Keesha japita, Mulongo Banks ne Amiwa, twajinga bakaswa bingi, najinga (oo, ami) na ngovu yonse byo Nafwainwa kuuba, kabiji Ami—Amiwa nsakwimubuula byo Nafwaijilwe kuuba ku ino mbung'eno. Leo ne Gene ne jibumba jetu twailenga kokakwa, ne balongo, kabiji ne kwamba mba tubena kuya na kwipaya bangulube, kwipaya ngulu mulume. Bajinga na moba faivi a kwipaya bangulu balume, ku Arizona, panyuma ya kupwila, kupwila kwetu nishi kwapwa. Tubena kuya ku Phoenix juba jimo, kabiji ne kupembelela moba faivi kasa tukyangye kwikala na kukwabo ne, moba foolo kasa bakyangye kwikala na mbung'eno ikwabo kuji konse ne. Twafwainwa kwikalatu konkakwa ku Arizona. Kyawama, kyamwekatu nobe kyonka kya kimye kya bangulu balume nishi kyafikila.

¹⁷² Nanchi Nakelbelenga kuya na kuloza buta bwami bwa laifo bwa bucheche, na kumona kana bujitu bulongo. Banks wailenga ne amiwa. Twatatwile kulupuka pa ngeti, kutatula kulupuka pa ngeti. Awe muntu wiya nakutwela, peulu ya kyokya kiyukilo (monai, waambile mba, "Nasashijilapo kechi mwipuzhe Mulongo Branham ne").

¹⁷³ Monai, ene mambo kyo bobila kikye... kechi kya bantu bakolwa ne. Ami, kabiji pa zubo, ipuzhai Banks, aye wikala pa nzubo yalondelapo pa yami. Bantu beya, mute ne bufuku ne bintu bikwabo, na baana bakolwa, bintu byonse. Atweba kechi tubwezha muntu uji byobya ne. Bino...

¹⁷⁴ Kabiji bangichile amiwa, Leo ne abo, kufuma kokwa pa kikochikala, kabiji Jim ne bakwabo, "Kuji muntu umo papo uji na mwaana wakolwa. Kabiji kuji muntu umo na kaasa." Tuleka bintu byonse na mambo a aye.

¹⁷⁵ Bufuku bwapita Naichilwe mu kipatela amo muntu umo mo angichile, kabiji awa muntu kechi waswile mba twele mukachi byo Nafikile kokwa ne. Monai, muntu tu umo waumvwine lutundaiko. Bino akyo kijitu bulongo, Amiwa ngya nangwa byonkabyo. Mwamona? Mambo ke mwingilo wami wakuya, monai, kabiji ne kweseka kukwasha muntu umo.

¹⁷⁶ Kyawama, akyo kechi kyo kyaikelako akyu kiyukilo ne. Bino awe muntu, byonka byo twatwelelengatu mu motoka, kabiji Mulongo Banks wayuka mba Nafwaijilwe ku... Napembejile

mu yoya nzubo pantu pamo. Kwajinga muntub umo waishile kwi Mulongo Banks wamukwachijiile. Kabiji ponkapotu byo nafikile kokwa, Bakwachijiile. Kabiji ponkapotu byo twatolele laifo wetu ne kutatula kuya na kutwela mu motoka, kwajinga muntu waishilenga konka kotuji. Waishile kufika ponkapa.

¹⁷⁷ Kabiji byo Nenengezhenga mba na mubuule ayenga na kutuma pa yoya nambala (pa BUTler 2-1519) na mambo a kyokya kiyukilo. [Nambala wa telefoni wapipulwa.—Waku.] Naambile mba, “Atweba tuji mukupelawizhako.”

Waambile mba, “Naketekela mba muji mu lubilo, mwane.”

Naambile mba, “Jizhina jami . . .”

¹⁷⁸ Kitanshi Naendele kuya konka, waambile mba, “Uji byepi?” Kabiji Namwene mba aye kechi Wangyukile ne kana yami ng’anyi.

Naambile mba, “Jizhina jami ne Branham.”

Aye waambile mba, “Obewa wi Mulongo Branham?”

Naambile mba, “Yami iye.”

¹⁷⁹ Kabiji aye waambile mba, “Amiwa—Amiwa . . . Amiwa nakebelenga kukukumanya, Mulongo Branham.” Waambile mba, “Namona mba mubena kunengezha kufumapo.”

Naambile mba, “Ee, mwane, Byonji.”

Aye waambile mba, “Nayuka mba muji mu lubilo.”

Naambile mba, “Amiwa byoji ponka pano, mwane.”

¹⁸⁰ Kabiji aye waambile mba, “Kyawama, Nakukebangatu kwisamba nobe pa mamineti acheche.”

¹⁸¹ Kabiji Amiwa nakebelengatu kumubuu; kabiji Mupashi Wazhila waambile mba, “Musende mu kibamba, wakonsha ku mukwasha.” Pano, apa ponka, bintu byonse byapipwilwe. Buta bwaikeletu kulubaji lumo, kabiji ne bintu byonse byonkabya, mwingilo wa Lesa ye mutanshi. Mwamona? Kabiji aye waambile mba . . .

¹⁸² Naambile mba, “Iya, tuyenga pamo ne amiwa.” Naambile mba, “Amiwa sakubwela pa kakimye kacheche, Mulongo Banks.”

Aye waambile mba, “Kyaikala kiji pa mweo wami, Mulongo Branham.”

Naambile mba, “Kijitu bulongo, twelai.”

Twapichile mu nzubo, Meda waambile mba, “Kechi mwakiya ne?”

¹⁸³ Naambile mba, “Ine, ine, ine, ke mambo a muntu umo uji munoo.” Naambile mba, “Lamai baana mu kibamba kikwabo.” Namutwajile mwakukokolokela mu kibamba kicheche, twaikala. Ponkapo byo twaikela . . .

¹⁸⁴ Awa muntu wajinga mu kipwilo bufuku bwapita. Bushe waishile nyi, Banks? Bushe anweba...Ee, kyawama, aye wafwaijilwe kwiya bufuku bwapita. Aye wajingatu...

¹⁸⁵ Kintu kitanshi, Mupashi Wazhila watatwile ku mubuula aye ye ng'anyi, ne byo aubile, bika byamwekele kupita mu bumi bwanji, bintu byonse pa bibye, monai, kuyatu kulutwe, na kumubuula bintu byonse. Banks ye kamonyi. Kechi washikwile kanwa kanji ne bino waambiletu pepi nobe byambo bibiji kwi amiwa; kabiji Aye waishile na kumubuula, ne kwaamba mba, "Obewa waikala wakwikala mungye, obewa kine wikala mu Madison. Obewa wafumatu ku Evansville, Indiana. Obewa wajinga kokwa ku yuwe sukuulu wa Baibolo, kabungwe kabupopweshi bwabubela, waikele wavulang'ana. Obewa wafumatu ku Louisville maminetiacheche apitapo. Kwajinga muntu umo, ne yewa muntu wakubuujile (mwaikiele ne kuja nanji), wakubuujile mba wiye kuno na kumona ami 'pakuuba mba ufume mu lukatazho.'" Naambile mba, "Abyo BYOBYAAMBA AYE NKAMBO!"

¹⁸⁶ Awa mwanamulume waikeletu, na kukopa meso anji, kasa abena kutala pe amiwa, waambile mba, "Ee, mwane!"

Naambile mba, "Kyakukwata obewa, kechi ibyo nenyi?"

Aye waambile mba, "Kyaubiwe."

Naambile mba, "Bushe waketekela Mupashi Wazhila nyi?"

Aye waambile mba, "Nasaka kwikyuba, mwane."

¹⁸⁷ Kabiji Naambile mba, "Ubena kukeba amiwa kukubuula kyo ubena kulanguluka nyi?"

Aye waambile mba, "Ee, mwane." Kabiji Namubujile. Aye waambile mba, "Kabiji, mulongo, akyo bo bukine."

Kabiji Naambile mba, "Pipula milanguluko yobe."

Aye waambile mba, "Kijitu bulongo, Njinayo."

Naambile mba, "Akye kyo ubena kulanguluka."

Aye waambile mba, "Abyo ibyo! Abyo ibyo!"

¹⁸⁸ Naambile mba, "Pano, obewa kechi ubena kukeba kimwesho ne, ubena kukebatu kololwa." Kabiji Namubujile kintu kimo kyo mwakonsha kubula kusaka mba amiwa ne kyambe ne. Inge kyajinga pe obewa, kechi wakonsha kutemwa ne. Ke kintu kyatama bingi, nanchi kechi wakonsha nkukeba amiwa kwikibulang'ana inge kiji pe obewa ne. Kabiji Amiwa kechi mbulang'ana bya mwesha Nkambo pa bantu ne. Nanchi Naambiletu mba, "Kijitu bulongo, ukek'yuba?"

Aye waambile mba, "Amiwa nkoba."

Naambile mba, "Ikala mujishinda jobe."

¹⁹⁰ Twajinga monkamwa kechi kukila pa mamineti teeni ne, kechi kyajinga byobyo ne, Mulongo Banks? Pepi nobe, pakachi

ka sebeni ne mamineti teeni. Naendele kubwela kunyuma, nabwelele mu mukwakwa, kabiji kasa mbena kuya mujishinda, aye ne Amiwa ne Banks ne nsongwalume wami mucheche, Joe, Naketekela mba byo kyajinga, kasa tubena kuya pamo, nakuya mwaya muwakwa. Aye waalulukile kwi amiwa, waambile mba, “Anweba, Nasaka kwimwipuzhako jipuzho.”

Naambile mba, “Kijitu bulongo.”

¹⁹¹ Aye waambile mba, “Amiwa ne muntu wavulang’anako pacheche.” Aye waambile mba, “Wayuka byepi byonse bya bintu pe amiwa?” Mwamona? Banks waikale poka.

¹⁹² Kabiji Naambile mba, “Anweba, mwakyumvwapo bimwesho byami ne mwingilo wami?”

¹⁹³ Aye waambile mba, “Amiwa kechi nayukilepo jizhina jobe ne poso awala umo wapitapo. Muntu umo wambujile, waambile mba konka kwa ku Louisville, wambujile mba ngiye kuno, kaniji Naendele kwabuka kyabu.” Abyo ibyo nyi, Banks? Aye waambile mba, “Amiwa kechi nayukilepo jizhina jenu ne, kuyuka kana yobe ng’anyi ne.”

¹⁹⁴ Naambile mba, “Mu mwingilo wami, ke kya bupe kya Lesa Aye kyo atumine.”

¹⁹⁵ Aye waambile mba, “Nanchi umvwe abyo—abyo byobyo kiji,” waambile mba, “pano Amiwa . . .” Waambile mba, “Amiwa jitu . . . Amiwa jitu bulongo pano,” aye waambile mba, “bintu byonse byaya.” Mwamona? Aye waambile mba, “Kyo kika, awa wajinga Lesa ubena kwamba kwi amiwa kupichila mwi obewa.”

Naambile mba, “Kine.”

¹⁹⁶ Aye waambile mba, “Pano, Naumvwisha mu Baibolo mba . . . Kimye kimo kyo Natangile mu Baibolo, amba, Yesu waambile ku banababwanga Banji,” akyo kyalumbulwilenga mba “bantu,” mwamona. Waambile mba, “Waambile ku banababwanga Banji kabiji Wibabujile bintu byo balangulukilenga.” Monai, “kuyuka milanguluko yabo” koko ayilenga. Aye waambile mba, “Kabiji Aye waambile mba kyajinga Ba Shanji baambilenga kupichila mwi Aye.”

Naambile mba, “Abyo ibyo.”

¹⁹⁷ Aye waambile mba, “Pano, pano, nanchi Bataata bakwingisishe kwamba kwi amiwa, pa kumbula bibye bintu, pakuuba mba amiwa ngitabile byo ubena kumbula mba bya bukine.”

Naambile mba, “Kyajinga kya bukine?”

Aye waambile mba, “Ee.” Waambile mba, “Nanchi kyafwainwa kwikala Lesa.”

¹⁹⁸ Kabiji Naambile mba, “Mulongo, pano wayuka byavula pa byobyo” (amiwa ne Banks twaambile) “kukila bambo batanwa mu

mbung'eno pa myaka teeni kuyukapo nangwa kimo ne." Awatu—awa mwanamulume! Pano, abyō byobyo kiji. Mwamona?

Kabiji Mupashi (mwaila ndoonda) mu jimi ke bungauzhi bwakwingijisha mu kimye kyakupwila?

¹⁹⁹ Ine. Yafwainwa kwingijishiwa *yuwe* musango, kabiji ne *kubuulang'ana* mu kimye kya kupwila. Pakuuba pa kino kimye, pa kino kimye kyo tujipo, balekai baambe. Pano, inge kyafika pa kufuma mu jishinda, nishi kechi kiji byobyo ne, wafwainwa kutajisha kyokya. Bino, kimye kimo kyakonsha kwikala Lesa. Kabiji aba balunda babacheche, kijitu pamo nobe mwanyike ubena kweseka kwenda, pano, inge waponena pansi foolo nangwa bimye faivi... Pano, Namona kikye kufuma po Neikela muno mu kipwilo, kabiji—kabiji, kyawama, Amiwa—Amiwa nsakwikilekatu byonkabya. Mwamona? Kabiji, bino, mwamona, pano kiji byepi, mwakonsha kwamba mba, "Mulongo Branham, kika kyo wabujila kolola kikye?" Ine, ine.

²⁰⁰ Kimye Billy Paul kunyuma kokwa byo atatwile kwenda, waimenenga ne kupona, kabiji waponenenga javula kukila byo aimenenga. Bino aye kechi wayukile byakwenda ne. Bino Naketekela wajinga na kyabupe kya kwenda. Mwamona? Namuleka waenda pacheche. Kabiji pano umvwe witutula kukulu kwanji kukatampe, Namubuula pa kyokyo. Mwamona mo Nekitazha nyi? Mwamona? Yaingatu kulutwe na kutala pa bintu bikwabo kabiji mukalupuka kintu kimo, Ng'amba mba, "Ntola maulu enu, nsongwalume. Uji kwepi?" Mwamona? Pano, alo—alo lo lupusano, mwamona.

²⁰¹ Pano, balekai—balekai bentutule ne kwibaleka bapona pacheche. Pano, umvwe mwaeseka kwiboolola, inge bakana wayukatu obewa mwine amba kechi wajinga Lesa ne. Mambo Mupashi wakwa Lesa ukokela. Byonka byo muji nabyo papo pacheche, "Aye mupashi wa bungauzhi ukokela ngauzhi." Mwamona? Abyō ibyo.

[Mulongo Stricker waamba mba, "**Mulongo Branham, Nakonsha kutemwa kungolola.**"—Waku.] Kijitu bulongo, mulongo. ["Bimye byavula Naikala mu mpwijilo kabiji Nekumvwa kwamba mujimi ne kulumbulula, kabiji bimye byavula Ng'umvwa bingi bibi pa kyokyo. Kabiji Ngya ku nzubo kabiji Mweka nobe Nakonsha kulapila jishinda jonse. Kyajinga mambo Naumvwine mba kechi kya kwa Lesa ne, nangwa kyajinga kyabula mu ndoonda?"]

²⁰² Kyafwajilwe kwikalapo, mulongo, kyafwajilwe kwikalapo pakimo. Mwamona? Nakonsha kwamba mba... Pano, awe ye—awe ye William Branham, mwamona; poso Naya mu Kinembelo, kika, kikijitu amiwa, mwamona. Pano, akye Nakonsha kwamba mba, Mulongo Stricker, mba kyafwainwa kwikalapo kimo kya mubyobyo. Kyafwainwa kwikalapa kyabula mwaila ndoonda; kyafwainwa kwikalapa kintu kimo kyatama kwi

obewa; kafwainwa kwikalala mba kwajinga kintu kimo kyatama ku muntu; kintu kimo kyatama na mbila; nangwa kintu kiji kyonse kyafwainwa kukulengela *kumvwa* butame.

²⁰³ Pano, pano, lekai ne mukwashe pacheche, mulongo Stricker, papo. Mwamona? Kimye kyonse... Kechi uzhacheshe kiji kyonse na byakumvwa ku mubiji ne, mwamona. Pimai monka mu milanguluko yakyo, mwamona; kyonse kipangako bipangwa, mwamona. Mambo kimye kimo...

²⁰⁴ Mambo, twalanguluka mba kuji bintu byoumvwa, ng'umvwino yawama. Amiwa ne kitambula amiwa mwine, kabiji, mulunda, Natatula kuya kungi bukiji—bukijitu, mwayukatu. Bino Amiwa kechi ng'ambapo kintu nangwa kimo ne. Nekilekatu mambo kechi Nayuka byo kyakonsha kwikalala ne, mwamona, poso *Nayuka* musango yekijimo.

²⁰⁵ Bino, nobe byamba bantu bavula mba, “Yii! Mulongo, Nayuka mba Njina Mupashi Wazhila! Aleluya! Jitotwe ja Lesa!” Kabiji nangwa byonkabyo kechi baji na Mupashi Wazhila ne. Abo bakonsha kwamba na jimi, kabiji ne bintu byonse bikwabo, ne kubijika ne kuzha mu Mupashi, kabiji nangwa byonkabyo kechi banji na Mupashi Wazhila ne. Mambo mvula unokela pa baoloka ne pa babula koloka. Kechi kiji ku byakumvwa ku mubiji ne, ke ku bipangwa *byabo*.

²⁰⁶ Kwaamba mba kuji... Vulukai kimwesho kyami kya kyokyo? Pano byepi... Bahebelu 6, mwamona, “Aye mvula unokela pa mushiji ye umutekezha, ao umenesha, pakuba miba ne bicha abyoy byalengululwa ne mpelo yabyo ke kusokwa.”

²⁰⁷ Ndekelaiko mambo, Amiwa nsakuleka mwela mucheche kutwela mukachi, Nayuka mba anweba bonse mubena kulala ne kumvwa kukooka. Nanchi pano, pembelelai, Nafwainwa kupelawizhako bukiji bukiji inge ne Amiwa kechi nsakufikako ne. Akye kiji na... Tuji pepi nobe pa kitendekesho kya—kya byonse, mu bacheche baji muno. Bino bakooba... Mwamona, aye...

²⁰⁸ Apo paji—paji bujimi bwa wichi. Kabiji mu boobwa bujimi mwabyajilwe luseku wa taabataba, kivumbanuka, nangwa ne byavula-bikwabo, seku. Kyawama, kyanshi kyaiya. Pano, bushe luseku wa taabataba ne kivumbanuka kechi byumvwa kilaka nobe wichi nenyi? Kabiji ng'anyi musango wa mvula uji na... mvula wapusako uponena pa kivumbanuka? Abyo ibyo nyi? Ine, mvula umotu unokela pa pe akyo. Abyo ibyo nyi? Awa Mupashi umotu uponena pa kafutufutu ye uponena pa Mwinakilishitu, kintutu kimo. Pakuuba konka ku byabo “bipangwa”! Bushe akyo kechi kyatwela nenyi, balongo?

²⁰⁹ Bukamonyi bwa Mupashi Wazhila ke kipangwa Kyakyo, kipangwa kya Mupashi. Kyawama, akyo... Kyawama, pano, mwaamba mba, “Amiwa ne kinenge, Amiwa ne kivumbanuka. Amiwa jitupamo ne kinenge byonka biji wichi kinenge.”

Pano ng'anyi musango wa bumi buji mwi obewa? Bumi buji mukachi kakyo bupanga nsoke, kimye kyonse kupachika ne lwabano, kabiji, "miba," bujimbijimbi ne kukolwa, ne bintu byonse. Mwamona mo Nekitazha nyi? Bwitote, monai, akyo kechi kipangwa kya Mupashi ne. Kipangwa kya Mupashi ke bukimote, butekanye, kukoka muchima, monai, byonse byo. Mwamona?

²¹⁰ Aye wakonsha kwamba mba, "Kyawama, Nakonsha kubijika na jiji jikatampe byonka byo wakonsha obewa. Apeshe Lesa, Mupashi Wazhila uponera pe amiwa!" Akyo kyafwainwa kwikalaka kyakine, pakuuba bumi booekala kechi bwaila pamo na byo abena kwamba ne. Mwamona? Aye wajinga luseku, aye wajinga luseku kyakutatwilapoti.

²¹¹ Pano, twafika pa jipuzho jikatampe, monai, pa *kusalululwa*, mwamona. Nanchi akyo...Wafwainwa kwikalaka byobyo. Mwaumvwa kyokyo.

²¹² Abo bajinga kivumbanuka kyakutatwilapoti; *aye* wajinga wichi kyakutatwilapoti. Nanchi kyanshi kyaikelenko; mvula waponejile pa baoloka ne pa babula koloka. Kyawama, mwikyumvwa nyi?

[Mulongo waipuzha mba, "**Pano nga bipangwa bya musapwishi, byakonsha kuuba mba...awa usapwila Kyambo?**"—Waku.]

²¹³ Amba, musapwishi, nangwa byonkabyo, inge waimene wasapwila Kyambo nobe Malaika mukatampe, monai, waumvwisha byafyamika bya mu Baibolo, kabiji waikala kafunga wawama, waya na kupepula bantu ne bintu biji byobyo, aye ujitu walubilamo. Mwamona? Ke kipangwa kyanji kibuulang'ana kimye kyonse, mulongo. Mwamona? Aye, nangwatu ekale wawama byepi nangwa byoaji, aye wafwainwa kwikalaka na Mupashi Wazhila mu bumi bwanji. Mwamona?

²¹⁴ Bino, Yesu kechi waambile mba, "Bavula bakeya kwi Amiwa mu joja juba ne kwamba mba, 'Nkambo, bushe kechi Naawijilenga (nasapwile) mu Jizhina Jenu, kabiji kechi Naingijilemo byakukumya mu Jizhina Jenu?'" Aye waambile na jimi, waubile byakukumya, wapaine kilumbululo, bintu byafyamika bya Lesa, kabiji ne byonse bye bintu; Aye waambile mba, "Fumai kwi Amiwa, anweba bakuba bibi, Amiwa kechi ne muyukilepo ne." Mwamona mo Nekitazha nyi?

[Mulongo Taylor waipuzha, "**Pano ibyepi muntu kuleta—ingi mbila? Natazha mukuuba mba, aye—aye walanguluka mba ujitu bulongo bino kasa abena kusapwila bingi?**"—Waku.]

²¹⁵ Kyawama, Naketekela mba awa muntu waikala wakishika, kijitu pamo nobe mulongo waikala muno wakebelenga kubweluluka mu byanji...kubwela lunyuma Iwa bibye bintu byobyo. Umvwe awa muntu wasajilwe kwi Lesa, kabiji ne

kuletwa waletwa ku Bukine, aye—aye ukekituluka. Monai, “Mikoko yami yumvwa Jiwi Jami.” Anweba muji na... Mwamona mo Nekitazha nyi, Mulongo Taylor? Bushe akyo kyo ubena kwambapo nyi? Mwamona?

²¹⁶ Pano, nobe kyakumwenako, waamba mba Mulongo Crase—Crase—Crase, inge aye wajinga musapwishi waki Baptist kabiji kechi wayukapo nangwa kimo pa lubatizhilo lwa Mupashi Wazhila ne, kabiji aye kechi wayukapo nangwa kintu kimo pa byonse ne, bya bupe bya Mupashi, kabiji aye wajinga wawama, wakishiki musapwishi waki Baptist. Mwamona? Bino kintu kitanshi mwayukatu, Akye kyaiya kwi aye. Kabiji Naketekela mba yense mwaana wakwa Lesa ukekala...nkulo yonse ikamukwata poso Aye wamatana. Abo Bufumu kechi bwakonsha kwiya ne kanatu Kyaswa muchima wakwa Lesa kyaubiwa. Abyo ibyo. Kabiji kechi pakonaika nangwa umo ne, mwamona. Pano, monai, ajo jo jishinda.

²¹⁷ Kabiji Bufumu bwa Mwiulu buji nobe muntu ubena kutaya bukonde mu kalunga ne kwibukoka. Byo ajinga nabyo, wajinga na misango yonse. Aye walamineko masabi, pakuuba bakovu ne bilongolo byabwelele mu meema. Aye watailepo jikwabo, wakwachilemo byavulako, kapepo wakwachilemotujisabi jimo. Bino Aye watwajijetu na kuta poso. Mwamona mo Nekitazha pano nyi?

²¹⁸ Pakuuba ajajisabi jajinga jisabi ku ntendekelo. Bino jabikilwetu mu mwinglelo wa kwa Nkambo, akyo kyokyoka, jabikiwa mu kizhiba kikwabo amo mwajinga bulongo, mwatokesha. Bino Aye wakitelengatu mu kizhiba kya ba bombwe poso wibifumyapo byonse. Monai mo Nekitazha? Mwaumvwa mo nekitazha, Mulongo Taylor. Wafwainwa kuyuka kupichila mwi obe mwine.

Kijitu bulongo, pano:

113. Bushe aye uuba... Bushe aye bimye byonse ujipo na luusa pa Mupashi na ng'anyi kimye kabiji ne mwakubila kintu?

²¹⁹ Ee, mwane. Ee, mwane, aye Mupashi Wazhila utangijila. Ee, mwane. Uji na luusa pe obewa kabiji obewa uji na luusa pe Aye, kabiji Aye kechi ukemulengela kuuba kintu kimo kyapusanako na Kinembelo ne. Ukalengela... “Aye Mupashi kechi Ubila mwabula kufwainwa ne.” Abyo ibyo. Oke.

²²⁰ “Kufuma ku umo wakutemwa...” Ee, akyo—aky o kiji mu ino mpuzha. Kijitu bulongo, pano tusakutola jikwabo papo ne kumona pepi po tuji.

²²¹ Pano, Nalanguluka mba akya kyajinga na po kyaimena. Pano—bino, umvwe Mbena kwita bibye pa kino kimye, inge pajipo jipuzho... Kwajinga jipuzho jikwabo pa kikye? Atweba bonse twikikwatakanya? Twayuka byo Twikitabila pano?

²²² [Mulongo umo waamba mba, “Amiwa njina jipuzho jimo.”—Waku.] Yangatu kulutwe. Kulutwe kukwe? Oke. [“Ee, pano pajoja jimo kokwa. Amiwa namwekele nobe nabajijilako, bino...”] Kechi ubajijile ne, akye kyo—akyé kyo...[“Wajikwambanga pa mwanamulume wasapwihilenga, kabiji inge kechi ubena kusapwila Mbila ayo Kilishitu yo aletele ne, nangwatu kimweke byepi mu mwingilo wanji. Umvwe aye wasambakanya Bukine kabiji ne Kwibukana, pano kika?”] Aye walubilamo. Ndekelaito mambo pa mineti umotu na mambo... [“Najikutazhangwa ku kutongwelwa jimo nangwa kutongwelwa jimo kintendekesho kya inontanda kasa kikyangye kwikalako.”] Abyo ibyo. Abyo ibyo. Mwamona? [“Nanchi, byonka byo kyajinga, aye kechi wafwaijilwe kwikala byobyo ne?”] Kechi wafwaijilwe kwikala byobyo mu ntendekelo ne, mwamona. “Bafumine kwi atweba mambo kechi bajinga ba mwiatweba ne.”

²²³ Nobe kyakumwenako, bibye, ke kintutu kimo mu Bahebelu 6. Mwamona? Bantu batwala mungi kyokya Kinembelo, abo balanguluka mba “kechi kyakonsheka ne” Aye waambile mba, “Kechi kyakonsheka kuboba batambwile kala kyeya ne baubilwe ke bakutambulako Mupashi Wazhila, ingre bapona.” Monai, abo kechi Belutambula ne. Aye waamba mba, “Kechi kyakonsheka kuboba batambwile kala kyeya ne kutompa batompele ku Mupashi Wazhila, byo kyamweka mba bapona kwisangula jibiji abobene ku lulapilo, monai bepopela abobene Mwaana Lesa kipyia kipyia kabiji ne ku mulengesha Aye buvu patokatu; ne kusula Mashi alulayang’ano amo Aye mo apopejilwe mba ‘kintu kyabula kuzhila,’ nangwa ikale mingilo ya bupe.”

²²⁴ Kyawama, kwi amiwa, ke lumwekesho. Kine. Kijitu pamo nobe Byubilo 2:38, ne Byubilo... ne Mateyo 28:19. Obewa wafwainwatu Kwikikwatakanya, mwamona.

²²⁵ Pano talai, byo kiji, kintutu kimo. Kyawama, pano, aye ubena kwamba ku Bahebelu. Mwamona? Pano tangai mu kyapitala yense, monka mokyaila palepa ne kwamba mba, “Mambo ke kintu kiletia moyo kuponena mu—kuponena mu maboko a Lesa mumi.” Pano, awe ke mutu ujitu pamo nobe waitabila wa ku mupaka. Kuno, kuji... Kuno, kintutu kimo kyajinga kuno, kya kumwenako kyalumbuluka kyo Namona mu milanguluko yami.

²²⁶ Lesa wamwichile Isalela kufuma mu Ijipita. Bonse bo bantu balupukile, bonsetu mwi abo bapokolwelwe, ne kwabuka Kalunga Kachila kuya mungyetu. Abyo ibyo nyi? Aka Kalunga Kachila... Kimye kyo benengezhe, batelekele ku mbila yakwa Mosesa, batatwile kufoola, (lubingisho) baalulukile, batatula papo.

²²⁷ Bafikile ku Kalunga Kachila, (aa Mashi), kabiji bapichile mu Kalunga Kachila, kabiji kunyuma yabo bonse bebamanyikilenga

balajiletu, bafwile. Bajingatu pepi nobe moba asatu kufika ku ntanda ya mulaye. Mwamona? Abyo byobajinga, bajinga pepi nobe foote mailoshi, mwamona. Nanchi byobajinga, mobatu abiji bafwaijilwe kwikala mu buwame bwabo.

²²⁸ Akyo kyo Naimika kusapwilapo ku Phoenix moba achechetu kufuma pakino kimye, pa mbung'eno ya Bantu Basulu, *Kwikala pa yuwe Mutumba*. Bino Aye wibalamine ponkapa myaka foote mambo abo... Uu-uu! Mwamona?

²²⁹ Nanchi baishile ku kikye kabiji batajile panyuma, (batokeshiwe), “Oo, aleluya! Atotwe Lesa! Lukumo lwikale kwi Lesa. Aleluya! Akyo kyajinga kintu kyakala akyo kyakatezhenga, kyafwa. Awa fwaka wakala ye Napepanga wapwa. Aa malwa akala o Natomanga onse aji mu kalunga kachila ka Mashi akwa Yesu Kilishitu. O lukumo lwikale kwi Lesa! Aleluya!”

²³⁰ Bonsetu bafikile kuno, batala ku Kenana pano, baabukile Yondano. Kyawama, aye watolele tomesha kufuma mu mukoka umo umo. Abyo ibyo nyi? Kabiji aye wibatume konka. Kyawama, bambo baambile mba, “Aa, aa, kechi twakonsha kwikyuba ne. Ine, ke—ke... Kika, twamwekelenga nobe batete pakwimana kulubaji lwabo!” Mwamona?

²³¹ “Pano, ng’anyi musango wa kipwilo kyo Nakonsha kusapwila inge Nafunjisha mba Mupashi Wazhila ne byonse bya musango yewa? Kika, Nafwainwa kwikala na bipona byabula bantu. Bantu bami ba Methodist bakonsha kulupukamo, bantu bami ba Baptist, bami Presbyterian.” Balekai balupukemo. Bajinga ba mbuzhi kyakutatwilapotu! Mubena kukeba mukoko, monai. Mwamona? Obewa kechi waikala kafunga wa ba mbuzhi ne. Kafunga mikoko! Ikyabyepi kwikala kafunga wa bambuzhi kasakuji...?...kabiji kuji mikoko yafwainwa kufungwa? Mwamona? Kabiji papo—papo anweba byo muji muno, mwamona. Amiwa kimye kyonse naambile mba Amiwa kasapwila pa mashiki foolo ne kusapwila Bukine, Kipwilo. Ee, mwane, iyai kuno.

²³² Bino monai pano, wauba ka? Babwelele, ne Yoshiwa ne Kaleba, mapaseti abiji, nangwa kiji tuyewo musango wapasetenji...babiji kufuma mu...babiji pa twelufu, babiji pa twelufu. Kyawama, bajinga mwi abo twelufu, akyo kyajinga babiji pa twelufu, babijitu ba mwi abo be Kiketekejile. Abo bayatu bakatwela mu ntanda ya mulaye, baambile mba, “Mulunda, akye ke kifulo kyawama kwikalamo.” Wakala Yoshiwa ne Kaleba, mulunda, baketekejile Kyambo; Lesa wikipaine kwi abo, waambile mba “akyu ke kyenu.” Baile kubushiya, bachimwine kizaza kyabaya kya mangelepu, kabiji baishilenga na kwikindosa *bibye*. “Twayai, balunda! Aaye ke ntanda yawama bingi! Jaiko,” monai, mangelepu *abaya* nobe byobya.

²³³ Kabiji, oo, muntu, be bamwene, ne kwamba mba, “Aa, kechi twakonsha kwikyuba ne.” Byo babwelele, baambile mba, “Ine, mulongo, awe Mosesa wituleta kala muno mungyetu,” awe Mupashi Wazhila, mwamona, ye aimenejileko, “wituleta muno mu ngyetu. Kabiji pano potuji, nyingijilo yetu ya onaika, kabiji kechi twakonsha kuuba kintu kiji byobyo ne.”

²³⁴ “Bwelai,” monai, “aba bafunjishiwe kimye kimo, babingishiwe konka ku lwitabilo.” Monai, baishile kufika ne pa kitapisho kya bubiji kabiji batajile mu ntanda ya mulaye. “Pakuuba atweba twapewa maana kabiji twaibilwa . . . twatopa bya bupe bya Mwiulu.” Monai, “batompele” Kikye. Bekiletete. “Twamona mba Kijitu bulongo. Kine Twikimona.” “Batompele ku bya bupe bya Mwiulu, baubilwe ke bakutambulako kikye Kintu, mwamona, awe Mupashi Wazhila, batoleleko lubaji Lwakyo.”

²³⁵ “Akyo kyawama, mulunda, talai pa yewa—pa yewa mwanamulume. Kika, Nayuka mba wajinga mpofu, pano wakonsha kumona. Talai pa yewa mukote . . . Mulunda, kika kyamwekele ku yewa mulongo? Yense walangulukile mba mwanyike kokwa wabula kufunda ne . . . awa waimana na Mujilo mu ntanda.” Mwamona? Mwamona? Mwamona?

²³⁶ Kabiji wabwela wapona, monai, kabiji uji . . . mu kwibwezha jibiji abo bene, babwela jibiji ku lulapilo, kubwela jibiji na kusapwila lulapilo mu kifulo kya kyokya kyo Aambilie kimye kitanshi, na kwala jibiji . . . tulekai . . . Mwayukatu, pa kwala jibiji kintendekesho kya mingilo ifu ya lulapilo, ne bintutu bikwabo. Atweba tukooba, inge Nkambo waswa, mwamona. Monai, tukooba kyokyo. Tukabwela na kwaala kintedekesho jibiji, bino kubwela jibiji ku lulapilo abo bene, kwikilapila na mambo akwikala kokwa. “Mundekeleko mambo Amiwa najingako kokwa,” kabiji ke kusula Mashi alulayang’ano amo mo azhijikilwemo nobe ke Kintu “kyabula kuzhila,” kabiji ne kuuba byapusanako ku mingilo ya bupe. Aye waya, mulongo! Abyo byobyo. Aye wapwisha. Mwamona?

²³⁷ Kyawama, pano, monai, kechi kyakonsheka mwaana wasalululwa kuuba kyokyo ne. Aye kechi wakonsha kuuba kyokyo ne. “Mikoko yami yumvwa Jiwi Jami.” Inge jatelwa mu Kenana nangwa konse kokiji, babena kuya. Mwamona? “Mikoko yami yumvwa Jiwi Jami.”

[Mulongo waipuzha mba, “**Kabiji bakeba kuketekela mu Byubilo 2:38, ne apo, kechi ibyo nenyi?**”—Waku.]

²³⁸ Akyo kyakonsha kusenda kyokyo, kyonse kya mu Kinembelo, kisendai kyonse. Abyo kine ibyo, mulongo.

114. Bushe kuji ibiji, kuji—kuji ibiji misango ya jimi yapusana ya mu Baibolo? Bushe kuji lupusano lwa jimi yambiwa mu mulombelo yua bunke, kabiji ne mu kipwi amo mukebewa kulumbulula? Pa Juba ja Pentekositi

jimi yaumvwanyikile ku muntu yense wa mu byalo byapusanapusana; pakuuba mu Kolinda Mutanshi 14:2, jimi ingi yaambiwa kwi Lesa, kechi ku muntu ne. Kolinda Mutanshi 13:1 yatongola ku yewa muntu... (K-o-1, Naketekela mba bena Kolinda 13, kika...) . . . **ku yewa muntu ne bakwabo ba malaika.**

²³⁹ Oo, ee. Mwamona? Kyawama, akyo... Pano, mulongo, uji yense, obewa—obewa wikumbulwa obewa mwine papo. Mwamona? Mwamona:

Bushe kuji jimi ibiji yapusana nyi? (Kuji jimi yavula bingi. Mwamona?) **Bushe muji jimi ibiji yapusana mu Baibolo, jimi ibiji yapusana?**

²⁴⁰ Pa Juba ja Pentekositi kyaalo kyonse kiji mushi ya Mwiulu kyajinga konka na jimi. Mwamona? Kijitu bulongo.

Kabiji kujipo lupusano lwa jimi yambiwa mu milombelo ya bunke kabiji ne mubipwilo amo kulumbulula mo kukebewa? Ee.

²⁴¹ Paulo waambile papo ne mu Kolinda ponka pomwajkwipuzha kuno, kabiji waambile mba, "Kuji jimi ya bamalaika kabiji kuji ne jimi ya bantu." Pano, jimi ya bamalaika ke yoya muntu po abena kulomba kwi aye—kwi aye ne Lesa, bunke. Pakuuba umvwe ubena kwamba mu—mulaka, kyafwainwa kulumbulula mu kipwilo, mu kukomesha kipwilo. "Aye wamba mu lujimi ungi wikomesha aye mwine; pakuuba aye wamba... aye waula ukomesha kipwilo." Nanchi aye waambile mba, "Kyawama naamba byambo bitanu byayukanyikwa kukila teeni sauzande mu lujimi ungi, kanatu, umvwe kuji kulumbulula." Nishi kya—kyaambiwa mu bungauzhi akyo kyaikala kyakukomesha. Mwamona mo Nekitazha?

²⁴² Pano, ba... Bino, kuji jimi ibiji yapusana, ya bantu ne bamalaika. Mwamona? Kabiji Paulo waambile mba, "Nangwa Ng'amba na jimi ya bantu ne bamalaika," monai, bonse babiji bantu ne bamalaika, yonse ye ibiji jimi, aya ibula... .

²⁴³ Pano, apo ipo bantu Bakipente, bantu baji na bukamonyi-bwjajimi baamba mba, bambuujile, aye waambile mba, "Pano, Mulongo Branham, obewa walubakanako."

²⁴⁴ Waambile mba, Naambile mba, "Kyawama, inge wikitambula mwaila Byubilo 2:4, nanchi bantu bonse bebomvwine kwamba mu mulaka ye basemejilwemo."

"Oo!" waambile mba. Kabiji "Ine! Ine!" aye waambile.

Naambile mba, "Kine. Ee, mwane."

²⁴⁵ Waambile mba, "Pano, Mulongo Branham, obewa walubakanako." Waambile mba, "Obewa ubena kwamba pa..." Waambile mba, "Kuji jimi ya ba 'bamalaika.' Awa ye malaika wa bu Mupashi Wazhila wiya na kwamba mwi obewa."

²⁴⁶ Pano, kyumvwanyika bingi bulongo, monai, kumvwanyika nobe kya bukine, bino kechi Bukine bonse ne. Kimye Satana kyo abuujile Eva, “kine kechi mukafwa ne,” akyo kyajinga... aye wamubuujile bya bukine, bino akyo kechi kyajinga Bukine ne. Mwamona?

²⁴⁷ Pano, waambile mba, “‘Bantu ne bamalaika,’ kabiji malaika ye aambilengapo wajinga...”

²⁴⁸ Pano, twayai tumone kana kyakonsha kwikala na Kinembelo. Mwamona? Bino, kechi kyakonsha kwikala “mulumvwang’ano ne,” Nekitazha mukwamba kyokyo. Ndekelako mambo, Amiwa kechi na jikutazha mu kuuba mba “kuzha” na Binembelo ne. Natazha mu kuuba mba “kukwatakana” na Binembelo, nangwa “kulondela, kukwatakana” na Binembelo kyo kyambo kyakila kuwamisha.

²⁴⁹ “Pano, muntu ubena kwamba na jimi ya bamalaika,” aye waamba mba, “awo ke lujimi wa Mupashi Wazhila” aye waambile mba, “pano, umvwe anweba, atweba, batambwile Mupashi Wazhila.”

Naambile mba, “Bushe... Kimye ka, kwepi ko Mwakonsha ku Mutambula?”

²⁵⁰ Kyawama, aye wambujile kine kifulo, kimye ne awala. Amiwa kechi nazhinauka ne aye wikyubile. Mwamona? Amiwa kechi njipo na... Amiwa kechi ne wakumuzhachisha ne. Mwamona? Aye waambile mba, “Apo ipo po Nekyambile.” Aye wayukile peene pa kifulo. Waambile mba, “Kintu kimo kyamwekele kwi amiwa.”

²⁵¹ Naambile mba, “Nekiketekela. Mwamona? Bino akyo kechi kyajinga bukamonyi bwa Mupashi Wazhila kwi obewa, mwaana.”

“Oo, ee!” Waambile mba, “Akya, kyajinga ikyo!”

Kabiji, “Ine.”

Aye waambile mba, “Pano, talai, Nasaka kukubulapo kintu kimo, mulongo.”

²⁵² Naambile mba, “Bushe bantu ba jibumba jobe, akyo kipwilo kokwa ku Indianapolis ako ko mwaamba mba ko Mwamutambwijile, bushe aba bantu bakumvwine kwamba mu Kizungu na kwibabuula lusanguko ne bulume bwakwa Lesa kabiji ne bintu byonse?”

Aye waambile mba, “Kika, ine! Naambile mu—mu jimi ingi.”

²⁵³ Naambile mba, “Obewa kechi wamutambwile mwaila Byubilo 2:4, mambo byonse... kechi wajinga kyambo kimo kyabula kuyukanyikwa ne. ‘Tubena kumvwa muntu yense mu mulaka wetu.’”

²⁵⁴ “Oo,” waambile mba, “Mulongo Branham, Namona po walubakena.” Aye waambile mba, “Mwamona,” waambile mba,

“kuji jimi ayo ke jimi ya bamalaika, umvwe mwatambula Mupashi Wazhila,” waambile mba, “pano obewa waamba mu jimi kafwako nangwa umo wakosha kulumbulula kyokyo ne, ao—ao ke Mupashi Wazhila ubena kwamba. Mwamona? Bino umvwe uji na kya bupe kya jimi, kabiji ayo yafwainwa kulumbululwa.”

²⁵⁵ Amiwa naambile mba, “Nanchi obewa uji na kikochikala kwakubula mbili ne. Pa Juba ja Pentekositi bajinga na kikochikala kwakubula mbili ne. Kasa bakyangye kwikala na Mupashi Wazhila ne, jimi ingi, abo baambile jimi ingi yumvwanyika.” Mwamona? Nanchi kine byokiji...

²⁵⁶ Kuji jimi ibiji yapusana. Jimi ya bamalaika, ao ke muntu ubena kulomba bunke kuntu kumo kasa aamba kwi Lesa, kwamba kwi Lesa mu jimi ya bamalaika. Nakonsha kwimumvululako kintu kimo pa kino kimye, pakuuba kechi Njipo na kimye ne. Mwamvulukanyi kimye mwanamukazhi kyo aishile ku kibaza kyabisela kokwa, kwafuma Dokotala Alexander Dowie, Ziyona. Mwamvuluka kokwa nyi? Ne Billy waishile na kusenda ne kutwala ku mbung’eno kokakwa, kabiji Naambile mba, “Billy, ubwele jibiji.” Kabiji Ami...

Aye waambile mba, “Kika kyo ubena kujijila? Muntu umo wajinga kuno?”

²⁵⁷ Naambile mba, “Ine, mwane. Anweba bwelaitu kunyuma, mumubuule Mulongo Baxter asapwile bufuku buno.”

²⁵⁸ Kabiji Nafikile panshi ne Nkwaamba mba, “Nkambo, kyakatazha kwi amiwa kyepi?”

²⁵⁹ Kabiji ponkapotu Naumvwine Muntu umo pa kibelo, kwamba mu milaka ikwabo. Nalangulukile mba... Kyajinga ki German. Nalangulukile mba, “Kyawama, awa mulongo waiya na kumuletela...” Naimene, mwayukatu, na kulomba, Namutelekele kasa naimana bibye. Kabiji Nalangulukile mba, “Kyawama, awa muntu usakukwatakanya byepi kyokya?” Mambo Nayukile muntu wajinga mwina yoya nzubo ya bwenyi, pepi nobe faivi mailoshi kufuma mukachi ka muzhi. Nafumineko kokwa (kwajinga bantu bavula bingi), ka muzhi kacheche. Naambile mba, “Kyawama, akye ke kyenyi. Uu.” Kabiji Naambile mba, “Akwa... Kyawama, mulunda, bushe wakyumvwapo... byo... Awa muntu kechi ubena kumvwa ne kupema kwanji ne, nangwa pachechetu ne.” Monai, Nalangulukilenga byobyo, byo aambilenga na ngovu! Kyawama, Naambile mba, “Kyawama, akye, kika, kyajinga amiwa!” Nanchi Nazhindaminetu nzoo, monai, kechi naambilepo kintu ne... nazhindaminetu nzoo. Pakupitapo ka kimye Aye walekele kwamba, ne, byo kya Ubile, na umwine nobe Mbena kukeba kunyaema kupita mu kibumba.

²⁶⁰ Kabiji Nalupukile ne Billy wayilenga ku kibelo kabiji Nabikile kwiaye, “Pembelako mineti umo!”

²⁶¹ Aye wabwelele, watomenenga bya soda. Kabiji waambile mba, “Taata, lukatazho lujipi?”

²⁶² Naambile mba, “Pembelaiko mineti umo, mineti umotu, Amiwa mbena kuya ne obewa.”

²⁶³ Natatwile komvwa mu kilungi kyami bukiji bukiji. Aye waambile mba, “Lukatazho lwepi?” Aye wayuka bulongo kukila kwamba kwi amiwa, pakuya ku mbung’eno. Aye waambile mba, “Lukatazho lwepi?”

²⁶⁴ Naambile mba, “Kafwako, kafwako, kafwako, nangwa pachechetu ne. Yangatu kulutwe na kupwila.”

²⁶⁵ Twaile ku mbung’eno, Mulongo Baxter waikale byobya na kujizha, “*Kafwako kiji pakachi ka mweo wami ne Mupulushi ne.*” Aye waishile, waambile mba, “Yii! Nakulanguluka mba kechi ubena kwiya ne!”

Naambile mba, “Sh.” Naile kulutwe na kutatula kusapwila.

²⁶⁶ Byo Napwisheshe, ponka pa kimye kyo Napwisheshe, kyawama, mulongo, muntu umo wamwekele nobe wasenda lunyuma lonse lwa kishimikwa, kunyuma kokwa mu kibaza kyabaya. Batwajileko lubilo kyakwambilamo kunyuma kokwa, kabiji kwajinga mwanamukazhi kunyuma kokwa waendaunikenga kuya ne kubwela pa kibamba kyapeulu, wabijikilenga bingi jiwi byonka byo akonsha kubijika.

²⁶⁷ Naishile kutana mba, wajinga na TB, kabiji wafumine ku Mizhi Ibiji, Paulo Wazhila, motoka usenda balwazhi wakakelwe kuleta mambo bachiine mba mapwapwa akonsha kulajika. Dokotala waambile mba, “Kiji kyonse, mapwapwa anji ajinga nobe bilele kya buki,” waambile mba, “inge akonsha kulajika nishi wafwa. Ayo yafwainwa kwikala mpelo.” Kabiji bazhijikwa bambo batolele ’motoka 38 Chevrolet, batola ne kipona kya kunyuma bekimika, bamubika monka kebeeye ne kwiya. Kabiji beimbile mu jimbapu jicheche nangwa kintutu kikwabo kokakwa, kabiji watatwile kulasa mashi, ne kutatula kulupula mashi ponkapotu, kabiji aye... apichijilenga mu moona wanji ne bintu byonse byonkabya. Aye wayilenga na kupwa ngovu, poso pakupezhako... Aye kechi wakebelenga kufwila mu motoka ne, aye wibabuujile mba bemanane amba bamubike pa nsono.

²⁶⁸ Bamulupwilemo. Kabiji bonse baimene ponka po aaji, na kulomba, kabiji ponkapotu waambile mba kintu kimo kya mu mumwekejile kabiji waimene. Kabiji byonkabyo byo aile, na kubijika tuyewa mukwakwa, na ngovu yonse. Apano wafika pa kipwilo, kasa endaukatu kuya kulutwe ne lunyuma pa kibamba kya peulu.

²⁶⁹ Naambile mba, “Nyenga, akya kyajinga kimye kika?” Pakyoka kimye kimo Mupashi Wazhila kyo aambilenga mwi amiwa. Kyajinga kika? Byabupe.

²⁷⁰ Wajinga kika—kika awa oposamu walajile poopa pa kibelo amba alombelelwe? Aye nyama uji na bulubi, wabula ne mweo ne, kechi wayuka kyatama ne kyawama ne; monai, kechi uji na mweo ne, (uji na mupashi), kafwamo mweo mwi aye ne.

²⁷¹ Kyajinga kika? Aye Mupashi Wazhila kasa abena kusashijilako. Lesa watumine kyabupe pantanda, kabiji Mupashi Wazhila kechi wakonsha kupembelela kimye kyabaya ne nanchi Aye wayishiletu wasenda ne kutatula kwamba Ayemwine byobya, Ayemwine lunyuma, na kusashijila Ayemwine. Kabiji byo bamwene pa kimye, pa yekawa mineti umo aye...bamubikile pa nsono byokabya, bakesbelenga kumona...Mambo bayukile mba ubena kufwa, bafwaijilwe kwamba kimye kyo afwijilemo. Kyajinga yekawa mineti Mupashi Wazhila po aponejiile pe amiwa popa ne kutatula kusashijila, kwamba, byambo, kechi mwakonsha kwikyumvwa ne, monai, byokabya, na kupana ng'ambilo. Awa ke Mupashi Wazhila ubena kwamba.

²⁷² Amiwa kechi nayukile kyokyo ne. Mwamona, Amiwa kechi nekyubile ne. Awa wajinga aye... kapepo malaika wanji. Tusa kufika mu kyokyo mu mamineti achechetu, monai, akyo kyaishile kokwa na kupana yoya mbila, mwamona.

²⁷³ Pano—pano, aby—aby ibyo. Kuji jimi ibiji yapusana, umo wa mwi ayo ke...

²⁷⁴ Bushe pajipo jipuzho nyi? Kijitu bulongo, kweseka kuyuka Lesa kyo abena kwamba, mwamona. Bino, Na—Nafwainwa kwamba mba, Mulongo Stricker, mu kyokyo, kutazha mu kyokyo, kechi mulanguluke pa kyokyo ne, mwamona. Lekaitu Mupashi Ayemwine ambe. Kechi mweseke kwikyumvwa mo kyaila ne, mwamona, mambo twajilaitu kwipana palutwe ku Mupashi. Mwamona? Mambo obewa ubena kweseka—kwa—kwa—kwamba, “Anweba, mubena kwamba mbaka?” Mwamona? “Aa, ubena kwamba kwi amiwa? Uu?” Mwamona, aye uji... monai, aye ubena kweseka.

115. Pano. Kijitu bulongo muntu kwamba na jimi byo abena kulombelela bakwabo pa kitapisho [Kafwapo kiji pa tepu ne—Waku.] kwakubula kulumbulula ne? [Kafwapo bijipo pa tepu ne.]

²⁷⁵ Lekai mone byo Nanemba pa kyokyo, Nafwainwa kumona. Inge kechi kuji wakulumbulula ne, balekai bazhindame. Mu Kolinda Mutanshi, kyapitala kyabu 1...kyapitala kyabu 14 ne veleshi wabu 28. Ng'anyi uji na Baibolo? [Mulongo watanga Kolinda Mutanshi 14:28—Waku.]

[...inge kechi pajipo wakulumbulula ne, mulekai ekale wazhindama mu kipwilo;...]

²⁷⁶ Kijitu bulongo. Bino, inge kechi mujipo wakulumbulula ne, kimye kiji kyonse mu kipwilo, kuji konse mu kipwilo, ikalai bazhindama inge kechi kujipo ne wakulumbulula ne.

²⁷⁷ Ku kitapisho, kintutu kimo muntu umo... Bimye byavula muvwa bantu kuya ku kitapisho. Naumvwine mulongo wawama katataka ku kitapisho, yaingatu kulutwe na kukwatapo muntu umo panyuma, kabiji ne kwamba mujimi abo bene, kwi yamba nobe mubena kweseka kwibabuula mwakyubila. Monai, akyo kijitu pamo ku mubiji mubena kuleta Mupashi Wazhila (kweseka ku) ku bantu. Kuuba kyokyo ne. Mwamona? Kine kintu ke kuleka awa muntu bunke bwanji. Balekai basutuleko maboko abo poso Mupashi Wazhila waiya, mwamona. Mwamona? Nanchi ke—ke—ke kintu kyatama. Ine, bafwainwa kwikala bazhindama mu kipwilo, mwamona.

²⁷⁸ [Mulongo waipuzha mba, “Mulongo Branham?”—Waku.] Ee, mulongo. [“Kwamba mba muntu wajinga mu mwinglelo kabiji—kabiji pa kupwisha kupwila, javula umvwe mbila po yafikizhiwa, muntu uji na kya bupe, bakonsha kubulang’ana, nangwa bakonsha kubulang’ana lupusano luji pakachi ka—ka malaika...lujimi wa malaika nangwa mbila iya kufuma kwi aye?”]

²⁷⁹ Pano, twayai tumone. Pano... [Kafwapo bijipo pa tepu ne—Waku]... kikulutu batwela mukachi banemba kyokyo bintu, ne kwikibika pa desika. Mwamona? Kabiji Nafwainwa kwikitanga bibye. Bino byo Natwelele mu kyokya kibamba, mulongo, akyo kyajinga kyonsetu. Mwamona?

²⁸⁰ Kabiji kasa bakyangye kwiya kuno ne, bakonsha kwimana kunyuma kuno kabiji muntu yense wazhindamatu nzoo. Kabiji ne nyenga wafwainwa kwikala poka, Nyenga Irene, apa pa—pa kitapisho, na kulomba popa, na kwimba *Apa ponka pa Musalabo*. Atweba kechi twafwainwa ne... Baasha kasa bendauka lutwe ne lunyuma. Abo inge bamona uji yense ubena kwamba, bakonsha kwamba mba, “Sh, sh, sh.” Mwamona? Kabiji umvwe banyike baj... Bafwainwa kwikala bulongo kabiji ne kwamba mba, “Aye nzubo yakwa Nkambo, mutemwe. Obewa kechi wafwainwa ne. Obewa wafwainwa kwikala bulongo mu nzubo yakwa Nkambo.”

²⁸¹ Kabiji mwanamulume ne mukazhi, kabiji ne bonse, bakobeka mikukumba yabo ne bintu biji byobya. Muntu umo waimana pa kibelo na kwibamona umvwe kibelo kyashikukatu. Aye...ne bintu byonse byanengezhiwa kuya, mwayukatu, kubika kipwilo mundonda. Bantu bonse kwibakebelia kipona kabiji ne kumona kana bafwainwa kwikala.

²⁸² Kabiji Najinga mu kibamba, na kulomba, najingatu moka kapepo kufumatu pa tuu nangwa fiili koloko mabaanga. Kafwako nangwa umo watako muchima ne. Naya kookwa na mbila yami.

²⁸³ Kabiji poka pa kimye kyakutatula, wimbisha nyimbo watatula lwimbo, “Twayai tuzhikule pa nambala ya lwimbo *kananga-ne-kananga*,” nobe, *Ponka pa Musalabo apo Mupulushi*

wami po afwile, kuyatu byonkabyo, mwayukatu, kabiji ne kutwajijilatu kuya kulutwe byonkabya. Pano umvwe mwaimba pepi nobe ibiji yapusanako... Atweba kechi tubika kimye kyabaya mu kwimba ne; kana Kyambo. Inge baji na lwimbo-wa kwimba, akyo kyo kwaikela nyimbo-ya kwimba kimye kyonse. Atweba—atweba twi... Akyo Kyambo kyo kine kintu bantu kyobanangako, ke nzubo yakololwa.

²⁸⁴ Kabiji pano kapepo mobengijila, biji nobe Mulongo George, Mulongo George DeArk, waimana walomba. Kabiji pano twaikala na lwimbo mukwabo, nobe kwimba bunke nangwa kintu kiji byobya. Kabiji pano ke kimye, muntu umo wakonsha kungyukisha mba ke kimye kya kulupuka. Inge kyajinga, kijitu bulongo, Nakonsha kulupukamo na kushingwa manyi. Mwamona?

²⁸⁵ Kyawama, kapepo awa mulungu ye bajinga na mbung'eno kuntu kumo muno mu kipwilo, bajinga na mbung'eno yabo. Kapepo kupwila kasa kukyangye kutatula bufuku, bajinga na mbung'eno. Kabiji byo yajinga... Nebitana papo, ne kwamba mba, "Kyanembwa papo pa kipepala amba kukeya kipupu mu kino kyaalo mulungu ubena kwiya," nangwa kintu kimo, kintu, mwayukatu, kintu kimo kyayewa musango kikobiwa. "Kyanembwa, kyaambiwe mu jimi, kabiji ne kulumbululwa na bazhikwa babiji ba kino kipwilo, Mulongo *Kananga-ne-kananga* kabiji ne Mulongo *Kananga-ne-kananga*. Bakamonyi babiji bapaine bukamonyi kuno, baji na mazhina abo anembwa papo, amba kyanembwa 'mba kyafwainwa kwikala kya Lesa,' ke *kananga-ne-kananga* kabiji *kananga-ne-kananga*." Alo lo lubaji lwami lutanshi.

²⁸⁶ Nanchi Naamba mba, "Kijitu bulongo, tusakwinengezha ku kikye, muntu yense ekale mu milombelo. Mwamona? Pano pajipo kukabila kwapusanako, muntu uji yense?" Mwayukatu. "Twayai tulombe." Baimana ne kulomba. Ponkatu ke kuya ku Kyambo, kuyutu pa Kyambo.

²⁸⁷ Kabiji pokapo pakupwishatu busapwishi, kitapisho kyaitwa. Mwamona? Kitapisho kyo twalombelepo kyakosa, kitapisho, kwita bantu ku kitapisho. Kabiji panyuma ya kwita bantu kukitapisho, kapepo nanchi Nakonsha kulombelela bakolwa, monai, nangwa kintu kimo kiji byobya.

²⁸⁸ Mpwijilo yonse yasendelwe mambo mupashi wa bangauzhi wakokela bangauzhi.

²⁸⁹ Abyo byo Nalangulukilenga... Anweba mwavuluka abwa bufuku bo Namwene kimwesho kya malaika kwiya kwi amiwa? Naikeli momwa mu kibamba, na kulanguluka. Pepi nobe, oo, mukachi ka bufuku, kwamba mba, "'Mupashi wa bangauzhi wa...' Akyo kyakonsha kwikala byepi?" Natajile pa kyokya Kyeya kyasama, kabiji Aye wayishilenga kasa enda kwiya konka

Nkonajinga. Mwamona? Apo ipo Aye po antumine mu mwingilo, monai, ku yiiye mbung'eno.

²⁹⁰ Pano, ine, ke—ke muntu ubena kupana mbila. Amba, jipuzho jobe jepi, Naketekela, “Awa muntu ubena kupana mbila, aye wakonsha... ye—ye muntu ubena kupana mbila, bushe aye wakonsha kuyuka mba wajinga malaika wa Nkambo nangwa ine?”

²⁹¹ [Mulongo umo waamba mba, “Pano, jipuzho jajinga, kwaamba mba kuji jimi bamalaika...” Kafwapo kiji pa tepu ne—Waku.] Amiwa kechi nalanguluka mba wafwaina ne. Pano, kijitu mujishinda mo mwikitambwila. Pano, monai, inge twauba mo kyafwainwa kubila, amo mobaji na mbung'eno ya kimye kyonse, lekai...

²⁹² Monai, kimo kimo mwiabo ke mwingilo. Kwaamba mba, obewa waamba mujimi, aye walumbulula, kabiji aye waamba mujimi, aye walumbulula; obewa wi membalatu papo, kipwilo, bino uji na mwingilo kabiji uji na kintu kimo. Obewa ubena kweseka kukwasha Bufumu bwa Lesa, kwibubilapo kintu kimo, mwamona, nanchi anweba balongo mwasambakana pamo. Ao oene mambo bakafunga, nobe bibye, kyo tusambakena pamo, tujipo na kintu kimo atweba bonse. Anweba balongo mwasambakana pamo, na kutanga Binembelo, kabiji ne kwamba mujimi ne kulumbulula, ne kupana mbila, mwamona.

²⁹³ Bino, pano, inge awe muntu, nanchi, inge aye waamba mba... Aye wajinga ku mbung'no, uji na kya bupe kya jimi. Kyawama, aye wiya ku mbung'eno, wamba mu jimi bino kechi kwikalapo kupana kulumbulula ne, ulumbulula kechi wiipana ne.

[Mulongo waipuzha, “**Bushe mwakonsha kwamba mba abo bantu babena kukomesha Mubiji, pakuuba ma ofweshi aji pamo nobe bakafunga, bafunjishi, ne byobyo, bilumbulula Mubiji nyi?**”—Waku.]

²⁹⁴ Ee, akyo kyo byaikelako, kulumbulula. Mwamona? Abo bapewa kulumbulula, mwamona. Naketekela, aye—aye—aye Mipashi yapewa mukulumbulula, kulumbulula kwa kipwilo.

²⁹⁵ Pano, abo, abo bantu baamba, abo ke bayulwamo-Mupashi, kechi pajipo luzhinauko ne. Pano, uno ke muntu, kape ubena kwamba muno mu mpwijilo, kabiji aye wapana... Bino, aye uji ponka pajip balumbulula, monai, kabiji nangwa byonkabyo kafwako wakulumbulula ne, pajipo kintu kimo kyatama. Wakututulula kechi wakonsha kwikikwasha ne, mwamona. Aye—aye wafwainwa kulumbulula kupichila mu kutundaikwa pamo byonka biji awa ubena kwamba kyokyo. Kabiji aye wafwainwa kwikalala na kya bupe kitutulu kya kwamba mujimi, bino kechi uji na kya bupe kya jimi ne, mulaka. Mwamona, aye...

²⁹⁶ Kabiji kintu kyo akonsha kuuba ke kino, inge waingijisha yuwe mulaka, nanchi aye umona . . . Pano, aye—aye kechi ubena kweseka ne . . . Inge ubena kweseka kwi mwesha ayemwine ne jikwabo, aye ke jilaya jabula mwiningilo. Aye kechi . . . Aye—aye waya mungi kyakutatwilapotu, mwamona, aye kechi ukayapo kuji konse ne. Monai, mwalanguluka mba, “Kyawama, Lesa apeshiwe, awa muntu kechi ukebatu kulumbulula jimi yami ne. Abyo ibyo byokiji.” Pano, monai, aye waya mungi kyakutatwilapotu. Abyo ibyo aye uji—aye uji na nkebelo yatama, kyo waimanapo kyatama. Mwamona?

²⁹⁷ Pakuuba inge ye wawama ne kwikepesha, ne kwaamba mba, “Kyawama, kapepo Nkambo kechi wakeba ku kwingijisha mu mwiningilo Wanji ne. Bino nangwa byonkabyo Ami . . . Aye upeshatu mweo wami. Aye ukeba kunkomesha amiwa, pakuuba mba kiyukanyikwe mba Njinaji pepi inge Naamba mu jimi. Nanchi Amiwa kalupuka kuya mu bujimi bwa ma ochadi, ‘Anweba Lesa!’ Kabiji bulume bwatatala kuponera pe amiwa kabiji Natatwile kwamba mujimi. Amiwa naishile kwikalala na ngovu, mwamona.” “Oo, Mwamona, Anweba mubena kwamba kwi amiwa, Nkambo, Anweba mubena kumbika mundonda ponka pa kwamba mujimi.” Mwamona? “Kabiji, Nkambo, leelo Nafwainwa kwamba ku yewa muntu. Ndekelaiko mambo pa kikye, Nkambo. Na—Na—Napichile pa kintu kimo kyo Nakonsha kubula kuuba. Taata, nemusashijila ndekelaiko mambo.” Kabiji, ponkapo, waya na kwamba na jimi. “Aa, yii, naumvwa bulongo pakyokyo!”

²⁹⁸ Mwamona, akyo kijitu bulongo. Monai, kyenu—kyenu kya bupe kechi kyafwainwa kubiwa mu kipwilo ne, pakuuba ke kya kwimukomesha anweba. “Aye wamba mu lujimi (wabula kuyukanyikwa) wabula kuyukanyikwa wikomesha aye mwine.” Mwamona? Bino, inge kechi pajipo wakututulula ne, nanchi . . . Mwamona mo Nekitazha nyi? Monai, byokiji. Nanchi aye kechi wakonsha kuyuka ayemwine ne. Aye waubiletu . . . Bino aye ukayuka kimye kyo abena kuya kulutwe.

Pano, pano mwafwainwa kwikilekatu byayila pamo, mwamona, akyo kyokyonka kintu kyo wafwainwa kuuba poso mwaabenamo. Ao oene mambo o Nalangulukila . . .

116. Londololai Kolinda Mutanshi 14:5.

²⁹⁹ Ng’anyi wamonapo bukiji bukiji? Umo wamonapo? [Kafwapo bijipo pa tepu ne. Mulongo watanga Kolinda Mutanshi 14:5—Waku.]

[. . . bonse bamba na jimi, kana poso amba mwaulenga:
mambo mukatampe ke yewa waula kukila yewa wamba
mu jimi, kana kwaikala kulumbulula, pakuuba mba
kipwilo kikomeshiwe.]

³⁰⁰ Kijitu bulongo. “Nangwa byonkabyo . . . Nafwainwa kutemwa amba anweba bonse mwaamba na jimi.” Paulo

wakebelenga kwamba mba... Nobe kipwilo, anweba—anweba mwikale kipwilo kyami. Bipwilo bimo bya kwa Paulo kechi byajinga bikatampe nobe bamembala bavula nobe bo Nji nabo kuno ne. Abyo ibyo, bimye bimo teeni nangwa twelufu. Mwamona? Mwamona? Pano, pano aye waambile mba, “Nasaka namba inge anweba bonse mwamba na jimi ingi.” Akyo kimukumisha?

³⁰¹ Monai, umvwe akyo—aky—aky kipwilo kiji... mu Byubilo 19, Naketekela mba kyajingatu na bamembela twelufu. Mwamona? Ke bachechetu, mwingilo, mwamona. Nanchi kimye kyonse kikala mu bacheche, mwamona. Kabiji Nalanguluka mba waambile mba kabiji bajinga pepi nobe bavula, banabalume twelufu ne banabakazhi, mwikimona, mu kachi nkabo.

³⁰² Pano, inge anweba—anweba mwamona papo, aye waambile mba, “Nakonsha kutemwa mba anweba bonse mwaamba na jimi. Na—Nasaka namba anweba bonse mwakonsha kwamba, bonse kwamba na jimi, nanchi wayulamo na Mupashi Wazhila kyakuuba mba mwakonsha kwamba mujimi. Bino” waambile mba “Amiwa nafwainwa kutemwa anweba mwaaula; inge kyaikala kya kulumbulula, kwaikala kulumbulula.”

³⁰³ Akyo kyatangwa byepi popa? Ng’anyi... Muji nakyo popa nyi, ibyo...?... Twayai tutange ne jikwabo. Pano telekai:

³⁰⁴ [Mulongo watanga Kolinda Mutanshi 14:5—Waku.]

*[Nasaka namba inge anweba bonse mwamba na jimi
ingi, ...]*

Pano lamai kyokyo pa kamineti kamo, “Nakonsha kwamba mba anweba bonse musa kwamba na jimi.”

[... *pakuuba kine kyakila namba mwaule:...*]

“Nasaka namba anweba bonse mwaule.”

*[... *mambo waula wakila yewa wamba mujimi
ingi, ...*]*

Pano kikwatai pa kamineti.

³⁰⁵ Pano, kyo kika, “Wakila yewa waula”? akyo kyo mwakukebangga mba nyimene po? [Mulongo umo waambile mba, “Amiwa najikwambangatu mba, ‘Ajo jajinga japsanako...?...’”—Waku.] Ee. Mwamona? Ee. Mwamona? Pano, apo ipo...

³⁰⁶ Pano, mwaamba nobe kyakumwenako, bino, tuji na banabalume babiji babula kufunda mukachi kentu bufuku buno. Abo kechi bayukapo kintu nangwa kimo pa kikye ne, kabiji Naiyatu kwi anweba bonse...twatatula kuno mu kukwe kupwila, kabiji—kabiji mwatatalutu kwamba mu jimi, anweba bonse mubena kwambatu mu jimi, kwamba mu jimi, kabiji ne kwamba mujimi, ne kwamba mujimi. Kabiji, kyawama, kyokika? Monai, muntu wabula kufunda wamba

mba, “Uu! Bonse bakonya!” Mwamona? Pakuuba umvwe umo waaula, monai, nishi aye ubena kwamba kintu kyo akonsha kukwatakanya.

³⁰⁷ Pano, yainga kulutwe na kutanga byashala. [Aye mulongo watwajijila—Waku.]

[...*kanatu kwaikala umo wakulumbulula*, ...]

Byobyo kiji. Pano, “kanatu,” mwamona. Na—Nasaka... Awa ubena—awa ubena kwaula wakila yewa byo wamba mujimi *kanatu* kwaikala kulumbulula. Pano, yaingatu kulutwe, monai.

[...*amba kipwilo kikomeneko*.]

Byo byo kiji, mwamona, kipwilo kikomenako.

³⁰⁸ Pano, mu byambo bikwabo, kika, kipwilo, awe muntu. Muno—muno *muji* bavula babula kufunda, baikala mukachi kentu bufuku buno; bo tuji na mpwijilo. Atweba bonse tuji muno na kukeba... na kukeba kuyuka pe Nkambo, anweba bonse mwatatala kwamba mujimi. Kafwako waambapo kintu ne, watatwiletu kwamba mujimi. “Nakeba anweba... Nasaka... Akyo kyakonsha kwikala kyawama,” Paulo waambile mba. “Anweba bonse mwaambile mujimi, kyafwainwa kwikalatu bulongo.” Pano ibyepi umvwe anweba bambo mwaaula, imanaiko ne kwamba mba, “ABYO BYOBYAAMBA AYE NKAMBO, ‘Kuji mwanamulume waikala papo kabiji aye ke mwenyi mukachi ketu. Jizhina janji ke *Yoano Doe*. Aye wafumine ku kifulo *kananga-kananga*. Washa mukazhaji ne baana foolo. Aye uji muno bufuku buno mambo ubena kukeba bukwasho. Aye wajinga na dokotala leelo mu Memphis, Tennessee. Kabiji aye waambile mba... Aye dokotala wamubujile mba wajinga na kaasa wa ku mapwapwa. Ubena kufwa’”?

³⁰⁹ Aye waambile mba, “Inge bonse baamba mujimi kabiji wabula kufunda waiya mukachi kenu, wakonsha kwamba mba... nanchi aye ukamba, ‘Anweba bonse kechi mwakonya nangwa kuvulang’ana nenyi?’ Pakuuba umvwe umo waaula ne kusolola byafyamika bya mu muchima, nanchi bonse bakapona pansi, ne kwamba mba, ‘Kine Lesa’ uji nenu!” Mwamona popo?

³¹⁰ Kyawama, pano, papo. Pano obewa ubena kwamba mujimi, bino umo wapano kilumbululo, mba, “ABYO BYOBYAAMBA AYE NKAMBO,” pa kulumbulula, “Kuji muntu waikala mukachi kentu, washile mukazhi, wajinga mu Nashville jaleelo,” nangwa Memphis, nangwa kuji konse ko ajinga, “kabiji aye uji na kaasa wa ku mapwapwa. Waiya muno, kabiji jizhina janji ke *Yoano Doe*,” *Kananga-ne-kananga* tuyewa musango. Mwamona?

³¹¹ “Kana kwaikala wakulumbulula,” nangwa, monai, popo kipana kukomesha. Mwamona? Nanchi bakamba mba... Nanchi awa muntu ukafumamo, ne kwamba mba, “Lekai ne

mubuuleko kintu kimo, kechi mumbule mba Lesa kechi uji nabo baabo bantu ne. Kyakine! Aba bantu kechi bangyukile amiwa nangwa pacheche ne.” Mwamona?

³¹² Nanchi kukeba bya bupe bya bungauzhi *kubikapo* bya bupe bya kwamba mu jimi. Bino, kwamba na jimi, monai, kwafwainwa kwikala kulumbulula. Kabiji pano, umvwe kyalumbululwa, ke bungauzhi. Mwamona? Ke bungauzhi. Pano, Amiwa njina jojo jipuzho mu mineti umotu, nanchi Nsa—Nsakufikapo bukiji bukiji. [Kafwapo bijipo pa tepu ne—Waku.]

117. Mateyo 18:10.

[Mulongo watanga Mateyo 18:10—Waku.]

[...kechi *musuule nangwa kamotu ka tuno tucheche ne; mambo Nemwambila namba, Amba mwiulu ba malaika babo—ba malaika baabo baji mwiulu bakeelwa kutala mu kilungi kya Taata uji mwiulu.*]

³¹³ Kijitu bulongo. Pano, mulongo, uji yense, mambo kechi paji mazhina ne, kana tu machikichi tucheche, mwamona, ng’anyi waambile kikye. Amiwa kine Na...

³¹⁴ Pano, mwakonsha kusenda mashinda abiji, mwamona. Bino Nalanguluka kulumbulula, inge wangipuzha, “Londololai kikye,” jishinda Amiwa jo ndumbulwilamo kikye ke jije.

³¹⁵ Pano, zhikulai mu Kolinda Wakibiji, muntu umo, 5:1, kyaamba bibye, “Inge uno tente wapopololwa . . .” Mwayuka byo kiji, mwamona. “Inge uno tente wapopololwa, tuji na mukwabo,” mwayukatu, “kupembelela.” Kijitu bulongo.

³¹⁶ Pano, pano Aye wakonsha . . . Inge mwamona, mu Mateyo 18:10, Aye waambilenga pa “baana babacheche.” Bajinga baana babacheche, tucheche, isatu nangwa myaka foolo, wibashikwile peulu. “Bamuletejile Aye baana, mwaana.” *Baana* bafuma ku jizhina ja “mwaana.” Mwaana ujitu mucheche—mucheche mulongo, kechi kalukeke ne bino ujitu pakachi yewa ne nsongwalume. Mwamona? Kechi ujipo na nsambu ya kwilama bunke bwaji ne.

³¹⁷ Pano, Aye waambil mba, “Kechi *musuule ne.*” Inge kine mwasenda byo kyalumbulula akya kyambo, ke “kumanyika.” Monai, “Kumanyika umo wababo.” Kumanyika mwaana, kechi wafwainwa kuuba kyokyo ne. Abo ke baana, kechi bayuka ne. Mwamona?

³¹⁸ Kabiji pano monai, waambil mba, “Mambo abo . . . bamalaika babo bakeelwa kumona kilungi kya Taata uji Mwiulu,” mwamona. Mu byambo bikwabo, “Bamalaika babo, abo—abo baluwe, mibiji yabo, mibiji yabo ya lukumo yo bayamo inge bafwa, kimye kyonse bekala kumeso a Ba Taata Mwiulu.” Mwamona?

³¹⁹ Pano, “Inge uno tente wapopololwa, tuji na mukwabo ubena kupembelela.” Abyo ibyo nyi? Ao ke mubiji.

³²⁰ Talai kuno. Inge Najinga na kimye kya kupwisha bibye! Mambo, Nayuka mba Amiwa—Amiwa kechi sakwikala nakyo ne. Bino, papo, lekai ne kipane kwi anweba pakuuba mba kikale pa tepu, kabiji mukekitambula nangwa byonkabyo.

³²¹ Talai, bufuku bumo Petelo wajinga mu kaleya. Bajinga na mbung'eno ya milombelo ku nzubo ya kwa Yoano Mako, mwamona. Kabiji nanchi Malaika wa Nkambo waishile, awa Mumbulungwa wa Mujilo, akya Kyeya kyaishile panshi, kabiji Petelo walangulukile mba ubena kulota byo amwene akye Kyeya kyaiya kwi aye. Aye Baibolo waamba mba, "Kyajinga Kyeya." Mwamona? Kabiji Naketekela mba Iye umo uji ne atweba, monai, Aye waishile. Kabiji tutwela mu lukatazho lumo, kape kintu kimo kyakonsha kumweka. Mwamona? Kabiji kyaishile momwa, kabiji Aye waambile mba mba, "Iya, ndondele Amiwa."

³²² Nanchi Petelo walangulukile mba, "Amiwa mbena kulota pano, nanchi Nsakumona akye kiloto byo kyalumbulula." Nanchi waendele kuya konka kuji bakalama, kabiji walangulukile, "Uu-uu. Pano tuyenga konka, kibelo kya shikukiletu kine." Walupukijiile ku kibelo kikwabo kyalondejilepo, kyanshikukiletu akyo kine. Wapichile mu bizhilo bya sakwa ya muzhi, kabiji kyanshikukile akyo kine. Kabiji aye wakilangulukilenga mba ubena kulota. Nanchi byo aimene pangye popa, kabiji waambile mba, "Kyawama, Amiwa nakasuluka, nanchi Nsakuyatu ku nzubo yakwa Yoano Mako ne kwikalala nabo na lumvwang'ano lwa bupopweshi."

³²³ Bajinga kunyuma kokwa amba, "Anweba Nkambo, tumai Malaika Wenu na kupokolola Petelo."

³²⁴ Kabiji pa kyokya kimye kintu kimo kyaile [Mulongo Branham wakokosha—Waku]. Nsongwakazhi mucheche wayile ku kizhilo ne kwamba mba, "Ng'anyi uji koko?" Wasutwile kipembe kya kicheche, ne kwamba mba, "Kika, ye Petelo!" Nanchi wabwelele, waambile mba, "Olo, anweba—anweba pano lekai kulomba, Petelo ko aji."

Aye waambile mba, "Oo, ami! Yangatu kulutwe," waambile mba, "obewa—obewa—obewa . . ." Mwamona?

³²⁵ [Mulongo Branham wakokosha jibiji—Waku.] Waambile mba, "Shikulaiko! Amiwa twele mukachi." Mwamona? Kabiji nanchi aye waambile mba . . .

Nanchi wabwelele, ne kwamba mba, "Ine, ye—ye Petelo uji pa kibelo."

³²⁶ "Oo," baambile mba, "bamuchibako mutwe wanji kala, awo ke malaika wanji uji pa kibelo. Monai, tente wanji wa Mwiulu, aye wamutambwile kala, amba awe wa pano pantanda wapololwa, mambo wamupembejilenga Mwiulu amba aye atwelemo."

³²⁷ Byo Namwene juba jikwabo mu kyokya kimwesho, mwayukatu, na abukile kubushiya. “Inge uno tente wa pantanda wapopololwa, tuji na mukwabo.”

³²⁸ Kabiji abo balunda babacheche kechi baubapo bubi nangwa jimo ne, mwamona... Mwamona?

³²⁹ Inge mwaana ubena—mwaana ubena kulengwa munda mwa inanji, aku ubikwamotu... Mwamona? Mwamona? Bino patanshi wikalala mupashi. Kabiji awa mupashi utatula kwikala na mubiji, aka kakishi kacheche ka bumi katatula kwikala na mubiji, kabiji akukafumamotu... Pano, monka munda, kekala kacheche, abena kuzakama, ne kusukana kwa misunyi. Twayuka kyokyo. Ao ke maseozi. Kijitu pamo nobe mwatola suki ya mbili kabiji ne kwiibika mu meema, yiweta ne kutatula kwenda, kabiji umvwe mwiyikwata yakonsha kutoloka. Abyo byo biji mwaana.

³³⁰ Pukuuba aku kasemwatu muino ntanda kabiji wapeema mpeemeno itanshi, wikalala ke mweo wa bumi. Mwamona? Mambo inge mubiji wa panopantanda wasemwa pantanda, kuji mubiji wa bulukumo, nangwa mubiji wa bumupashi, wa kumutambulwila. Kabiji ponkapotu awe mubiji wa nyama ne mashi waponena pansi, kuji tabbanako wa Mwiulu ubena kumupembelela. “Inge uno tente wapopololwa, kuji tabbanako wa Mwiulu ubena kumupembelela.” Kabiji ponkapotu awe—awe mwaana waiya pantanda mu mubiji, kwikala mubiji wa bumupashi ubena kupembelela kumutambulwila. Kabiji ponkapotu mubiji wa bumupashi... mubiji wa mashi ye twaikalamo kuji mubiji wa bumupashi ubena kupembelela kokwa. Mwamona? Wa “fiyofani” byo tumutela, monai, fiyofani.

[Mulongo waipuzha mba, “**Kyawama, pano, awe mubiji ke... wakimye kicheche, kupembelela lusanguko lwa yuwe mubiji?**”—Waku.] Ee. Mwamona? Ee. Oo, ee. [“**Awa ye musango ye tukekalamo poso ke—ke lusanguko?**”] Abyo ibyo. Mwamona? Mwamona?

³³¹ Kechi kyasololwa ku baana ba bantu nangwa pacheche ne. Naketekela... Na—Nayuka Nekimwene. Mwamona? Bino Amiwa kechi nayuka musango wa mubiji ye ajimo ne, bino Nakonsha kwibomvwa nobe byonka byo Mbena kumvwa maboko enu nangwa kintutu kikwabo. Mambo, akye kiji pa tepu kabiji mu kekijizhangya myaka yavula panyuma ya kuya Amiwa. Mwamona? Bino... Kabiji akya, musango yense mo kyajinga, monai, Najinga—Nakwachilenga aba bantu ne kwibakwata, kabiji kyajingatu kyakine nobe—nobe byonka byo uji, kabiji nangwa byonkabyo kechi kyajinga... Abo kechi bajilenga nangwa kutoma ne. Akwa kechi kwajinga keesha japita nangwa keesha jikeya ne. Mwamona, kyajinga Peenape.

³³² Kabiji pano kimye awa tabbanako... byo bashile momwa mu yewa mubiji, babwelele pantanda, kabiji awa musango wa

mubiji ye batolele ke yewa ubula kufwa. Alwa—alwa lukungu lwa pansi lwa bungakene ke mumusango wa fiyofani kabiji baikele ke bantu jibiji, bajilenga nobe byonka byo baubilenga mu bujimi bwa Edena. Mwamona? “Pakuuba umvwe uno tente wa pantanda wapololwa, tuji na mukwabo ubena kupembelela.”

³³³ Nanchi abo baana babacheche babula kwikalala na bubi, monai, bakyangye kwikalapo na bubi ne, *bamalaika* baabo, “mibiji” yaabo (umo awa Petelo ye abwelelemo . . .) monai, wapembejilenga. “Kasa batala kilungi kya Taata, Mwiulu,” kimye kyonse kiji ku meso Abo; “abo bekiyuka.” Abyo byokiji.

³³⁴ [Mulongo umo waamba mba, “Bino kyajinga kyashupako pacheche apo Yesu po aambile mba, mu kibese kitanshi kya lusanguko Lwanji, Aye waambile mba, ‘Kukwata Amiwa ne,’ Aye kechi wakiyile mwiulu ne. Kabiji byo Aishile mu kibamba mwajinga Tomase, Aye waamba mba, ‘Iya kuno ubike kuboko kobe ku lubaji Lwami; bikai munwe obe.’”—Waku.] Abyo ibyo, Aye kechi wakiyile ne. [“Kabiji alwa—alwa lupusano lwa byobya biji, apo Aye—Aye wibabujile mba kechi bakonsha kumukwata Aye ne, kabiji popa Aye wabujile Tomase kwiya na kumukwata Aye.”] Aye kechi wakiyile mwiulu ne, mwamona. Aye . . . [“Mambo Amiwa kechi nakiya ku Ba Taata ne.”]

³³⁵ A byo ibyo, monai, Aye kechi bafwajilwe kumukwata ne poso Aye . . . panyuma ya lusanguko Lwanji. Aye wafumine panopantanda, mwamona. Aye wafumine pantanda kabiji waendelenga mukachi ka bantu, bino Aye kechi wakiyile ne. Aye waambile mba . . . Aye wabujile Maliya mba, Aye waambile mba, “Kukwata Amiwa ne.”

Aye waambile mba, “Nkambo.”

³³⁶ Aye waambile mba, “Kukwata . . . Kukwata Amiwa ne, mambo Amiwa kechi nakiya ku Bataata ne. Pakuuba Naya kwi Lesa Wami kabiji ne kwi Lesa wenu, ku Ba Taata ne Bashobe.”

³³⁷ Kabiji abwa bufuku, panyuma Ya kuya kwi Lesa, kabiji wasangukile kufuma mubafu, waile kwi Lesa. Byo abwelele, Aye wamwichile Tomase kwiya na kukwata lubaji Lwanji. Monai, Aye wayile kumeso a Lesa. Abyo ibyo. Kijitu.

118. Pano. **Mu Kolinda Mutanshi 14**, “**Londelai—londai butemwe, ne kusakisha bya bupe bumupashi, pakuuba sakishai kwaula.**” Webster, *waamba* mba, “*kwaula: kubuulang’ana bitu bikamweka biji kulutwe, kukiijishamo kupichila mu lutundaiko lwa bulesa.*” **Bushe mbila . . .** Pano abo . . . abyo—abyo byo byaamba Webster kabiji ne byobya abya—abya bya kwipuzha mulongo. **Bushe mbila yakonsha kutelwa mba “bungauzhi” ayo yabula kubulang’ana bintu bikamweka kulutwe?**

Ine, mwane. *Kwaula* ke “*kwambila jimo.*” Mwamona? Kijitu bulongo.

- 119.** Pano. **Kolinda Mutanshi 14:27, Naketekela mba mbila yonse yafwainwa kulumbululwa kabiji kechi kukila pa mambila asatu mu jimi ingi yafwainwa kupanwa mu kupwila kumo ne.**

³³⁸ Akyo kyo Kinembelo. Amiwa nji nakyo kyanembwa papo. Mambo, kechi tuji na... Atweba twapijilwa nakyo ne kuyuka mba, mwamona. Kokuba mba... Ee, mwane, kiji... kyafwainwatu kwikala nakyo mu busatu. Akyo kiji mu Kolinda Mutanshi 14, ne apo. Mwamona? Abyo ibyo, "ne apo mu busatu." Pano monai kyokyo mu mpwijilo yenu, balongo. Pano, anweba— anweba mukatana mba akyo kyafika kuno, mukataana kuuba mba bantu bavula bekala na lusekelo. Kabiji kechi mwambe mba kechi baji na Mupashi Wazhila ne, pano. Bino, mwamona, Paulo waile na kubika kipwilo kya Kolinda mu ndonda. Atweba bonse twayuka kyokyo, kechi ibyo nenyi? Aye wikibikile mu ndonda. Kabiji aye waambile mba, "Bintu byonse byafwainwa kubiwa mu bukishika kabiji ne mundonda."

³³⁹ Pano, inge mwamona, Paulo, pakuya kulutwe, aye kimye kyonse wajinga na lukatazho na kipwilo kya ku Kolinda. Anweba kechi wakamutana muyewa musango ne... Aye kechi waambilepo kintu pa kikye ku kipwilo kya Efisesa ne, aye wibafunjishe pa bukikizhi bwa Peenape. Kechi pajipo nangwa kimo pa bukikizhi bwa Peenape mu—mu kipwilo kya Kolinda ne. Abo kimye kyonse bajinga baana, na kweseka, "Umo uji na lujimi, umo uji na salamo." Abyo kechi ibyo nenyi? Mwamona? Kabiji inge mwaswisha kipwilo kyenu kyatatula mu byobyo...

³⁴⁰ Nobe Martin Luther, aye wayujilwe bingi na Mupashi poso waamba mu jimi. Aye waambile, mubuuku wanji, aye waambile mba, "Naambile na jimi," aye waambile mba, "bino inge Nakonsha kufunjisha bantu bami byobyo" waambile mba "abo bakeba kyabupe mu kifulo kya Wibupana." Abyo ibyo, monai, abo bakakebangwa bupe mukifulo kya Wibupana.

³⁴¹ Kabiji akyo bantu kyo batambula, kabiji pano bekala balubakana ne kwilundumika inge bebaleka baamba mu jimi nangwa kintu kimo kiji byobya. Kabiji inge kechi kya kwa Lesa ne, nanchi kechi kikobiwa ne... kikekala kyabula bukwasho. Bino atweba...

³⁴² Pano, bipwilo byakatataka bifumyamo bintu byonse, bino atweba kechi tuuba ne. Twaketekela mba ke kya bupe kya kwa Lesa kabiji kyakonsha kwikala monka na Mupashi wakwa Lesa. Pano ngakyo, Mulongo Roy? Abyo ibyo. Ee, mwane. Bikai mu kipwilo! Kiji mu kipwilo. Kyabupe kya kwamba mujimi kiji monka, monai, mu Kipwilo kya Lesa.

³⁴³ Pano, twayai tumone jipuzho janji byo jiji muno. Waambile, mba:

Naketekela mba mbila yonse... (abyo ibyo)... yafwainwa kulumbululwa, kabiji ne apo mu busatu busatu.

³⁴⁴ Abyo ibyo, monai, mambo inge mwaleka... Pano twayai twambe, nobe kya kumwenako, nobe muji na mbung'eno kabiji twaikala muno ne—ne... Pano, ng'anyi buwame bo kyafwainwa kuuba pa kumuleka *aye waamba mu jimi*, *aye waamba mu jimi*, *aye waamba mu jimi*, *aye?* Kika, atweba twafwainwa kwikala bonse bavundakana kechi twakonsha kuyuka ne byo tubena kuuba ne. Mwamona? Monka mu busatu, lekai... nobe, Hollin, aye ubena kwamba mujimi, inge waamba mujimi...

³⁴⁵ Kabiji pafwainwa kwikala wa kulumbulula. Pano, kwafwainwa kwikala wakulumbulula umo inge ne kana walumbulula mulaka obe. Pano, anweba... “Lekai yewa wamba mujimi ingi ne aye alombe mba wakonsha kulumbulula.” Aye wakonsha kulumbulula lujimi wanji mwine akyo kijitu—kijitu kyaitabilwa byonka byokiji muntu mukwabo kulumbulula. Bino kwafwainwa kwikala umo wakututulula jimi kasa ikyangye kwikala... Inge muji na jibumba ja bantu babena kwamba mujimi kabiji kwabula wakututulula ne, nanchi ulombe obewa mwine amba ulumbulule byo—byo ubena kwamba.

³⁴⁶ Pano, kechi wikyubetu mu kwilundumika obewa mwine ne, mambo ubena kwi komeshatu obewa mwine, mwamona. Kechi wafwainwa kuuba kyokyo ne. Pakuuba wambe mu jimi amba ukomeshe Lesa, wafwainwa kukomesha kipwilo. Mwamona, kyaimenatu pa kintu kimo kikatampe bingi, mulongo. Abye bya bupe byafwainwa kukomesha Lesa, kukomesha kipwilo, mu kuleta bantu kwi Lesa, pa kwibayukisha amba Lesa uji ne atweba. Aye kechi Lesa wafwa ne, Aye ke Lesa mumi ubena kwingila mukachi ketu. Mwamona?

³⁴⁷ Kabiji twafwainwa kutajisha bulongo pepi, mulongo, diabola washikwa kyokya nobe kiji kyonse, mwamona, pakumona bya bupe bya kine. Mambo bya bupe bya kooka, kabiji wakonsha kwingijila pa byobya bya bupe. Muntu, oo, muntu, wakonsha kine kupashang'anya bonsetu. Nanchi ao oene mambo...

³⁴⁸ Pano, talai, lupusano luji pakachi ka kya bupe kya kwaula ne ngauzhi, kujitu mamilyoni mailoshi alupusano. Kasa kukyangye kwikala kwaula... Muntu uji na kya bupe kya kwaula wafwainwa ne kubuulwa kumeso a kipwilo, babiji nangwa basatu bafwainwa bekiyuka mba “akyu kyakine.” Abyo ibyo. Bino kechi ngauzhi ne. Mwamona? Ngauzhi ke ofweshi. Kya bupe kya bungauzhi ke kya bupe. Ngauzhi usemekwa, uji na ABYO BYOBYAAMBA AYE NKAMBO, mulongo, kuyatu kulutwe ne kulutwe. Kechi mujipo kintu nangwa kimo mukyokyo ne, mwamona. Awa ke ngauzhi. Pakuuba kya bupe kya kwaula, akyo ke kya bupe, mwamona. Umo ke ofweshi wa Lesa, kikwabo ke kya bupe kya Lesa. Mwamona? Kabiji alo lolupusano.

³⁴⁹ Pano, mambila kamba mba, pano, nobe kyakumwenako,

ajino jo jishinda mo kyafwainwa kwikela. Pano, tusa kwamba mba, nobe Mulongo Junie, bufuku buno, aye ulumbulula. Twayuka mba aye ulumbulula. Mulongo Neville ulumbulula, monai, kulumbulula jimi. Twayuka kyokyo. Pano, ibyepi umvwe twaikala bufuku buno, oo, Mupashi wakwa Lesa kasa abilima amba ambe. Ami, buwame! Kabiji atweba kechi...twafwainwa ku...twafwainwa...Mpembelelaiko, kipwilo kibena kutatula mu maminetiacheche. Monai, atweba tu—tusambakana kupwila kasa kukyangye kutapa. Amiwa mbena kwikibika mu ndonda nobe byonka byo twauba pano.

³⁵⁰ Kyawama, nanchi, kintu kitanshi mwayukatu, Mulongo Ruddell waimana kabiji waamba mujimi. Pembelelaiko mineti umo. Mwamona? Junie watoloka, “ABYO BYOBYAAMBA AYE NKAMBO, ‘Kintu *kananga-kananga*.’” Kijitu bulongo, muntu umo uji kukwe, banembeshi kasa banemba papo, monai, byonse byaambiwa; uu-uu, twayai twikisende bukiji bukiji, mambo kiji...wiktambula kyakatataka, monka mo ekyambil. Kjitu bulongo, abo...Inge—inge bakana, nanchi obewa—obewa wikilekatu, monai, kitabaule. Pakuuba umvwe kyabula kukanwa, kyaitabilwa ku bantu babiji, nanchi kyanembwa papo, banembako jizhina jabo. Mwamona? Akya—akya—akya kyo kya kipwilo kyobe. Akya...Mbena kwimubuula byonse pakuuba mba mumwenemo, monai, Amiwa kechi nayuka ne kana bekyubile pa kutatula nangwa ine.

³⁵¹ Kabiji kintu kitanshi mwayukatu, Hollin waimana, waamba mu jimi. Pano, ututulula wafwainwa kupana mbila imotu, monai, kyafwainwa kwikalaka kintutu kimo, kintutu kimo kyakubiwa, bungauzhi; monai, kintu kimo kikebewa kumweka, nangwa kintu kimo kyo wafwainwa kuuba. Aye watoloka Mulongo Roberson, kunyuma, waamba mujimi. Kijitu bulongo. Kyakonsha kwikalatu mbila imotu, wapanakilumbululo kimo, mwamona, nangwa awfainwa kwikalaka ma mbila asatu.

³⁵² Pano, Lesa kechi wakonsha kupana ma mbila fifite pa bufuku bumo ne. Twayuka kyokyo, mambo anweba—anweba kechi mwakonsha kwi itambula ne. Mwamona? Bino kyonse kibena kumanyika kipwilo, nobe...nangwa kintu kimo kyo kibena kuuba, ke kya kukomesha kipwilo. Mwamona? Nanchi Ami—Ami—Amiwa kechi nakonsha kuswisha kyokyo ne, monai, mambo Kyaambiwa mba, “Lekai kyubiwe mu busatu.” Mwamona?

³⁵³ Kyubiwe mu busatu, nanchi—nanchi Nakonsha kwamba mba “Twajijilai na kwibinemba, ne kwibitula ku pulupiti.” Mwamona? Nanchi keesha bufuku tukasambahana jibiji. Mwamona? Kabiji inge pajipo kintu kimo kyafwainwa kumweka kufuma pano ne kufika bufuku bwa keesha, Lesa wafwainwa kwikyamba mu imo ya ooa ma mbila. Mwamona mo Nekitazha nyi? Lekai kikale mu busatu. Kabiji pano Nalanguluka mba, Webster waamba mba, bungauzhi bwafwainwa... .

**Bushe jipu-...mbila yakonsha kutelwa mba bungauzhi
yabula kubulang'ana bintu bikobiwa kulutwe?**

³⁵⁴ Ine. Inge kiji bungauzhi, ke kwaula, ke kubulang'ana kintu kyafwainwa kubiwa. Akyo ke bukine, ne akyo.

³⁵⁵ Kijitu bulongo, kabiji Nalanguluka... Pano, aje ke japelako poso twafika ku aao papo.

**120. Mulongo Branham, bushe—bushe jiji jonse ja mu aao...
Mulongo Branham, bushe jiji jonse ja aao mepuzho...
Janembwa na mashinyi kabiji jauba nobe jafuchika. Bushe
jiji jonse ja aao mepu-...Mulongo Branham, aji onse
mepuzho o watundaikwa kubulwa kukumbula nangwa
kwi apana... nangwa kwambapo (ee), kwambapo, atulai
kulubaji, Amiwa kechi nsakumvwa bibi nangwa pacheche
ne. Ng'anyi mwingilo wakwa dikoni mwaila Binembelo?**

³⁵⁶ Kyawama, Na—Naketekela mba baji nakyo momwa. Inge kiji... Nayuka mba ke umo wa madikoni a mu kipwilo kyetu. Nanchi Naketekela mba baji na ndonda yakyo. Twafwainwa kunengezha bipepala byavula ne kupana ku umo umo dikoni wetu inge kechi tuji nabyo ne. Nakumya kana twakonsha kutambula kipepala kya bibye, Gene, umo...nangwa, obewa nangwa Mulongo Leo, nangwa bambo ba mwiabo, pepi nobe... nengezhai pepi nobe sikisi nangwa eiti ne kupana ku ma dikoni. Akyo kyalondolola mingilo, mwaila Binembelo, kika kyakonsha kuuba dikoni.

**121. Kapepo twaikala na bungauzhi nangwa mbila mu jimi
yabula kulondela ndonda, twafwainwa kwi yoolola byepi?**

³⁵⁷ Pano, aao ke mambo awama abukiji bukiji, monai. Mwamona? Pano, upeshiwe obewa, dikoni watongola kikye, mambo akuuba mba akye ke kintu kyawama. Ubena kukeba kwikikwata na makalapusi a mipila. Pano, inge wapania... Inge muntu umo waiya mu kipwilo kyetu muno kabiji wapania mbila nangwa bungauzhi kwakubula kulondela ndonda, kechi pajipo kintu kimo kyo mwakonsha kuuba ne pa kikye inge aye ukyamba. Mwamona? Anweba mujitu... Bayuka mba bafuma mundonda kabiji kyafwainwa—kyafwainwa... kyakonsha konauna mpwijilo. Mwamona? Bino, inge kyaubiwa, kintu kyawama kuuba, ba madikoni, ke kuzhindamatu. Mwamona? Mambo ngauzhi pa pulatifomu ye iye uji na... Anweba yenu bukikizhi bwanji, anweba yenu ba kapokola banji, monai, anweba yenu bakulama mutende mukachi kentu. Mwamona?

³⁵⁸ Pano, inge muntu umo mu kyetu kipwi-... Inge wafuma kusa ya kipwilo kyetu, awa muntu kechi wafunjishiwa ne, mwamona, kechi bafunjishiwa ne. Akyo kyo tubena kukeba kutwelamo muno, monai, amba atweba—atweba tuyuke byakuuba. Twayuka byo tufunjisha bantu betu. Bino inge kiji—inge kyafuma kusa ya kipwilo kyetu, kyawama, atweba kechi twayuka ne awa muntu kamulanda byo afunjishiwa.

³⁵⁹ Nobe kyakumwenako, nobe...Billy ubena kuvuluka kikye, Costa Mesa, California. Kimye kyonse inge Nenengezha kwita bantu kikitapisho kwaikalanga mwanamukazhi waimananga, watatula kunyema mu kishimikwa, na kwamba mu jimi, kabiji aye wapalang'anya lwito. Kabiji Nafumangakotu. Mwakonsha kumona Mupashi waubiwa—wafichishiwa pa muchima, mwamona. Kafwako nangwa kimo kyakonsha ku mufichisha pa muchima Mupashi wakwa Lesa ne inge kiji mundonda. Mwamona? [Kafwapo bijipo pa tepu ne—Waku.] ... bino kasa akyangye kwinengezha kutatula ne, wakonsha kwinengezha byepi ayemwine, mambo Namumwenenga. Wamwingilo yense wakonsha kuba kyokyo inge wamona kintu kyabula mundonda. Nanchi awe mwanamukazhi wajinga kunyuma kokwa kabiji wabujile Billy, kabiji Billy wambujile kimye kyo Natwelelenga bobwa bufuku, waambile mba, “Taata, mwayuka yewa mwanamukazhi upalang’anya bi—bitapisho, pa mafuku abiji?”

“Ee.”

³⁶⁰ Waambile mba, “Waikale byobya,” waambile mba, “aye waambile mba, ‘Lukumo Iwikale kwi Lesa, Billy, Njina mbila ikwabo bufuku buno!’”

³⁶¹ Kyawama, pano, mwamona, Namumwenenga mukachi ka jibumba. Kwajinga masauzande a bantu kokwa; akya kimye ikyo pepala wa *Reader's Digest* po anembele lubuko lwakwa Donny Morton, mwayukatu, *Akya Kyakukumya kya kwa Donny Morton*. Nanchi Namumwene awa mwanamukazhi, kabiji pa kimye kyo Natatwile kwita bantu ku kitapisho kyami, aye... Pano, wajinga wabula kufunjishiwa; kwakubula luzhinauko ne, mwanamukazhi wawama. Bino wakeketete kuzhokoloka, watatwile kuwamisha suki yanji. Wajinga na suki yakwichika, mwamona. Nanchi, mwamona, aye wajinga wa ku Assemblies nangwa bipwilo bikwabo abyo—abyo biswisha byobya. Aye wanengezhenga suki yanji. Wafukamine pansi ne kundosa masokoshi anji, ne kwinengezha byobya. Kabiji pakyonka kya kimye kyo Natatwile kwita kitapisho... Naambile mba, “Pano, baanga muno... baanga baji muno abo bakonsha kwiya kulutwe ne—ne kupana michima yabo kwi Nkambo Yesu?”

³⁶² Watolokele peulu. Naambile mba, “Ikala pansi.” Watatwile kuya. Naambile mba, “Ikala pansi!” Mwamona? Kabiji, mulongo, muntu yense... Ne kilekeletu. Wimwesheshe nobe kechi waji kung’umvwa ne, kabiji nabijikile ne jikwabo. Wang’umvwine pakyokya kimye, mambo kyaumvwanyikile nobe kusukanya kishimikwa nayewa maikolofoni mukatampe kasa naimana popa. Kabiji waikale pansi.

³⁶³ Naambile mba, “Pano, monka mo Najikwambilanga, baanga babena kukeba kwiya ku kitapisho na kupana michima yabo kwi Lesa?” Kabiji Natwijijiletu na mpwijilo, monai.

³⁶⁴ Kabiji abwa bufuku byo Natatwile kuya ku kimbayambaya, Ba zhokolokele. Kabiji pano aja jibumba ja banabakazhi kasa baimana byobya nobe jibumba ja bazolo, mwayukatu, “Obewa wamuuba mwenga Mupashi Wazhila.”

³⁶⁵ Naambile mba, “Byo naji kuuba nyi?” Naambile mba, “Nakonsha kuuba Byepi mwenga Mupashi Wazhila pa kulondela mi-...kwamba kwa Binembelo?” Mwamona?

³⁶⁶ Kabiji awe mwanamukazhi waambile mba, “Najinga na mbila yafuma kwi Lesa.”

³⁶⁷ Naambile mba, “Bino obewa wakupananga mu kimye kyatama, nyenga.” Naambile mba, “Amiwa kechi...”

“Mwaamba mba akya kechi—akya kechi kyajinga kya Lesa ne?”

³⁶⁸ Naambile mba, “Amiwa kuuba na kubula ne, inetu.” Naambile mba, “Na—Na—Naketekela mba byo kyajinga, mwamona.” Naambile mba, “Amiwa nsakwamba pakuuba mba kipane bukwasho kwi anweba, amba, ‘Naamba mba Naketekela byo kyajinga.’ Kabiji Naketekela mba obewa wi mwanamukazhi wawama, bino wajinga wafuma mundonda.”

³⁶⁹ Kabiji kwajinga kafunga wanji waimene byobya. Nayukile mba ye kafunga wanji, mwamona. Kabiji Naambile mba...Na—Naambile mba, “Kujitu kintu kimo kyo Nakonsha kwaamba, kya kuuba mba nangwa obewa wajinga mu mubiji nangwa uji na kafunga wakufunjishe wabula kuyukapo nangwa kimo pa Binembelo.” Naambile mba, “Aye wafwainwa kwiya na kwisamba ne atweba pa ka kimye kacheche mu Binembelo. Akyo kyatama, obewa wafuma mundonda. Obewa wataile myeo yavula, bufuku bukwabo bwajingako, kabiji ne bufuku bwapita, kabiji waji kufwaina kuuba kintu kimo bufuku buno.”

³⁷⁰ Kabiji awe muntu waambile mba, “Mulongo Branham,” waambile mba, “Nalomba kundekelako mambo.”

Naambile mba, “Walumbulula ka?”

³⁷¹ Waambile mba, “Wajinga na luusa lwa kupana yoya mbila, obewa wajikupwisha.”

³⁷² Naambile mba, “Najinga ku pulatifomu, kabiji mupashi wa bangauzhi ukokela ngauzhi. Amiwa kijitu ku pulatifomu.”

Kabiji aye waambile mba, “Kyawama...”

³⁷³ Naambile mba, “Nakijinga na Mbila. Amiwa naichilenga kitapisho kyami, akwa ke kubungizha. Natailepo bukonde bwami, Mbena kwibukoka pano. Kechi utayepo waya wa miba nangwa kintu kikwabo kya kwikivundakanya ne, monai.” Naambile mba, “Nakindoselenga bukonde bwami.” Kabiji—kabiji Naambile mba, “Aye wakuvulang’anya na—na kuleta myeo. Aye...Buwame ka bwafwainwa kwikalako bwa

kusapwila nangwa kintu kikwabo inge wabula kwita kitapisho ne bandenga mambo babula kwiya? Mwamona?”

³⁷⁴ Kabiji aye waambile mba, “Kyawama, mbila yanji yajinga palutwe kukila yobe. Yanji kechi yajinga ya ku pulatifomu ne... Yanji yajinga yafuma kwi Lesa.”

³⁷⁵ Naambile mba, “Inge muntu wilanguluka aye mwine mba ne wabumupashi nangwa ngauzhi wafwainwa kuyuka kyo Mbena kwamba mba ke Mikambizho yakwa Nkambo. Bino umvwe wabula kuyuka bintu, mulekaitu ekale wabula kuyuka bintu. Atweba kechi tujipo na kisho kya musango yewo ne, nangwa Kipwilo kya Lesa ne,” kwambula Paulo, mwayukatu. Naambile mba, “Ine, mwane, kafwako kintu kipyne! Aye... Yesu waambile mba, ‘Lekai kyambo kyonse kya muntu kikale kyabubela kabiji Kyami kikale kya Bukine.’ Paulo waambile mba, ‘Nangwatu Malaika wafuma Mwiulu waiya na kintu kikwabo kanatu kiji Muno, ekale wafingwa mafingo.’” Naambile mba, “Anweba, obewa mwafuma mundonda kyabaya bingi.” Naambile mba, “Ng’anyi musango wa kipwilo kyo mujinakyo? Amiwa naketekela ke jibumba jikatampe ja kivundakanya. Mwamona? Inge wakonsha kwibaleka bantu kuuba kyokya pano mwita byepi bantu ku kitapisho? Aye uji na mwingilo, bonse baji na mwingilo, bino obewa uji na bimye bya mwingilo obe, mwamona, akyo kyapewa.”

³⁷⁶ Nanchi abyo ibyo. Ine, kabiji pano inge akyo kyaubiwa *mu* kipwilo kyetu byonkabya, byo kabye, kupichila mu bambo balongo betu nangwa banyenga muno mu kipwilo abo baamba na jimi, pano, bakwasho panyuma ya kipwilo, ba bbondi Naketekela mba bakonsha kwibakumanya pamo, ne kwamba mba, “Lekai mbwele jibiji ku tepu, pa maminetiacheche, mwamona.” Monai, mujitu... Nangwa—nangwa, kafunga, waamba mba, “Amiwa—Amiwa kine kafunga ubena kukeba kwamba kwi anweba. Mwakonsha kwitukumanya kuno mu kwifunjisha kakimye kacheche, monai, mulongo.” Inge, mwaya momwa aambai kwi aye mujishinda jawama bingi. Mwamona? Kabiji ne kwamba mba...

³⁷⁷ Pano, bino, inge bafuma mundonda na kukatazha kafunga wenu, monai, inge—inge babena kutazha kafunga wenu, nanchi anweba bakulumpe mwafwainwa kuya kwi aye ne kwamba mba, “Pa kakimye kachechetu.” Kabiji umvwe kafunga wamwesha kwi anweba amba mwibalekeshe, nishi aye wakwatwa mu yewa mupashi, kokuba mba... amba babena konauta mupashi wa mbung’eno, mwamona.

³⁷⁸ Nanchi inge kafunga waleka ne kukunyika mutwe wanji na munema, kwambapo kintu nangwa kimo ne. Mwamona? Kwambapo nangwa kimo ne; lekaitu kafunga. Bino talai ku kafunga wenu. Inge wapana kiyukilo kwi anweba byobya, amba mwafwainwa kwikileka, nishi endei na butemwe bwa

Kinakilishitu, mwamba nmba, "Mulongo wami, nyenga," uji yense mo kyafwainwa kwikela, "Naketekela mba obewa wafuma mundonda, mambo ubena kukatazha ngauzhi, mwamona. Aye uji na mbila kufuma kwi Lesa. Inge wapwisha na mbila yanji, po twafwainwa kumona pakyokyo palutwe kacheche." Monai, inge kibena ku mukatazha.

³⁷⁹ Bino umvwe kyaikala muntu mukwabo, kabiji ne bakafunga na mushingi waimana wapembelelako mineti umo, nanchi aye... kapepo ukatatwilatu ponkapa, mwamona. Nanchi... Kabiji inge mwamona, naite paseti wa bimye biji byobya, kulumbulula, kimye kyonse kikalatu kwambulatu Binembelo nangwa kintu kimo kiji byobya, akyo kape kikalatu ke kya kumubiji ku mbaji yonse ibiji. Mwayuka mo Nekitazha byobya. Mwamona? Kijitu bulongo.

122. Bushe kwikala kuswisha bakila pa umo kwamba mbila mu jimi kwakubula kulumbulula nyi?

³⁸⁰ Ine. Bafwainwa kwiya umo umo. Mwamona? Umo wapan... Umo waamba, kabiji wapana kilumbululo. Mwamona? Kabiji umvwe mukwabo waamba, ke kulumbulula; mambo inge wabula kwikyuba, ulumbulula kechi wakonsha kuyuka byo abena kuuba ne mambo kuji ibiji nangwa mbila isatu ibena kwiya pe aye pa kimyetu kimo, mwamona, kabiji akyo kyafwainwa ku mukatazha. Kabiji Lesa kechi ye wakivundakanya ne, mwamona. Nanchi lekai umo ambe, kabiji mukwabo walumbulula. Mwamona? Kabiji pano... Panai mbila isatu, bino lekai kila mbila ikale yalumbululwa.

³⁸¹ Nanchi popo tukekala... Nobe inge Mulongo Ruddell wakonsha kwamba kabiji Mulongo Neville wakonsha kupana kilumbululo, Mulongo Fred akizhindametu. Monai, tambulai koko kulumbulula. Kitanshi, kyafwainwa kwesekwa patanshi, pakuuba mba bamone kana kya kwa Lesa nangwa ine, mu kitutu kitanshi. Mwamona? Kabiji kijitu bulongo. Pano, inge Mulongo Ruddell waamba, Mulongo Beeler waamba, Mulongo Neville waamba, kamulanda ulumbulula uji na mbila isatu yalondakan; kika—kika, pano ukayuka byepi byakuuba? Mwamona? Mulekaitu bunke bwanji. Mpanai mbila kabiji mwabwela mwazhindama, pembelaikotu. Lekai kintu kimo kisololwe ku mukwabo waikala papo; lekai azhindame, zhindamaitu nzoo. Mwamona? Kabiji lekai kulumbulula kupanyiwe.

³⁸² Pano, umvwe mwi kyuba, kinembai, mumone bisakwamba bayuka mipashi. Mwamona? Inge baamba mba, "Kyawama, ke—ke kya Lesa." Kijitu bulongo, kuji mbila, monai, inembai. Pano pembelelaikotu kamineti kamo. Kabiji kintu kitanshi mwayukatu, kyawama, nanchi Mupashi watatula kwenda pe aye, aye ukamba. Nanchi ututulula wapembelela mineti umo, mumone Mupashi Wazhila byo asakwamba. Apano Waiya

kuyooya mbila, mwamona. Kabiji pano ukanemba kyokya, monai. Kabiji lekai kikale mu busatu.

123. Mulongo Branham, twayuka mba obewa wi muluwe watuminwe kufuma kwi Lesa mu ino nkulo ya kipwilo. Byonka bimontu biyukilo byalondejilenga Yesu twibimona na kukulondela obewa, kabiji twayuka mba...twayuka kine kintu bambo bakuyukisha bulongo kyo balangulukila mba obewa wi Mesiyasa. Bushe mwakonsha kulondolola lupusano lujipo pa bulongo boobe ne Lesa kabiji ne bwa Kilishitu?

³⁸³ Kyawama, Nayuka, balongo, akyo kyakine. Monai, bino twayai tupembelele, Njina kintu kimo kyanembwa papo, pa kakimye kacheche. Monai, bimye byavula kechi bekikwatakanya ne. Mwamona? Bino, pano, mu muntu kimye kimo...Kabiji Nakeba anweba bambo kuzhikula pamo ne amiwa mu Luka, kyapitala kyabu 3 ne veeleshi wabu 15. Mukimye kyo mubena kuba kyokyo, Nakonsha kwamba kwi anweba... Inge mwakinemba, amba ke Luka 3, ke...kyafwainwa... kiji mu...Lekai amiwa...Amiwa kechi nakonsha kushika kibelo ne, mambo kafwako nangwa umo ujiko ne. Lekai-lekai ndete kikye kwi anweba, balongo. Anweba mwikyumvwapo, kituzhokoloka konse konse. Bino lekai ne mubuule, monai, kyafwainwa kwiya mujije jishinda. Kyafwainwa kwiya mujoja jishinda. Inge kechi kyajinga byobyo ne Nakonsha kulaapila ku mbila yami.

³⁸⁴ Telekai, balongo, Nakukambizha anweba ku meso a Kilishitu amba anweba—anweba—mulame lulwe lubaji lwa mutende, bino umvwe mwajinga ba bumupashi mwafwainwa kumvwa. Mwamona? Kechi mwayuka kintu kitanshi kyo Aambil kookwa ku mukola nenyi? Kechi mwavuluka kyo Aambil nenyi? “Byoka Yoano Mubatishi byo atuminwe bumuluwe bwa kwiya kwa Kilishitu kimye kitanshi, Mbila yobe...” Ke Mbila yo iji bumuluwe bwa Kwiya kwa Bubiji kwa Kilishitu. Abyo Malaika wa Nkambo byo aambil.

³⁸⁵ Pano, monai. Pano, “Byonka Yoano Mubatishi...” Pano, anweba bonse mwaumvwa kyokyo. Anweba mwatangapo mu mabuuku, kabiji ne kumvwa ku bantu baimene popa na Kwikyumvwa, kabiji ne bintu byonse bikwabo, kimye awa Malaika Ayemwine kyo aambil aya mbila, “Nobe Yoano Mubatishi byo atuminwe bumuluwe bwa kutambulwila kwiya kutanshi kwa Kilishitu, obewa watumwa na iye Mbila, ikekala bumuluwe bwa Kwiya kwa Kilishitu kwa Bubiji.” Pano, “Mbila.”

³⁸⁶ Pano, inge mwakonsha kumona, kabiji Na...Mucheche Willie wabikile jizhina jami mushi ya kabaangabanga, kabiji ao oene mambo o Nekipanyijile, mwamona, mambo Ami-Ami kechi ndanguluka...Pano, Amiwa nsakwikala wakishika monka mo Nakonsha kwikela, Amiwa kechi nalanguluka mba

Njipo na kyakuuba na yewa muluwe ne, mwamona. Abyo ibyo. Naketekela mba Amiwa kape natumwa kwikala lubaji lumo mu Kipwilo Kyanji, mu kukwasha kushimika yoya Mbila kufika pa kifulo po yafwainwa kwikala inge yuwe muluwe waiya, mambo ukeya.

³⁸⁷ Bino Naketekela mba, amiwa Byonji, Amiwa... Naketekela mba Njina Mbila ya jino juba. Naketekela mba akye kyo Kyeya kya jino juba, kabiji Naketekela mba kibena kutongola ku kimye kibena kwiya, mwamona, Naketekela mba Mbila yo aambilie papo, "Mbila yo muji nayo." Pano, inge mwamona konka Kabaangabanga kasamine kokwa kunyuma, kajinga ka...

³⁸⁸ Lekai ne kilenge... Nayuka mba Amiwa—Amiwa mbena kutaya kimye kyami papo, kabiji Njina ao akwabo, mepuzho awama bingi. Amiwa kechi mbena kukeba... Kya—kya pitaila pa teeni pano, nanchi, kabiji Nayuka mba mubena kukeba kuya ku nzubo. Mwamona? Bino telekai kuno. Lekai ne mumweshepo kintu kimo. Mwakonsha nkuupa kimye kya—kyakilako pacheche nyi? Kijitu bulongo, kijitu bulongo.

³⁸⁹ Pano talai, pano lekai ng'ambepo kintu kimo. Pano, anweba balongo lamai kikye mukachi kenu anweba bene. Mwamona? Pano, lamai kikye mukachi kenu anweba bene. Nafwainwa kwimoolola pa kikye mambo anweba yenu bakafunga bami... anweba mwi bakafunga bami ne bintutu bikwabo, mwamona, kabiji Na—Nafwainwa kuuba kikye. Kabiji anweba mwi balongo babena kwingila pamo ne amiwa mu iye Mbila. Mwamona?

³⁹⁰ Pano, nobe byonka byo nji amiwa mwine, nobe muntu, Amiwa njitu pamo ne anweba kabiji ne kukilapotu pe anweba. Na—Na—Na... Anweba bavula komwafumina muji na lushimuno lwa Bwinakilishitu ne bintu bikwabo. "Amiwa ne wakila pe anweba mu bundengamambo," byonka byo kyaambiwe kimye kimo, "mukachi kenu." Bwakepesha bumi, naketekela, bwafwainwa kwikala na muntu, nobe wabula lwitabilo kabiji waluzhinauko, Byo najinga amiwa.

³⁹¹ Bino kufuma ku bwanyike Amiwa kimye kyonse nayukile mba kuji Lesa, kabiji nayukile mba pajipo kintu kimo kyamweka mu bumi bwami. Kabiji akyo—akyu kyakila pa jipuzho jiji jonse, mulongo wami. Mwamona? Bino lekai ng'ambé kikye, amba kuveya—kuveya Mbila, kabiji kuveya muluwe. Naketekela mba inge kyafwainwa kwikala muntu ki—kikekala ke muntu ukalondela panyuma yami. Mwamona? Kikekala... Bino aye Mbila yo Mbena kusapwila ke Mbila ya kine ya jino juba, kabiji ke Mbila yapelako. Mwamona kyo Mbena kuuba, balongo? Mbena kwi mubika pa kifulo kimo kyonka kyo Njipo, mambo anweba mujimo pamotu byonka byo nji Amiwa. Anweba mwi baluwe ba iye Mbila imo.

³⁹² Talai kuno, Amiwa nsakulondolola mu kimwesho. Na—Nalanguluka mba Nakonsha kwikiwamisha kulondolola

kupichila mu kimwesho. Lekai nshike lubaji lumo lwa kikye kibelo pa kakimye kacheche. *Awe ye Yesu, kabiji awa ye Yesu; kyawama, Nsakubika kikye papo, Ngesemanzi, kabiji kikye papo ne popa.* Pano, anweba kuuba . . . Amiwa kechi naambapo kikye kusa ya kipwilo ne. Pano, vulukai, musango ka wa kyeyu (kabaangabanga) kyatangijile muntu wakebelenga kukeba maana, “*wakwitutangijila ku Kyeyu Kyenu kyalumbuluka?*”

³⁹³ Pano Amiwa nsakwabanya papo pa mineti umotu ne mubuulepo kintu kimo. Twayai tufumyepo kyokya kintu kya . . . kyauba Willie papo, ne kwikyamba mba kijitu bulongo. Twayai twambetu mba kijitu bulongo. Amiwa kuuba naamba kyokyo ne, balongo. Ajo ke jilaya jatabuka. Amba, Amiwa kuuba nauba ne . . . Nangwatu Nekitabijile, Amiwa kechi nakonsha kwikyamba ne. Mwamona? Muntu ungi wikyamba, ao ke abo.

³⁹⁴ Bino, pano, nobe byonka byo Naipwizhenga, bambo bansongwalume, inge bakonsha kupana lushimuno lwa bintu bimo byaubiwe. Amiwa kechi natemwa kutwela mu pulupiti kabiji ne kushimuna kintu kimo kya ubiwe mu mbung’eno ne. Lekai mukulumpe nangwa muntu mukwabo wauba kyokyo, muntu mukwabo wikyuba. Amiwa kechi natemwa kuuba kyokyo ne.

³⁹⁵ [Mulongo umo waamba mba, “Ne abo baishile kwi Yoano ne kwaamba mba, ‘Yobe Kilishitu nyi?’”—Waku.] Ee, byokiji, kika kyo Mbena kweseka kwamba. [“Yobe yewa Ngauzhi?”] Aye wakaine. [“Kechi waambilepo nangwa kimo ne, waambile mba, ‘Amiwa yami umo ubijika mungyetu.’”] “Jiwi ja umo jibijika mungyetu.” Aye wibikile mu kifulo kyanji ayemwine.

³⁹⁶ [Mulongo mukwabo waamba mba, “Bamwipwizhe aye inge wajinga yewa Ngauzhi, waambile mba ‘Kechi amiwa ne.’”—Waku.] Ee. Pano . . . Mambo Ngauzhi wajinga Yewa Mosesa ye aambilepo. Monai, awa ye Ngauzhi, mwamona. Mwamona? Bino aye wayukile byo ajinga, monai. Bino aye wakonsheshe kubulang’ana, pano, mba . . . Aye wibabujile, monai, kabiji aye waambile mba, “Amiwa ne jiwi ja umo . . .” Awa wajinga iye. Aye—aye waambile byo ajinga. Mwamona? Bino wajinga . . .

³⁹⁷ Yanga kulutwe. [Mulongo umo waamba mba, “Kimye Kilishitu kyo aishile, kulondela Yoano, baishile kwi Aye, baambile mba, ‘Twafunjishiwa kuketekela mba Elaija wafwainwa kubangijila kwiya Mesiyasa kasa akyangye.’ Aye waambile mba, ‘Inge mwakonsha kwikitambula.’”—Waku.] Awa wajinga iye. Abyo ibyo. Abyo ibyo. Kabiji Yoano watwajijiletu nakwamba mba, “Amiwa kafwako kyonji ne! Amiwa kafwako kyonji ne! Amiwa kechi nafikilamo kukasulula kwabilo Yanji ne!”

³⁹⁸ Pano ibyepi Yesu byo aambile pe aye? Aye waambile mba, “Mwaile na kumona ng’anyi?” Ee. Ee. “Bushe mwaile na kumona jitete jibena kusukena na mwela nyi? Nangwa mwaile

na kumonako ka, muntu umo wamvwala bimvwalo byawama ne byakipale ne bintu bikwabo?" Waambile mba, "Abo baji mu kipango kya mfumu. Bino mwaile nakumona ngauzhi nyi? Naamba mba ee, kabiji wakila ngauzhi." Aye wajinga wakila pa ngauzhi, aye wajinga muluwe wa lulayang'ano. Abyo byobyo ajinga. Aye wajinga wakila pa ngauzhi. Aye waambile mba, "Kechi kujipo muntu wasemwa ku mwanamukazhi mukatampe nobe aye kufika pa kino kimye ne." Mwamona?

³⁹⁹ Abyo byobyo kyajinga, monai, aye wajinga muluwe wa lulayang'ano. Aye ye umo wamulumbulwile ne kwamba mba, "Awe ye Iye." Bonse bangauzhi bakwabo baambile *pe* Aye, pakuuba Yoano waambile mba "Awe ye Iye." Mwamona?

⁴⁰⁰ Pano talai. Pano monai. Bantu bamaana balondejile kabaangabanga. Amiwa nsakwibwezha lunyuma nobe katajilo, mwamona. Awa muntu wa maana walondejile kabaangabanga, ne kwipuzha, "Uji kwepi Aye wasemwa Mfumu wa Bayudeya?" Anweba mwaumvwapo lwimbo. "Twamona kabaangabanga Kanji ku musela kabiji kyo twaishila na kumumpowela Aye." Anweba mwikyumvwapo kyo, kwikitanga mu Kinembelo. Kijitu bulongo.

⁴⁰¹ "Nakutangijilwa ja musela, nakuyatu kulutwe, tutangijilai ku Kyeya Kyenu kyalumbuluka." Monai, kabaangabanga katangijilenga ku Kyeya kyalumbuluka, mambo kabaangabanga kamwesheshengatu Kyeya. Apo ipo potwafumishe bibye juba jikwabo. Mwamona? Baanga bajinga muno Pamulungu na kumona kyokyo? Mwamona, napwishatu kusapwila pa kyokyo. Lukumo lwa Bulesa lwa mwekanyikile mu kabaangabanga, ne kabaangabanga ke Kimwesheshe. Awe wajinga Malaika wa Nkambo waimene kuno ku pulatifomu na Kwikimwesha kunyuma kokwa, kufuma mu Lukumo lwa Bulesa. Kine kyo kintutu kimo. Abyo byo kyajinga kine. Pa kutala pa kyokya kyakine, pakutala kokwa kabiji Kyamwesha konka ku lubaji luji byobya. Mwamona?

⁴⁰² Pano monai kikye, pano, aka kabaangabanga kaselejile ku musela. Abyo ibyo nyi? Kajinga kabaangabanga kakatampe. Kijitu bulongo. Kabiji ing'anyi wajiga kabaangabanga ka panopantanda mu kimye kya kwiya kwa Yesu? Kika, Yoano. Aye wajinga yewa wibatangijile ku Kyeya kyalumbuluka. Abyo ibyo nyi? Akwa kwajinga ku musela pa kumweka kutanshi kwa Yesu. Kabiji, pano, kwajinga tubaangabanga tucheche twakilang'enyenjiulu poso kyafika ku kabaangabanga ka mabanga abufuku.

⁴⁰³ Kabiji kabaangabanga ka mabanga abufuku kasama mu kimye kya mabanga abufuku. Ntanda wa kumakya usama mu kimye kya lukeelo. Kabiji tonse tubaangabanga tujitu pamo bukata kabiji musango umotu wa kabaangabanga. Pano bikai tuu ne tuu pamo kabiji nishi mwikitana, mwamona. Monai,

byobyo kiji. Nanchi kechi ibyo ne . . . Kabaangabanga kechi ye Mesiyasa ne, aye ubena kumweshatu Mesiyasa.

⁴⁰⁴ Pano, kabaangabanga kechi kamwesha kyeya kyako ne. Kabaangabanga kamwesha kyeya kya juba. Abyo ibyo nyi? [Mulongo umo waamba mba, “Ine.”—Waku.] Uu? [“Mu musango mukwabo. Ng’ondo uba; tubaangabanga tumwesha kyeya kyato.”] Ee. Ee, ng’ondo, ee, mo- . . . Natazha mu kuuba mba ng’ondo umwesha kikye kyeya. Ee, Uu-uu. Pano, inge-inge kabaangabanga kabena kumwesha kyeya kyako, nanchi kyeya kyako kyafwainwa kufuma ku . . . kufuma kwi Lesa, mambo ke kilola kya musango umo. Kechi ibyo nenyi? [Aye mulongo waamba mba, “Juba.”] Uu? Juba jajo jine, jafuma ku juba. [“Majuba ekala kwalepa kukila juba jetu.”] Ee. Kabiji abo . . . Twabulwa mba aa majuba afuma ku juba jikatampe. Juba jataya iye miketo kabiji ke miketo icheche ibena kutema nobe juba. Nanchi ke majuba aacheche kwi atweba. Abyo ibyo nyi? Byeya bicheche. [“Bimo bya . . . byavula byakila juba jetu.”] Natazha kwi *atweba*, kwi atweba, monai. Tubena kwamba pa atweba bene papo. Kijitu bulongo.

⁴⁰⁵ Pano, inge byaikala ke majuba kwi atweba, nangwa bipana-kyeya, nishi biji ku lubaji lwa akyo kine kipana. Mwamona? Juba jikatampe jitupa kyeya kikatampe, kyeya kyalumbuluka. Majuba aacheche, nangwa tubaangabanga twatucheche, to twakonsha kumona mu mibiji, twafwainwa kwikalala palepa kukila ne—ne juba jisaama, pakuuba byo tomwesha kwi atweba ke kyeya kicheche. Bino tubena kupanatu bukamonyi bwa kyeya. Abyo ibyo nyi? Nanchi umvwe juba jikatampe jasaama, majuba aacheche afumapo. Abyo ibyo nyi? Ato kechi ke—juba kwi atweba ne, tubena kumwesha kyeya nobe juba. Mwamona mo Nekitazha nyi?

⁴⁰⁶ Pano, kabaisha pakachi kato (mu lukeelo) aka katangilapo mu kimye kya kusela kwa juba, mu kuzhika kwa juba ne kusela kwa juba, ke ntanda wa kumakya ne kataala baja. Abyo ibyo nyi? Tubaangabanga tubiji twabaisha, kabaangabanga ka kusela ne kabaangabanga ka ku muzhika.

⁴⁰⁷ Pano, mwamona po kiji nyi? Elijah wajinga muluwe wa ku kwiya, wakutangijila kwiya kwa kabaangabanga ka kumusela, kabiji waambijile jimo kwikalako kwa—kwa kabaangabanga ka kumuzhika, nangwa mba kwiya jibiji kwa juba jipyapanyuma ya kupita kwa jije juba. Pano mwamona byo kiji nyi?

⁴⁰⁸ Ku musela, “Kukekala kyeya mu . . .” Monai, Juba kasa jikyangye kwiya pantanda ne, ntaanda wakumakya wapaine bukamonyi mba “Juba jibena kwiya.” Abyo ibyo nyi? Monai, akyo kileta ntaanda wakumakya. Kyawama, nanchi pano ke ntanda wa kumakya ne kataala baja ke musangotu umo wa tubaangabanga, kabiji kuji tubaangabanga twa tuchche

twakilang'anya ponse. Kechi mwamona mo Nekitazha nenyi? Baluwe.

⁴⁰⁹ Kyawama, nanchi, Aye wajinga wa kumweka nobe Alefwa ne Omega, Ntendekelo ne Mpelo, Yasipa ne Saladyasa. Mwamona Moombena kutazha nyi? Pano, kwiya kwa—kwa Kilishitu kwafwenya ke pepi, pano ke Mbila ayo Elaija yo afwaijilwe kusapwila mu moba a kupelo, inge kuji kubweluluka mu jishimikila... Byonka biji ntanda wa kumakya byo atangijilenga kwiya kokwa, katala baja katangijila kwiya kwa juba jipya, juba jikwabo. Akwe ke kwiya kwa juba ajo jitangijila kwiya kwa—kwa kuzhika kwa—kwa juba jotwajinga najo kabiji ne kwiya kwa juba jipya, monai, ke nkulo ipya, ke kimye kipyga kya kwiya.

⁴¹⁰ Pano, telekako: Nanchi, inge Yoano waletele mbila yanji ne kutangijila kwiya kutanshi kwa Kilishitu, kabiji Elaija waiya mu juba japelako, ngauzhi waambile mba, "Kukekala Kyeya mu kimye kya mabaanga abufuku." Mu byambo bikwabo, kukekala Kyeya mu kimye kya mabaanga abufuku.

⁴¹¹ Kyeya kya mabaanga abufuku, kyeya kikatampe kya mabaanga abufuku kytuji nakyo ke katala baja, kyeya kyabaisha kyo tuji nakyo. Kyawama, nanchi, kyafwainwa kutangijila kwiya kwa mbila imo ayo yajinga nobe byajinga kabaangabanga kakwabo. Kabena kutangijila juba, ne kwamba pa juba.

⁴¹² Kyawama, pano tuji mu kimye kya mabaanga abufuku, Kyeya kya mabaanga abufuku kiji pano. Ino nkulo yafumapo. Mwamona mo Nekitazha nyi? Jino juba japita, kabiji kukekala kutangijila Juba jikwabo jibena kwiya.

⁴¹³ Mambo, monai, aby o kine... Inge muntu umo wajinga ku muzhika kabiji watala jibiji ku koka kabaangabanga, kikekala ku musela. Kabiji pano, mwamona, "twamona kabaangabanga Kanji ku musela," bino kine bajinga... bajinga ba—bajinga ku musela na kutala ku muzhika ku koka kabaangabanga. Abyo ibyo nyi? Awa mwanamulume wa maana wajinga ku muzhika... ku musela na kutala ku kabaangabanga ka ku muzhika. Mwamona Moombena kutazha nyi? Bino kajinga kabaangabanga ka ku musela ku booba bajinga ku muzhika.

⁴¹⁴ Monai, nobe byo twakonsha kwamba... Amiwa kimye kyonse ng'amba mba, "Panshi ipo peulu." Wayuka byepi mambo aby o kiji? Twaimana mu Muyayaya, nanchi Jishiki ja ku Kabeta kabulenge jiji peulu ne Jishiki ja Kabeta kabuyeke jiji panshi. Atweba kechi twayuka ne. Monai, jishinda ja kuya peulu ke kubwela panshi. Mwamona? Atweba twi... Tukasha kikye; panyuma ya kikye ke kuya mu Peenape. Ke kupermelela, kutangijila kwiya kwa Peenape, ke juba jikwabo, ke kimye kikwabo, kabiji byonse pamo.

⁴¹⁵ Pano tuji mukimye kya mabaanga abufuku. Twaketekela kyokyo. Twaketekela mba kwiya kwa Nkambo kujitu pepi.

Kijitu bulongo. Pano, inge kyaikala byobyo, nishi kwafwainwa kwikal Kyeya kya mabaanga abufuku. Kabiji Kyeya kya mabaanga abufuku, mwayila Malakai 4, kyafwajilwe “kubwezha michima ya baana ku bashabo,” kubwela ku ntendekelo.

⁴¹⁶ Pakuuba byo aishile kimye kitanshi, waalwilwe michima ya bashabo ku baana. Baana ke booba bo abungizhe kwi aye mwine. Aye wafwajilwe kuleta baana... michima ya bashabo (bakala, bashakulu ba mu orthodox) kubwela ku kikye kyeya kyo atangijilenga papo.

⁴¹⁷ Pakuuba byo akeya jibiji, aye ukalulwila jibiji lunyuma (bushe mwamona, ntanda kasa ikyangye konaunwa, “aja juba jikatampe ne jilengesha moyo ja Yehoba”) kabiji “ne kwalulwila michima ya baana ku bashabo,” ke mabaanga abufuku—katala baja awo wajinga ntanda wa kumakya pa kyokya kimye. Amena.

⁴¹⁸ Naketekela—Naketekela mba Nekilondolola bulongo, mwamona. Katala baja awo wajinga ntanda wa kumakya, mambo ke kabaangabanga kamotu. Atweba tuji ku muzhika, na kutala ku musela. Bajinga ku musela, na kutala ku muzhika. Ke kabaangabanga kamotu. Mwamona mo Nekitazha nyi? Kiyilatu pa kifulo kyo ujipo, monai, kana ke kabaangabanga ka musela nangwa kabaangabanga ka kumuzhika. Mwamona mo Nekitazha nyi? Kijitu bulongo.

⁴¹⁹ Pano, uleta...umo uleta lwitabilo lwa bashabo ku baana; mu kino kimye ke “lwitabilo lwa baana kubwela ku bashabo.” Obewa waile nakuzhokoloka, kabiji wazhokoloka kubwela jibiji. Bushe kechi mwamona mo nekitazha nyi? Mwamona mo Nekitazha nyi? Ke kabaangabanga kamotu kimye kyonse. Kintutu kimo, Mbila imotu, kintutu kimo kubwela jibiji. Kyapitailapo.

⁴²⁰ Kabiji pano muyuka byepi jishinda ka jo ubena kuyamo? Naketekela mba kimye kibena kwiya kyo bakatana mba ntanda kechi izhokoloka ne. Naketekela kyokyo na muchima wami yense. Amiwa kechi naketekela... nangwa be kishinikishe byepi na sayaasi nangwa kintu kikwabo kyakilapo. Bashinikisha bingi na bya masayaasi abyo byo babwela lunyuma. Lesa waambile mba ntanda yaimikilwe... juba. Natazha mu kuuba mba juba jaimene kechi ntanda ne. Mwamona, juba. Amiwa kine kechi naketekela juba... Ami—Ami—Ami kechi naketekela mba juba byo juuba kulig’anya na byo baamba ne. Amiwa nayuka ng’ondo wenda, kabiji Naketekela mba—ne juba jenda ne ajo. Mwamona?

⁴²¹ Bino bambo baamba mba, “Aye watajile pa bulubi bwa kwa Yoshiwa, monai, kabiji” waambile mba “Aye waimikile... waambile mba...” Kyawama, waambile mba, “Aye waimikile pantanda.”

⁴²² Naambile mba, “Pano mwambujile mba, ‘Inge—inge ntanda yaimana, yakonsha kusukenatu nobe kintu kibena kupita mu lwelele.’ Mwamona?” Naambile mba, “Nanchi, kika kyamwekele?”

⁴²³ Naambilenga ku ba Mr. Thiess kokwa, mufunjishi wa Baibolo ku sukuulu wa mukatampe; anweba mwayuka byo ajinga, bino wabulang’ene kyokyo. Naambile mba, “Naketekela mba byaamba Baibolo, amba ntanda yaimene . . .” Naambile mba, “Natazha mukuuba mba, ‘juba jaimene.’ Yoshiwa waambile ku juba mba, ‘Imana zoo!’ kabiji jaimene ponkapa.”

⁴²⁴ Aye waambile mba, “Kyawama, Aye waimikiletu ntanda, Aye wamwene bulubi bwa kwa Yoshiwa.”

Naambile mba, “Obewa ubatu bintu bimo konka ku maana obe, nanchi.” Mwamona?

⁴²⁵ [Mulongo waamba mba, “Naketekela bakonsha kushinikisha na sayaasi bimye—juba po jaimene.”—Waku.] Ee, abo baj... Naumvwa kyokyo, ne amiwa. Ee, bamba mba... Naumvwine utala mu bya mulwelele kuno kwamba pa kyokyo, amba bakonsha kwikishinikisha. Kabiji pa kimye kimo kyo... kintu kimo kyaubiwe mulwelele kyo bamwene apo kintu kimo kyamwekele Mwiulu kabiji kyashikwile Kalunga Kachila pa kyokya kimye kabiji ne kintu. Abo bashinikishe byonse byo. Kyawama, nsongwalume, Mbena kukubuula, tubaangabanga kufuma kwine kwalepa kwaubiwe kintu kimo kya musango yewa. Nangwa byonkabyo, akyo kyazhika bingi kwi atweba.

⁴²⁶ Nanchi, pano, ene mambo aye Mbila... aye Mbila po ikamweka mu yuwe musango, kushinikisha mba byo kiji. Bino, twayuka, balongo, amba awa muntu kechi wakonsha kwikala Lesa ne. Muntu, nangwa byonkabyo aye ye lesa, umo mwi anweba wi lesa. Obewa walengelwe kwikala lesa, bino kechi kimye kyo uji mu buno bumi ne. Mwamona? Yesu wajingatu muntu nobe byonka byo tuji, bino Lesa wajinga mwi Aye. Kuyula konse kwa Lesa kwajinga mwi Aye; atweba tuji na Mupashi na kipimo.

⁴²⁷ Bino byokiji mba akye Kyeya kyaiya, kabiji inge Akye Kyeya kyakine kya kutangijila Mbila ayo Yoano Mubatishi yo atangijile, byonka byo Aambile kokwa ku mukola... Kabiji talai, kyakonsha kwikala byepi—kyakonsha kwikala byepi kintu kingi? Talai kwi amiwa, monai, kechi nafundapo ne sukuulu wa mulaka ne. Byo Ambujile bintu bikamweka, kafwako nangwa kimo kyakakalwa ne. Kafwako nangwa kimo kyakakalwa ne. Talai byo Auba. Talai, Aye uji...

⁴²⁸ Kabiji Nabulang’ene ku balongo, kunyuma kwine, Amiwa kechi nayuka ne kana ing’anyi umo wabajisha mukachi ketu, bino wibabujile pa bibye bintu, pa kumona kikye Kyeya kabiji ne musombelo Wakyo byo ajinga, ne bintu byonse. Pano kipikichala kimwesha mba kya kine. Abye bintu byonse byapusanapusana

binshinikisha kwikala bukine. Abyo ibyo nyi? Kyawama, nanchi, inge akya kyakine . . . Kabiji ke Kyeya.

⁴²⁹ Pano, kutatwila pepi nobe foolo . . . [Kafwapo bijipo pa tepu ne—Waku.] . . . peulu ya veeleshi wabu 35 popo, nangwa Natazha mukuuba mba . . . Twayai tutatule pa veeleshi wabu 14, mulongo. Ing’anyi wi kinshikula? Kijitu bulongo. Kutatwila pa veeleshi wabu 14 wa kyapitala kyabu 3 kya Luka Wazhila popa. [Mulongo watanga mu Luka 3:14-16.]

[*Kabiji bashilikale nabo bamwipwizhe, amba, Nga atweba tube byepi? Kabiji ne aye wibambijile amba, Kuuba kiwovo ku muntu nangwa umo, nangwa kumubepela ne; bino sekelai na mfweto yenu yonka.*]

[*Kabiji bantu bonse baketekejile, ne kwiipuzha mu michima yabo amba kape Yoano, wajinga Kilishitu, nangwa ine;*]

[*Yoano wakumbwile, ne kwibambilisa bonse amba, Amiwa kine nemubatizha mu meema; pakuuba Wankila bulume ubena kwiya, ne mikanda ya makwabilo anji Amiwa kechi na fikilamo kwiikasulula ne: aye ukemubatizha na Mupashi Wazhila ne na mujilo:*]

⁴³⁰ Kijitu bulongo. Kyajinga kika? Bantu bajinga na luketekelo lwa kuuba mba Mesiyasa ukamweka, byo bamwene awe mwingilo mukatampe washingwa manyi, wa muntu ubena kufuma mungyetu ne kuuba kipekenyi kyanji kabiji wabwela mungyetu, bantu bavula, abo bajinga balondejilenga, baambile mba, “Aye ye Mesiyasa.” Abo bekiketekejile, mwamona.

⁴³¹ Nanchi inge aaye yo Mbila ya kine ya kwa Lesa ibena kutangijila Kwiya, ya Yoano Mubatishi, kijitu pamo . . . kijitu kintu kimo, Mbila yakwa Elaija, yikalangulukwa mu musango umotu. Mwamona? Nanchi akyo kyakumbula ajo jipuzho, Nalanguluka mba, byokiji. Mwamona? Kyafwainwa kulangulukwa mu musango umotu. Mwamona?

⁴³² [Mulongo Waipuzha, “Bushe kujipo kintu kimo kyo twafwainwa kuuba pakuuba mba tweseka kukwasha uji yense wafwainwa—wafwainwa kusenda lukatazho luji byobya? Nangwa twafwainwa kuuba byepi?”—Waku.] Kechi kuji bya kuuba ne, kechi kujipo kyo wafwainwa kuuba ne. [“Maana abulubi . . . Bushe mu kyokyo mwafwainwa kufuma bulubi nyi?”] Kyawama, kyafwainwa kwiya ku maana abulubi umvwe kyafika ku kikye: inge awa muntu, ko kyaambiwe, wakonsheshe kushimuna mba wajinga Mesiyasa, nanchi twayuka mba wafwainwa kwikala kilishitu wabubela. Mwamona?

⁴³³ Monai, kikulutu muntu ayemwine wakonsha kulama kifulo kyanji, mwamona. Nobe byo babujile Yoano, Yoano kechi . . . Kechi waambilepo kintu nangwa kimo pe aye kiji kyonse pe abo ne. Abo bajinga—abo bajinga—bantu, abo—abo Benakilishitu batemwikwa . . . nangwa baitabila baketekejile mwi Yoano.

⁴³⁴ Baambile mba, “Awe muntu kine ke ngauzhi wakwa Lesa, kechi pajipo luzhinauko ne.” Baambile mba, “Obe—obe—obe—obe—obe kechi yobe yewa Ngauzhi nenyi?”

Aye waambile mba, “Ine.”

⁴³⁵ Aye waambile mba, “Kika, obewa—obewa—obewa kechi yobe Mesiyasa nenyi?” Monai, abo—abo balangulukilenga mba kine byo ajinga. Mwamona?

Aye waambile mba, “Ine.” Mwamona?

“Obe—obe—obe kechi yobe iye nyi? Yobe—yobe ng’anyi?”

Aye waambile mba, “Amiwa ne jiwi ja umo ubijika mungyetu.”

⁴³⁶ Kabiji pano Baibolo waamba mba, “Bantu byo bajinga baketekela.” Wajinga ng’anyi? Bamumvwinenga, ba mutelekelenga, ba mulondejilenga, balongo banji. Mwamona? Pano, abo kechi bakebelenga kumukozha ne, abo kechi bakebelenga ku mukozha ne. Bino, monai, abo—abo balangulukilenga mu michima yabo amba kine aye ye Mesiyasa.

⁴³⁷ Kyawama, pano, mpito ibwezhapo ayo ine kintu kyonse. Twayuka kyokyo. Kyafwainwa kwibwezhapo akyo kine.

⁴³⁸ Nobe inge mwamona mu Mateyo 3, kyaambiwa mba, “Amба kifikizhiwe, kyaambilе ngauzhi, ‘Kufuma mu Ijipita Amiwa mo naichila mwaana wami.’” Pano, akyo kechi kyajinga... Kyajinga kyaambilenga pe Yesu, aye Mwaana; bino nyemenai kunyuma; kyajinga Yakoba, mwaana, ne aye. Mwamona? Mwamona? Byonse biji na bilumbululo bibiji.

⁴³⁹ Pano nanchi inga akya...inge—inge akya kintu kechi kyaimene ne, Nakonsha kwamba mba kikobiwa kulutwe, mambo Nayuka mba aye Mbila ifuma kwi Lesa kabiji ke yakutangijila kwiya kwa Kilishitu, kabiji ke Mupashi ne bulume bwakwa Elaija mambo ke kubwezha michima ya baana. Bintu byonse kine bishinikisha, nanchi byafwainwa kufikizhiwa ku kintu kiji byonka bya ku bantu bakine, aba—aba kine baketekela kabiji balongo bobе ne balunda.

⁴⁴⁰ Pano, Naikala... Amiwa njina dokotala monka muno mu tauni. Nakonsha kwimubuula pa dokotala umo... Amiwa kechi nsakutongola jaji ne, mulunda naami wabikile maboko anji pa amiwa, kabiji waambile mba, “Billy, kyakonsha kwikala kyapeela amiwa kwamba kwi obewa, ‘obewa wi Mesiyasa wa Lesa wa juba japelako.’” Mwamona?

Naambile mba, “Doko, kechi wakonsha kuuba kyokyo ne.”

⁴⁴¹ Aye waambile mba, “Kyawama, Amiwa kechi namonapo nangwa umo muntanda awo wajinga na kintu kimo ne kwamba bintu kabiji ne kuuba bintu byo uba, Billy.” Kyamukwashishe pabaya bingi, monai. Aye waambile mba, “Amiwa ngya ku bibye bipwilo ne kumona babo basapwishi ne bintu bikwabo,”

aye waambile mba, “obewa wapusanako nabo kabiji Nayuka mba kechi wfunda ne.” Mwamona? “Kabiji Nayuka mba obewa kechi wi wasaikoloji ne, mambo obewa...saikoloji kechi wakonsha kuuba byobyo binto ne.” Mwamona?

Kabiji Naambile mba, “Akyo kyakine, Doko.”

⁴⁴² Kechi kikebewa ne kwisamba nanji ne mambo kechi wayuka ne, kechi mwakonsha kufika ne pa kintendekesho nanji ne, monai, mambo aye kechi wayuka byakuuba ne. Bino byokiji, mwamona.

⁴⁴³ Amiwa nayuka mwanamukazhi wachiluluka wikala kufuma pa mukwakwa wami, kabiji aye wingila ku mwanamulume mukwabo ye Nayuka, ne mukazhi wa yuwe mwanamulume wangichile, waambile mba, “Awa mwanamukazhi kine upopwela obewa nobe wi lesa, mambo wafwilenga na kaasa kabiji wabikile maboko pa yewa mwanamukazhi kabiji waambile mba waikele...” Awe mwanamukazhi ye aingilangako, mulume wanji ne yuwe dokotala (kechi dokotala ye Najikwambangapo ne, dokotala mukwabo) bakaya golufu ne bantu byonse pamo, kabiji bamukakelwe. Kabiji awa wajinga wamwingilo ku nzubo ya mutemwe wanji, kabiji bamulekele amba afwe, kabiji wabukilwe kyakine. Kabiji dokotala kechi wakonsheshe kuyuka ne pajinga, awa kaasa ne. Kabiji, monai, wakonsha kwamba mba...

⁴⁴⁴ Pano, kechi bekitazha mwaila kilumbululo kyo Nalanguluka mba mo be kyambila ne, nangwa mo twikisendela ne. Mwamona? Abo bayuka mba abo—abo... Abo balumbulula mba baketekela mba Lesa uji ne atweba, mwi atweba, na kwingila mwi atweba; kechi kyakuuba mba muntu umo ye Lesa ne, mwamona. Bino, bayukile mba Yoano wajingatu muntu.

⁴⁴⁵ Kabiji nanchi ne Yesu naye wajinga muntutu. Yesu wajingatu muntu, Aye wasemekelwetu ku mwanamukazhi, wafwaijilwe kufwa. Abyo ibyo nyi? Aye wajinga muntu, wajilenga ne kutoma, ne kumvwa nzala, wajijile, ne kumvwa kilaka, ne byonsetu, nobe muntu byonka byo muji, nobe muntu yonka byo Nji. Pakuuba Mupashi wakwa Lesa wajinga mwi Aye mu kuyula konse, kwakubula kipimo ne. Aye wajinga wabulume bonse mu bulume.

⁴⁴⁶ Kwepi, Elaija wajingatu kibese kya yewa Mupashi; kapepo washingwa kukila bakwabo pacheche, bino aye wajingatu kibese kya Mupashi. Bino bantu bapembejilenga Mesiyasa. Kabiji bamwene kikye kibese kyakilako pa balongo baabo, baambile mba, “Oo, ami, awe wafwainwa kwikala Ayel!”

⁴⁴⁷ Pakuuba byo Aye byo atatwile kusama, kyeya kicheche kyakwa Yoano kyazhimine. Mwamona?

⁴⁴⁸ Kabiji atwe tu malaiti tucheche tukazhima inge Aye waiya, awa mushingwa Kilishitu mukatampe wa Mwiulu kufumina ku musela ne kuya ku muzhika. Kabiji aye...

ne... Mwamona? Bino Aye kechi ukekala panopantanda ne, aye Mesiyasa kechi ukekala pantanda ne poso Myaka kiumbi kimo kyafikizhiwa. Mwamona? Mwamona? Mambo Kipwilo, "tukashikulwa pamo mukusambakana Nkambo mulwelele." Aye kechi ukeya panopantanda ne. Aye ukashikula Musongwa Wanji.

⁴⁴⁹ Aye ukatola ndandalashi, mwayukatu, nobe... Kyajinga ng'anyi kisela, Leo, amo muntu mo abikile ndandalashi ku lubaji lwa nzubo? Romeo ne Juliet. Abyo ibyo, wabikile ndandalashi ne kumwibila musongwa wanji.

⁴⁵⁰ Pano Aye ubena kwiya pansi na ndandalashi ya kwa Yakoba, ne kwamba mba, "Psst, Mutemwe wami, iya kuno." Monai, tubena kuya na kumukumanya Aye.

⁴⁵¹ [Mulongo waipuzha mba, "Mulongo Branham, bushe akye kyaikala kyaitabilwa pa kyokyo nyi? Abo bantu baishile kwi Yoano Mubatishi kabiji bakebelenga kumutela mba Mesiyasa. Kabiji Nakumvwine kimye kimo kwamba mba ba Yudeya balanguluka mba Mesiyasa ye Lesa."—Waku.] Kwaamba mba ka? ["Naamba mba, abo bantu baishile kwi Yoano Mubatishi, kasa balanguluka mba wajinga Mesiyasa, aye Kilishitu. Nakumvwine kimye kimo amba Mesiyasa ukekala Lesa, wa ba Yudeya."] Ee, mwane. Abyo ibyo, aye "labbi."

⁴⁵² [Mulongo umo waamba mba, "Kyawama, Yoano wibalengulwile, ne kwaamba mba 'ine,' amba Kilishitu ubena kwiya."—Waku.] Abyo ibyo. ["Bino kechi kyakine ne banababwanga byo bamutelelenga mba Yesu 'Nkambo'? Kabiji Yesu waswang'ene ku kyokyo, amba, 'Anweba Mutela mba 'Nkambo,' kabiji nanchi Amiwa byonji."] Ee. ["Mu—mu Yoano 13, amo Aye mo ebomvwele...?..."] Ee, Ayeb wikiswile. ["Kwikala Nkambo, ee, Aye wikiswile."] Aye wikiswile. ["Aye wikitabizhe."] Uu-uu. Bino, monai, Yesu byo ajinga *Nkambo*, kimye kyo Bamwipwizhe mba kana Wajinga iye, Aye waambile mba, "Ee, mwane. Amiwa ne Nkambo kabiji Mufunjishi wenu. Anweba mutela Amiwa mba, kabiji anweba mwaamba bulongo, mambo Amiwa byonji." Bino...["Bino kechi kujipo mukwabo muntu wafwainwa byobyo ne, kuuba mba..."] wakonsheshe kwamba kyokyo. Ine.

⁴⁵³ Nobe inge kiji... Inge muntu umo waamba mba Amiwa ne lesa, kyawama, lekai ne mubuule mu Jizhina ja Nkambo Yesu amba "Akyo ke kilubo!" Mwamona? Amiwa ne ndengamambo wapulukila ku lusa, na Mbila *yafuma* kwi Lesa. Mwamona? Mwamona?

124. Bushe nangwa bushe kipwilo kechi kyakonsha kulama bamembala bakyo, ba—ba membala (bakyo) kulama bakyo kasa mukyangye kupana bukwasho ku bantu bangi baj mu mampazha akwabo? Nangwa byonkabyo, panyuma ya... bakyo... Panyuma ya kukumanyisha kukabila kwakyo,

ke Kyanembwa kipwilo kukwasha mu mwingilo wa bu mishonyi monka mo kyakonshekela nyi?

⁴⁵⁴ Ee. Ibyo. Butemwe bwatatwila pa nzubo, mwamona. Atweba—atweba—atweba tupana bukwasho ku byakubila byetu kuno, mambo twafwainwa kwikala... akye ke kipwilo kya Lesa, nangwa kiji kyonse, kipwilo kyenu kicheche, kipwilo kya Lesa. Pano, inge mwakonsha kubula kulipila kafunga wenu, kechi mwakonsha kupota mabuuku ne bintu bikwabo ne, kechi mwafwainwa kwibutuma kuntu kukwabo ne. Mwamona? Bino panyuma ya kulipila kipwilo kyenu, ne bintu byonse, makongole enu onse ne bintu byonse, byapewa ne kunengezhiwa kabiji ne kuya kulutwe, apa bino ke kukwansha mulongo mukwabo ukeba bukwansho, mwamona. Tolai kacheche...

⁴⁵⁵ Naketekela, mu kimye... inge mubena kulipila bya kipwilo Nakonsha kutemwa kwikala na kipao kya mali a mwingilo wa bumishonali inge bantu batundaikwa kupana ku mishonyi. Mambo bantu bavula bapana ku mishonyi bino kasa babula kupana ku bipwilo byabo ne bintu bikwabo. Nanchi inge babula kupana ku mishonyi, ba ke awala ku bintu bingi. Nanchi Nakonsha kutemwa kwikala na kakibokoshi ka mishonyi, kabiji Nakonsha... Ajo jo jishinda jo tubilamo.

125. Luka 1:17, nasashijila kwiya kwa Yoano “mu mupashi wakwa Elaija.”

⁴⁵⁶ Kyawama, Nalanguluka mba tuji na Luka—Luka 1:17, uu-uu, kwiya mu “mupashi wakwa Elaija.”

⁴⁵⁷ [Mulongo waipuzha mba, “Bushe papo ipo pafuma lufunjisho lwa bumusangu nyi?”—Waku.] Ndekelaiko mambo? [“Bushe papo ipo pafuma bantu kuketekela lufunjisho lwa bumusangu?”] Kyafwainwa kwikala ibyo. [“Monai, baketekela mba wabwela jibiji...”] Ee. [“...aye wabwela mu mubiji mukwabo】 Ee, monai, kyakine kuuba mba mupashi kechi ufwu ne. Akyo kyakine. Lesa usenda muntu Wanji bino kechi Mupashi Wanji ne. [“Baamba mba, ‘Inge obewa wajinga muntu wawama ukabwela jibiji mu—mu bumulunda wawama.’”] Ee. Ee. [“Inge waubanga byatama wakonsha kubwela waikala kabwa.”] Ee, baji... Ee.

⁴⁵⁸ Kyawama, pano, nobe momwa mu—mu—momwa mu India, jajinga jibumba ja bantu po twasambakene bibye, kabiji bakonsheshe—bakonsheshe kukolopa ne pansi; kunyata pa tuzhengekene tucheche nangwa kintu kimo, wafwainwa kwikala mulongo nangwa uji yense. Mwamona, kechi bakonsha kwikyuba ne. Bino, mwamona, akyo—akyō ke butushi. Mwamona? Akyo ke butushi. Akyo kyakine.

**126. Paulo waambile kubena... Paulo waambile kubena
“Kebeshai bya bupe byawama, nangwa byonkabyo Amiwa
ne mumwesha kintu kyakila mu kuwama.” Mwane**

londololai kyalumbulula “kintu kyakila mukuwama” byo kiji.

⁴⁵⁹ Butemwe, Mutanshi Kolinda 13, monai. “Kebeshai...” Monai Mutanshi...Pano monai Kolinda Mutanshi 13 koko, mulongo. Kolinda Mutanshi, kyapitala kyabu 13, kabiji pano tutange maveleshi asatu nangwa foolo apelako. Kolinda Mutanshi 13, wapelako...pepi nobe maveleshi asatu apelako a kyapitala—a kyapi-...[Mulongo umo watanga Kolinda Mutanshi 13:11-13—Waku.]

[*Byo Najinga mwanyike, Naambilenga nobe mwanyike, Nakwatakenye nobe mwanyike, Nalangulukilenga nobe mwanyike: pakuuba pano byo Nakoma ke mukulumpe, Nebileka bya bwanyike.*]

[*Mambo pano tumona nobe mu katajilo, kizhimwezhimwe; pakuuba mu akya kimye tukatalang’ana kilungi ne kilungi: pano Nayuka pacheche; pakuuba mu akya kimye Nkayukisha bulongo byonka byo Na...byonka byo Nayukanyikwa.*]

[*Pakuuba pano bino bisatu, lwitabilo, luketekelo, butemwe, byaikala; kabiji kikatampe kya mu bino bisatu bo butemwe.*]

Uu-uu, butemwe, mwamona?

127. Mulongo wafwainwa kuzhatwa byepi ao kuneke na kwanji kwamweka mu kipwilo kwakubula kumwipuzha amba obe kyokyo ne?

Oo, ami! Kyawama, mulekaitu, Naketekela. Mwamona?

Mulongo wafwainwa kuzhatwa byepi... (Aye kechi wafwainwa kuzhatwa ne!) ...ao—ao kuneke na kwanji kwamweka mu kipwilo kwakubula kumwipuzha amba obe kyokyo ne?

⁴⁶⁰ Nobe kyakumwenako, inge wakeba—kwikala kwasho. Mwamona? Kabiji kechi waipuzhiwapo amba obe kyokyo ne, nangwa byonkabyo ubena kukeba kwikala kwasho nangwa byonkabyo, mwamona. Kyawama, inge muntu uji byobya, mwayukatu mba mujipo kintu kimo kicheche, mwayukatu, kuneke na atu pamo, nangwa byonkabyo, kabiji nanchi Nafwainwatu kwingila nanji mu butemwe.

⁴⁶¹ Kabiji, mambo, kechi mukeba ku—kuuba kintu kiji byobyo ne kanatu wayuka. Bikaimo bantu bawamisha mu bbodi wenu, mwamona, baji byobya. Mulongo, kechi mubikemo muntu umo moomwa uji...Esekai yewa muntu, patanshi. Dikoni uji na mwingilo wabaya kukila wakwa kafunga. Aye wafwainwa kwikala wabula kaneneno, byo biji dikoni. Mwamona?

128. Pa kijilo, muntu waishile ku kitapisho na kulomba.
Mulongo Branham waimene kunyuma ya—ya bingijisho bya kijilo kimye kya kwi bingijisha, aye waambile mba

“kechi wakonsha kwibisha waya na kulomba na muntu pa kitapisho ne.” Mwane londololai.

⁴⁶² Natumineko ye nyingila naji, mwamona, Mulongo Neville. Navuluka bobwa bufuku po kyamwekele. Amiwa nafwainwa kwikala pamo na yewa tebulu wa kijilo, monai, nangwatu kimye... Talai kuno. Bino, Amiwa kechi nji na kimye kuya mu kikye ne. Muntu umo waikala muno ao waipuzha, nangwa byonkabyo. Abye byobyo kiji, mulongo. Inge—inge muji na kijilo, akya kyaimenako mubiji wa Yesu Kilishitu. Kyafwainwa kwikala... kyafwainwa kukikizhiwa kimye kyonse.

⁴⁶³ Talai, kimye Elaija kyo aambile kwi—kwi Gehazi mba, “Senda kitambala kyami” (aye wapesheshe kyokya kitambala), aye waambile mba, “yanga mu mukwakwa. Kabiji inge muntu uji yense wakwambila, kwamba nanji ne. Inge muntu uji yense wakwimuna, ku mukumbula ne. Yangatu, kabiji ukabike akya kitambala pa mwaana.” Abyo ibyo nyi? “Ikala na kyokya kitambala!” Mwamona? Kabiji abya ne amiwa byo Naubilenga.

⁴⁶⁴ Pano, inge kechi kwajinga kafunga wakwingila nanji ne, waimana popa... Napwishishetu kusapwila. Navuluka byo kyajinga. Kabiji Na... inge abo... inge Mulongo Neville kechi waimene kuno ne, nangwa muntu umo wakonsha kukwasha yewa muntu pa kitapisho... Napwishishetu kusapwila, nanchi Naimene pa tebulu wa kijilo. Kabiji kimye kyo babena kukeba kuja kijilo, kabiji Najinga kala winengezha mu—mu kupana kijilo. Mulongo Neville waimenetu pepi, kabiji Najinga kijilo. Bino, Mulongo Neville waimene popa.

⁴⁶⁵ Pano ibyepi inge baiya ku kitapisho bino Mulongo Neville saka akiji mibusapwishi bwanji, kabiji wasapwijilenga? Nafwijilwe kuya ku kitapisho kuyewa muntu, inge wafumine mu mbung’eno akwe kasa akisapwila, waya ku kitapisho. Nafwijilwe kumona mulongo wami wajinga... awa wajinga na kushingwa kwa manyi kwa Mupashi. Aye waingijilenga. Aye wajinga wamwingilo mu... aye wajinga mu ndonda ya mwingilo, wamwingilo mu ndonda.

⁴⁶⁶ Kabiji kechi mwakonsha kwibaswisha kwamba mu jimi, kuchibakanya, nangwa mujishinda jiji jonse, wa mwingilo uji mu ndonda ya mwingilo. Nangwa byonkabyo, inge Mupashi Wazhila ubena kwamba ku muntu umo kabiji wanyemena kikitapisho pa kuuba mba upuluke, lekai wa mwingilo atwajijile na ndonda yanji ya mwingilo; lekai kafunga, kwasho, ye mwingila nanji, inge kuji ye mwingila naji nangwa wa mwingilo mukwabo, lekai bamone yewa muntu bukiji bukiji. Kabiji kechi kukatazha wa mwingilo uji mu ndonda ya mwingilo ne. Mwamona?

⁴⁶⁷ Kabiji Naimene kunyuma ya desika mu mulaini wa mwingilo, kasa mbena kupana kijilo. Kabiji ye nyingila naji pamo, Mulongo Neville, waimene ku lubaji lwami. Kabiji mwanamulume wanyemejile ku kitapisho, Naambile mba,

“Yanga, konka ko aji, Mulongo Neville.” Kabiji Mulongo Neville waile kwi aye. Oene mambo o Nabujijile kuyako.

⁴⁶⁸ Pano, inge kechi kwajinga wakwingila naji ne pano, nangwa mukwabo wakuyako ku muntu ne, Nafwaijilwe kwimana ne kuleka kupana kijilo, ne kuya munshi ne—ne kumona yewa mweo wapuluka. Mwamona? Bino byo kwajinga muntu wakutuma, kyafwaijilwe kufumya mu ndonda ya mwingilo, mwamona, konka ko Napainenga kijilo.

129. Kika muntu kyo akonsha kuuba... Kika muntu kyo akonsha kuba nobe muntu wa mwingilo ubena kwingila na muntu ukeba Mupashi Wazhila, kabiji ne kwikala mu Kyanembwa?

⁴⁶⁹ Kijitu bulongo. Twajijilaitu na kwambula Kyambo kwi aye, kyo kintu kyawama kuuba. Akyo Kyambo kiji na Kyeya. Ambaitu mba, “Mulongo, Yesu Wikilaile. Vulukai, ye mulaye Wanji.”

⁴⁷⁰ Kumusukanya ne, ku mushijika, nangwa kumwendesha kuzhokoloka, nangwa kintu kikwabo. Kechi mweseke ku-ku...ine, kechi mweseke Kumupana kwi aye ne, mambo kuuba mwikyuba ne. Mwamona? Mwamona? Anweba...Lesa Ukamupana kwi aye. Anweba twajijilaitu na kwambula milaye. Mwamona? Imanaitu popa na kwambula mulaye. “Lesa uji Mwiulu, Nalombelela mulongo wami. Mulaye wenu ye wa Kumupa Mupashi Wazhila.”

⁴⁷¹ Pano inge ubena kweseka kumutundaika...Aye ubena kwamba mba, “Oo, mulongo, kafunga, mulongo,” uji yense uji kulubaji lwaji, “Na—Nasaka Mupashi Wazhila.”

⁴⁷² “Mulongo, Ke mulaye. Lesa walaile. Mwaketekela mba Aye walaile nyi? Pano, kwikizhinauka Akyo ne. Inge waketekela mulaye, Mupashi Wazhila ukeya pe obewa kimye kiji kyonse. Ikalatu ubena Kwikipembelela. Pana byonse byo uji nabyo kwi Aye, ne kwaamba mba, ‘Nkambo, Amiwa naimana pa mulaye Wenu.’”

⁴⁷³ Pano, twajijilatu na kwambula. Pano, lengai wenu—wenu—wenu—mutwe wenu, monai, mulengai ekileke...Twajijilaitu na kwambula. Ambai pano, “Mubuulai Lesa. Pano, walapilanyi?”

“Ee.”

⁴⁷⁴ “Pano ambai mba, ‘Nkambo, Anweba mwaambile mba inge Nakonsha kulapila Anweba mwiwakishika mu kundekelako mambo. Mwaamba mba inge Nalapila ne kubatizhiwa mu Jizhina ja Yesu Kilishitu mululekelo lwa mambo ami, Nakonsha kutambula Mupashi Wazhila. Pano, Nkambo, Nauba kyokyo. Nauba kyokyo, Nkambo. Amiwa ne kyuba. Amiwa mbena kupembelela, Nkambo. Anweba mwikilaile.’”

⁴⁷⁵ Monai, ajo jo jishinda, twajijilaitu na kumutundaila. Mulamaitu mu Kyambo. Inge Wafwainwa kwiya kine Ukeya nanchi.

130. Bushe musapwishi nangwa Mwinakilishitu uji yense ubena kuuba bulongo bino kasa abula kuketekela mu . . . Ine: **Bushe musapwishi nangwa Mwinakilishitu uji yense ubena kuuba bulongo bino kasa abula kuketekela mu Bukikizhi bwa Peenape?**

⁴⁷⁶ Pano, twayai tumone. Nalanguluka mba “. . . na kuuba . . .” Monai inge mwatanga kyokyo byoka byo Nauba. Kitangai. [Mulongo watanga jipuzho, “Bushe musapwishi nangwa Mwinakilishitu uji yense ubena kuuba bulongo bino kasa abula kuketekela mu bukikizhi bwa Peenape?”—Waku.]

Nalanguluka mba Nekyuba bulongo. Bino, kyawama, Ami . . .

Bushe musapwishi ubena kuuba bulongo bino kasa abula kuketekela mu bukikizhi bwa Peenape?

⁴⁷⁷ Nakonsha kuketekela mba musapwishi ubena kuuba . . . inge kechi wayukapo kintu nangwa kimo pa bukikizhi bwa Peenape ne. Bino inge wikituka kabiji wayuka mba Bukine, kabiji wabula Kwikisapwila, wafwainwa kwiumvwina buvu aye mwine; abyō ibyo, nangwa Mwinakilishitu uji yense. Pano, aye Mwinakilishitu, pano, Naamba ku—ku Mwinakilishitu ao wabula kukwatakanya kyokyo ne aye kyawama . . .

⁴⁷⁸ [Mulongo waipuzha mba, “Alo kechi lufunjisho lwa bantu bonse ne, byo kiji, Mulongo Branham, kusapwila ku bantu babulapo . . .?”—Waku.] Ine, ine, ine. Pano, ako ko Najikuyanga. Ee. Mwamona? Mwamona?

⁴⁷⁹ Pano, mwavuluka byo Naambile pa Mulungu wapwa? Inge wi musapwishi, ikalai na pulupiti. Inge kechi byo uji ne, ikala busapwishi bobe. Monai, ajo jo jishinda jawama ja kwikyubilamo, ikala busapwishi bobe. Inge wi musapwishi, tola pulupiti, monai, kabiji yanga na kusapwila. Inge kechi byo uji ne, ikalaitu busapwishi bobe, lekai bumi bobe bwikale ye pulupiti obe. Mwamona? Nalanguluka mba akyo kilamawizha byonsetu, kechi ibyo nenyi? Mwamona? Mwamona? Mambo bimye byavula twatana kuuba mba . . . Kabiji anweba balongo muuba kyokyo mu bipwilo byenu.

⁴⁸⁰ Vulukai, ba membala benu kimye kimo beseka kulondolola bintu ne kuuba bintu, kyawaina mwibabula mba kechi bakonsha kwikyuba ne. Kabiji inge muntu umo wasaka kuyukapo kintun kimo, lekai beye ku umo wa . . . ku yewa wafunjishiwa kwi kyuba. Mwamona?

⁴⁸¹ Kwaamba mba, kyawama, pano, nobe muntu umo wakonsha kwamba mba, “Olo, Nakubuula . . . Bambula mba, anweba bonse pa kipwilo kyobe baketekela mu bukikizhi bwa Peenape.”

⁴⁸² Pano, kyawama monai. Wafwainwa kwikala mu lukatazho lwabaya kukila ne lo wajinga nalo, mwamona, kabiji wa mulenga wafuma mujishinda kukila ne byoajinga. Kwaamba mba, “Nemubula kyo kika, inge mwakonsha kwiya na kwipuzha kafunga wetu, monai. Obewa—obewa yanga ukambe nanji, mwamona. Atweba... Akyo kyakine, Nayuka kafunga wetu waketekela kyokyo. Nakiketekela ne amiwa, bino Amiwa kechi nakonsha kupana bukwasho ne... Amiwa kechi ne musapwishi ne. Amiwa nekiketekelatu, kyo kyonka kyo Nayuka. Nekiketekela mambo Namumvwapo kwikilondolola bulongo kufuma mu Baibolo, kyakuuba mba kyakila pa luzhinauko luji lonse” Mwamona?

⁴⁸³ Pakuuba kyawama kuleka ba—kyawama kuleka bamembala baamba kwi kafunga pa kyokyo. Kabiji, kafunga, ekale washinikisha mba wayuka mwakukumbwila, ne aye. Nanchi wafwainwa kupitulukamo bulongo, mambo bimye byavula bakukasakanya monka mwi akyo, mwamona. Kika...

⁴⁸⁴ [Mulongo umo waamba mba, “Mulongo Branham?”—Waku.] Ndekelako mambo. [“Amiwa nashinikisha mu maana pacheche, bino Na—Nayuka lwito Iwami kabiji Nalenga kusalululwa kwami kwikala kwa kine.”] Uu-uu. [“Anweba mwaambiletu mba ‘Inge wi musapwishi, wafwainwa kwikala na pulupiti.’”] Ee, mwane. Abyo ibyo. [“Amiwa kechi ne mufunjishi ne, Amiwa ne musampwishi.”] Ee mwane. [“Bino pulupiti wa muntu yense ye wami.”] Abyo ibyo. [“Bino ponka pano Amiwa mbenza kwingila, kwingila kwa ku mubiji. Kechi mwingilo wakosa ne, bino Amiwa mbenza kwingila, kabiji Amiwa kechi njipo na pulupiti ne. Kabiji Naketekela mba akye kimye kya kwingila kyo Njimo ke kyaswa muchima wakwa Nkambo. Aye wambula mba ne kyube, kupichila mu Kyambo ne bukamonyi bwa Mupashi. Kabiji Naketekela, palutwe, amba pulupiti ukanshikulwa.”] Kine, abyo ibyo. [“Abyo ibyo nyi?”] Abyo ibyo, mulongo.

⁴⁸⁵ Mulongo, pano, inge wabwela kunyuma kukwe kabiji watola buku wakala wa kunembamo mali, mwafwainwa kutana kuuba mba Nafungilenga kino kipwilo pa myaka sebetiini, kabiji ne kusapwila pa juba pa juba, nasapwijile pa juba pa juba ne kwingila pa juba pa juba. Mwamona? [Mulongo umo waamba mba, “Inge ubena kwingijila, ke kiyukilo kyawama *kya* kwita.”—Waku.] Ee. Paulo byobyo aubile, kechi ibyo nenyi? Paulo walengele matete. [“Amiwa nafwainwa kwibwelamo mambo, kijitu pamo nobe byonka byo mwaambile, inge Amiwa ne musapwishi, nafwainwa kwikala na pulupiti. Amiwa... Nafwainwa kwibwelamo, bino Nayuka mba Lesa wangichile kwikala na kinto, mu kimye kimo.”] Kine. Paulo waile na kulenga mate, kechi byo aubile nenyi? Waingijilenga na maboko anji mwine pakuuba mba kechi ekale na... Abyo kine ibyo. Kine. [“Ee, oo, kyawama, apo ipo Amiwa po ne kitambwile, kufuma kwi Paulo.”] Hmm. Abyo ibyo. Mwamona? John Wesley

waambile mba, “Ino ntanda kyo kipwilo kyami.” Nanchi pulupiti obe wakishikulwa, mulongo. Basapwishi bayu mu ntanda yonse. Abyo kechi ibyo nenyi? “Yainga panopantanda ponse.” Nanchi pulupiti wenu yo ntanda yonse. Ee, mwane.

Jipuzho:

131. Bushe mukambizho, m-u-k-a-m-b-i- . . . Bushe mukambizho wa kuuba mba dikoni nangwa tulasiti wafwainwa kwikalala mu lufunjisho lwa kipwilo kyabo? Ee. Abyo ibyo. **Bushe kyaitabizhiwa kwi abo kubikapo nangwa kufumyako ku mafunjisho na mambo a milanguluko yabo nangwa lumwekesho?** Ine, mwane. Ine.

⁴⁸⁶ Dikoni nangwaa tulasiti wafwainwa kwikalala mu ndonda ya—ya lufunjisho lwa kipwilo kyabo. Abo bafwainwa kwikalala bulongo na kulumbulula kwa Binembelo bya mu kipwilo kyabo, mambo, ingde babula kwikalala byobyo, nishi babena kulwisha kyonka kyo baikelako. Abo—abo babena kwikatazha abo bene. Mwamona? Anweba mubena kulwisha . . .

⁴⁸⁷ Ke, mu byambo bikwabo, nobe inge—inge—inge Naamba amba Natemwa kisemi kyami kabiji naeseka kwibajisha bulembe. Monai, kintutu kimo. Monai, kuuba mwauba kyokyo ne, anweba . . .

⁴⁸⁸ Ba—baketekelwa nangwa kwasho mu ofweshi wabo, nangwa mukulumpe wa kipwilo ao aimenako mubiji umo wa kipwilo, monai, akyo kyaimenako kipwilo.

⁴⁸⁹ Ao oene mambo o Nafumijile mu kipwilo kya Baptist, monai, pa kimye kitanshi. Naikalemotu kimye kicheche kabiji ba—ba tongwele amba peshe bamo banabakazhi basapwishi. Kyawama, Amiwa kechi nakonsha kwikalala mukyokyo ne. Naambile mba, “Na—Nakana kwikyuba.”

⁴⁹⁰ Kabiji kafunga wasukenyе kutwala peulu. “Akye kyo kika? Obewa wi eloda!”

⁴⁹¹ Naambile mba, “Dokotala Davis, na mushingi yense ku Iwitabilo lwa ba Baptist, kabiji ne bintu byonse byo Naikajikijilwe, Amiwa kechi nayukile ne mba kiji mu mulufunjisho lwa kipwilo kya Baptist kwikajika banabakazhi. Akyo kyajinga kintu kimo kyashajilepo.”

Kabiji aye waambile mba, “Alo lo lufunjisho lwa kino kipwilo.”

⁴⁹² Naambile mba, “Mwane, mwafwainwa kundekelako Amiwa bufuku buno, nangwa kana mwafwainwa kukumbwilako mepuzho amo?” Mwamona?

⁴⁹³ Aye waambile mba, “Amiwa nsakukumbula mepuzho enu.” Waambile mba, “Ke mwingilo obe wakutanwako.”

⁴⁹⁴ Naambile mba, “Byo kiji, mwane. Abyo ibyo. Nafwainwa kuketekela mu kintu kiji kyonse kino kipwilo kyo kyuuba.

Amiwa nji mumwingilo, umo mukulumpe wa kuno.” Kabiji aye waambile mba...Naambile mba, “Bushe mwakonsha kulondolola kwi amiwa kika mu Kolinda Mutanshi 14 nangwa 15 popa, apo Paulo po aambile mba, ‘Lekai banabakazhi benu bekale bazhindama mu bipwilo, kechi kyaswishiwa abo kwamba ne.’”

⁴⁹⁵ Kabiji aye waambile mba, “Kika, kyakine!” Aye waambile mba, “Inge...Nakonsha kukumbula kyokyo.” Aye waambile mba, “Mwamona, byo kyajinga,” waambile mba, “Paulo waambile mba...Bonse—bonse banabakazhi baikalanga kunyuma mu makoona, na kulupuka nobe byo booba bimye byavula. Aye waambile mba, ‘Kechi mwibaleke bobe kyokyo ne.’ Mwamona?”

⁴⁹⁶ Kabiji Naambile mba, “Nanchi londolola Timoti wa Bubiji kwi amiwa, apo Paulo po aambile mba, ne aye, munembeshi umotu, awa mutumwa umo, waambile mba, ‘Amiwa kechi naswa mwanamukazhi kufunjisha ne nangwa kwikala na bukulumpe ne, monai, kana ku—kwikala wanekenena. Mambo Adama walengelwe patanshi apa bino ke Eva, kabiji Adama kechi wajimbaikilwe ne pakuuba mwanamukazhi ye wajimbaikilwe.’ Aye wajimbaikilwe. Bino, Amiwa kechi mbena kwamba mba ukeba kuuba kintu kyatama ne, bino aye kine wajimbaikilwe. Aye kechi wafwainwa kwikala mufunjishi ne.”

Aye waambile mba, “Bushe ayo yo milanguluko yenu nyi?”

⁴⁹⁷ Naambile mba, “Akyo ke mulanguluko wa Kinembelo monka monekimwena. Abyo byo byaamba Baibolo.”

⁴⁹⁸ Aye waambile mba, “Mwanamulume mwanyike, wafwainwa kwangatwa kintupa kyobe na mambo akyokyo.”

⁴⁹⁹ Naambile mba, “Amiwa nsakwibapulushatu ku lukatazho. Amiwa nsakwipana, Dokotala Davis.” Naambile mba, “Kechi kunkulengulula obewa ne...” Kabiji kechi wakonsha kwikyuba ne, nangwatu byokabyo. Aye wikilekele, wikilekeletu byokabya.

⁵⁰⁰ Nanchi wambujile mba kukekala kuchocheka ne amiwa pa kikye. Kabiji Naambile mba, “Kijitu bulongo, kimye kiji kyonse.” Bino aye—aye kechi wikitubile kyokyo ne.

⁵⁰¹ Nanchi pano pa—palutwe kacheche, pano, kimye Nkambo kyo aambile kwi amiwa, kabiji pa—pa kyo kya kimye Malaika wa Nkambo po aishile, nanchi—nanchi aye Akye wikitubile bisela, mwamona. Kabiji pano Na—Namubujile namba, Naambile mba, “Kyawama, Dokotala Davis, kyakila kuwama amba Amiwa Nekileke ponkapano, monai,” Naambile mba, “mambo kikekala ke kisendwa. Naikajikwa kimye kicheche, nangwa byonkabyo, nanchi kikekala ke kisendwa kwi amiwa, nanchi Nafwainwa kwikitulatu ponka pano.”

⁵⁰² Nanchi onkao mambo inge kechi Nakonshehse kwikala mu kipwilo kya Baptist ne kabiji ne kufunjisha lufunjisho lwa

ba Baptist kabiji ne kutambula byo baketekela mu Baptist ne. Inge Amiwa ne kyubile—inge Amiwa ne kyubile mambotu kyajinga kipwilo, nanchi Naya mungi, monai, Amiwa mbena kufya kintu kimo. Kabiji inge Na—inge Na—inge Naikala wakishika kwi amiwa mwine, Amiwa nkaya ku bantu baki Baptist (kafunga wami nangwa yense wakonsha kulondolola kwi amiwa) ne kwi bepuzha na mambo a—a kyamba kya Bumi; inge wakonsha kumwesha bulongo pokiji mu Kinembelo, kabiji naikala watondwa, nanchi Amiwa ke kyamba monka mo be kyambila, monai, kabiji Amiwakekala Baptist.

⁵⁰³ Ao oene mambo o Naimenatu pa bunke bwami. Ao oene mambo o Nabujila kwikalala kulubaji lwa bipamo, mambo kechi Naketekela mu bipamo ne. Kabiji Naketekela ke kyanembwa, mambo, a kipamo.

⁵⁰⁴ Onkao mambo, Amiwa kechi nakonsha kwikalala kulubaji lwa kipamo ne kumvwa bulongo pa kwikyuba ne. Mwamona? Onkao mambo, Amiwa kechi nsenda bantu ne kwibalula bekale bamembala ne, kabiji ne bikwabotu bya musango yewa, mambo Naketekela mba *twasemekwa* kwikalala bamembala, twasemekwa mu Kipwilo kya Lesa mumi. Mwamona?

⁵⁰⁵ Atweba kechi tusenda mazhina a bantu kufuma mu buuku ne kwibachibako ku lumvwang’ano ne, kabiji ne bintu biji byonkabya, mambo Naketekela kechi kya mu wetu—mu mwingilo wetu wakuuba kyokyo ne. Naketekela mba Lesa ye uchibako ku lumvwang’ano lwa bupopweshi. Mwamona? Bino Naketekela mba kipwilo, inge kuji mulongo umo ubena kuba kintu kyatama...

⁵⁰⁶ Nobe kyakumwenako, inge—inge bamukwachile Mulongo Neville, nangwa Mulongo Junya, nangwa Mulongo...umo mulongo papo, umo wabakwashedangwa baketekelwa, nangwa bintutu bikwabo, kasa booba kintu kyatama, Naketekela mba kintutu kya kuuba ke kipwilo kwiya pamo na kulombelela yuwe mulongo. Inge aye wabulwa kololwa, nanchi lekai muntu mukwabo aaye nanji, ne kuya ku mulongo na kupwang’ana. Kabiji inge pano wabula kwikitambula, nanchi bulang’anai ku kipwilo. Kabiji ne apo umvwe wabula kwikitambula, akyo kyo kimye kipwilo kyonse, monai, akyo ke kya kwa kafunga, bakuluppe, kabiji ne bintu byonse bikwabo pakuba mba bekyube. Amiwa kechi naketekela mba kije kya madikoni baji na luusa lwa kufumya muntu uji yense mu kipwilo nangwa kije kiji kyonse kya baketekelwa nangwa yense kafunga uji nayoyo nsambu ya kwikyuba ne.

⁵⁰⁷ Naketekela mba inge muntu uji yense wafwainwa kufumishiwa pa lumvwang’ano lwa bupopweshi, ke na mambo angikelo ya bubi, nangwa kintu kimo kiji nobe kyokyo, amba kechi muntu wafikilamo ne, pamo nobe mwanamulume wiya kuno na kuzhilulula ba nsongwakazhi betu nangwa—nangwa

kutuka banabakazhi betu, ne bintu biji byobyo, kabiji kasa amba mba aye ke umo wa mukachi ketu. Mwamona? Pano, inge aye uji kutu kumo ubena kwiya, kika, twafwainwa kuubapo kintu kimo pakikye, bino, inge kyaiya kun muntu uji byobya, muntu wa bubi na kukeba kufwalama bakazhi bentu nangwa—nangwa kutuka baana betu babakazhi nangwa, mwayukatu, kintu kikwabo kiji tuyewa musango, nangwa kuuba kintu kimo kya bubi kwi aye, nangwa kusenda bansongwalume betu babacheche ne kwibalengela kwikala ba mizhilulwila, nangwa kintu kimo.

⁵⁰⁸ Abyo bintu byafwainwa kwi bilondaizha, kabiji pano awa muntu wafwainwa kufumishiwa pa lumvwang'ano lwa bupopweshi ne kubula kumuswisha kuja naji kijilo, mambo kechi twafwainwa kuuba kyokyo ne. Kechi byo tuji ne. "Inge umo waja mwabula kufwainwa, wazhatwa lwa Mashi ne a mubiji wa Nkambo," pa yewa muntu.

⁵⁰⁹ Bino Naketekelatu nobe mulongo umo byo aamba mba, "Kyawama, pano, aye—aye uji *biye, byobya*." Mulombelelai. Ibyo.

⁵¹⁰ Amiwa kechi kalubamo ne, mu Stockholm, Sweden, Mulongo Lewis Pethrus, muntu mukatampe wakwa Lesa. Twaikele pa tebulu, kwashajiletu maawala acheche kasa tukyangye kubwela ku America. Twajinga na ma mbung'eno akatampe kokwa. Kabiji aye waambile, Gordon Lindsay waambile mba, "Ing'anyi mukulumpe wa yuwe mubiji mukatampe?" Mulunda, awe wibasha ba Assemblies of God na ma aduleendi a ma mailoshi, mwamona. Waambile mba, "Ing'anyi mukulumpe?"

Kabiji Lewis Pethrus aye uji mu musango wa mwanamulume watekanya, kabiji aye waambile mba, "Yesu."

Aye waambile mba, "Ing'anyi tangi wa kipwilo kyobe?"

Aye waambile mba, "Yesu."

⁵¹¹ Aye waambile mba, "Nayuka mba abyo ibyo," waambile mba, "twaketekela kintutu kimo na ba Assemblies of God." Aye waambile mba, "Abyo ibyo." "Bino," waambile mba, "nobe, kyakumwenako, mu—mulongo umo wafuma mundonda," waambile mba, "ng'anyi uji na nsambu-yakwambapo pa kumufumyapo?"

Waambile mba, "Atweba kechi tumupanga ne."

"Kyawama," waambile mba, "muba byepi?"

⁵¹² Waambile mba, "Tumulombelela." Nalangulukile mba akyo kyajinga kintu kyawama bingi! Akyo kyaumvwanyikile nobe kya Bwinakilishitu kwi amiwa, "Tumulombelela." Kafwako nangwa umo umufumyapo ne, bamulombelelatu.

⁵¹³ Waambile mba, "Kyawama, byepi, inge bambo balongo baitabizha," aye waambile mba, "kabiji bambo kechi bakeba kwikala na lumvwang'ano lwabupopweshi nanji ne? Muletaí,

nobe kafunga wanji, mwamona, awa watatula kwikala mwanamulume wa banabakazhi mukachi ka...Mwayuka Monekitazha, ne bintu biji byobia, kabiji bamo bakafunga kechi bakonsha kwikala nanji mu bipwilo byabo ne. Pano anweba bonse muuba byepi, kumufumya mukachi ka kipamo kyenyinyi?"

⁵¹⁴ "Ine." Waambile mba, "Atweba tumulekatu bunke bwanji ne kumulombelela." Waambile mba, "Atweba kechi twakitayapo nangwa umo ne. Kimye kyonse babwela jibiji, mu musango umo."

⁵¹⁵ Aye waambile mba, "Kyawama," waambile mba, "pano, byepi inge..." Waambile mba, "Ibyepi umvwe bamo baamba mba babena kumukeba ne bakwabo kechi bamukeba aye ne? Pano, ngakyo?"

⁵¹⁶ Waambile mba, "Kyawama, aba bamukeba, bamusenda; aba babula kumukeba, kechi bafwainwa ne."

⁵¹⁷ Nanchi—nanchi Nalanguluka mba aje ke jishinda jawama ja kwikyubilamo, kechi ibyo nenyi, balongo? Kabiji abyo twi "balongo."

⁵¹⁸ Pano, balongo, Naketekela mba abyе bintu byapana mukumbu mucheche nangwa kintu kimo, kyakuuba mba mbung'eno yetu bufuku buno twa—twamwenamo kintu kimo. Mbena kunengezha kufumapo pa kakimye kacheche, kuya ku mbung'eno ku Muzhika. Nekepesha na kukabila milombelo yenu.

⁵¹⁹ Mikumbu yami imo muno, kapepo yavula, kapepo kafwapo nangwa umo, wa oloka. Amiwa kechi nayuka ne. Bino nangwa byonkabyo yo yawamisha yo Nakonsha kupana mwaila milanguluko yami, mwamona, pa kweseka Kwiyilondolola. Kapepo ao apelako, kukijishamo, aji kuletwa pa kupelako, Amiwa kechi najinga na kimye kya kipitulukamo ne. Kabiji Amiwa kechi naubilene, ajinga... Moombena kutazha Amiwa, byajinga Binembelo byo tupitamo muno kimye kyonse, juba pa juba mu kipwilo. Nalangulukile mba kapepo kyafwainwa kwikalaka kintu kimo kyabaya kyakonsha kwitulengela kuya mu bintu bimo byakosa bingi, bino kijitu pamo nobe mepuzho a bipwilo.

⁵²⁰ Amiwa nasekela pa kwimumona kasa mwakwachijila byonka bya, kechi pajipo kuya mwabula ndonda ne, kechi mujipo kupusenamo ne, kafwako kivundakanya kiji kyonse ne. Kechi pajipo jipuzho jaambiwapo pa Kikye kabiji ne kwamba mba "Kyatama, Akye kintu kyatama, kechi tukekala Nakyo ne." Kyajingatu ke balongo bakebelenga kuyuka kintu kimo kya kukosesha kwimana kwabo, kyokyoka. Kuuba... kwikosesha, kukwachisha—kukwachisha kyakosa bya nkondo, ke kukwachishako ne jikwabo. Naketekela twafwainwa kwikala na bimye byavula bya bibye, ne kukwachisha bya nkondo.

⁵²¹ Kabiji mwavuluka, balongo, bya nkondo byami bikebewa kukwachisha, ne ami. Nanchi ndombeshaipo kwi Lesa amba Lesa ankwashe kukwachishako pacheche bya nkondo, amba Nakonsha...kechi nafwainwa kwikala na mulekelessha na bintu ne. Kabiji bumi bo Ngikala ne bintu byo Nguba, lekai Nekyube na mupashi wa kwikepeshatu, ne kukebesha kwikyuba. Kabiji Lesa mpai muchima wa kwikyuba kukila byo Nakybapo kala. Nemulombelela kintu kimo ne anweba bonse. Lesa emupeshe.

⁵²² Nemukwachijila kuno kimye kyabaya, kabiji pa kino kimye kwashala mamineti faivi kufika leveni.

⁵²³ Kabiji pano, Mulongo Neville, Na—Nafwainwa...Pano, Natana kuuba mba, kuji pepi nobe naini aduleendi mailoshi ne akwabopo, Amiwa kechi kafumapo ne poso Pakimo lukeelo. Bino Nakeba kwikala kuno ku sukuulu wa Pamulungu, Amiwa mbena kwiya nobe mwenyi kwiya na kuteleka kusapwila kwenu, mwamona, Pamulungu. Mwamona? Bino...Kyawama, mulongo, ee, mulongo. Mulongo Neville, ao oene mambo, mulongo. Amiwa njii...Ne mutemwa kabiji kimye kyonse muji na muchima wawama wa nkupa pulupiti pamo nobe...kiji pamo nobe Ne elonda mukulumpe, nangwa kintu kikwabo. Bino Amiwa kechi nakikyumvwapo myyeo musango ne, Mulongo Neville. Naumvwine mba twi balongo.

⁵²⁴ Mulongo Ruddell ne Mulongo Junie, kabiji, oo, anweba bonse balongo ne anweba bonse, atweba—atweba twi balongo baji pamo, mwamona.

⁵²⁵ Pano kika...Ene mambo, Amiwa njiko na jiwi jayoyoma pacheche, mwamona, kabiji Njina milungu sikisi yatwajijilatu nakulwa nkondo, mwamona. Kabiji Na—Nasakatu kutatulako inge Nakonsha, kulangulukapo, pa kupwisha ino mpwijilo bufuku buno, akyo kikapa amiwa Pakitanu ne Pakibelushi ne Mulungu pa kukokoloka, Amiwa kasa kyangye kutatula kupwila kokwa ne.

⁵²⁶ Kabiji Mulongo Junie, bukiji bukijitu inge Nabwela panyuma, kimye kimo kibena kwiya, Nafwainwa kwiya na kwimumona ne jikwabo, kukeba kufumamo. Napichile ku kipwiwo kyenu kicheche kokwa, keesha, Naketekela. Bakazhi bami baambile mba, "Nalanguluka mba..." Bushe kechi iko ku ngyangi iji ku Glenellen Park? Nafwainwa kutemwa kuya konka na kwamba ku balongo baji ku Sellersburg. Kyawama.

⁵²⁷ Mulongo Ruddell, mweo wenu apeshiwe. Nafwainwa keba kufumamo, uji na jibumba ja bantu jawama. Anweba mwikale kokwa bufuku buno na kuteleka nobe wi elonda wakala ubena kwikitambula.

⁵²⁸ Mulongo Beeler uji kokwa, ye umo mulongo musapwishi wetu. Naketekela kimye kimo nakonsha kwi mukumanya mumbung'eno imo kutu kumo, mulongo, nafwainwa kuuba

bongozhi, njina kintu kimo kyakwamba pakuuba mba mwatundaikwa kuya kulutwe. Amiwa kimye kyonse ngikala na kyambo kyawama kyobe, obewa ne Mjulongo Stricker kuno, kabiji ne musapwishi.

⁵²⁹ Mulongo Collins kuno, ao ye Naketekela mba juba jimo ukekala wamwingilo wapwijijika.

⁵³⁰ Mwanamulume waimana wakonsa bulongo, mwanamulume waimana, muntu uji na lwitabilo lwa kine, Lesa ekale ne anweba bonse, kabiji anweba bakwasho, anweba baketekelwa, anweba balongo.

⁵³¹ Naketekela mba anweba... Aye mulongo papo, Amiwa kechi nakonsha kulanguluka jizhina janji ne. Anweba muji... [Mulongo Caldwell waamba mba, "Mulongo Caldwell."—Waku.] Caldwell. Obewa wi... Obewa wi umo wa bakulumpe nangwa kintu kimo, kechi ibyo nyi, nangwa nobe... ["Wamwingilo."] Wamwingilo. ["Amiwa ne wamwingilo. Amiwa najinga wa ku Kipwilo kya Lesa, Amiwa kechi nakonsha kusapwila Mamboawama apwijijika ne kwikalala nao ne. Amiwa kechi nakonsheshe kusapwila lubatizhilo mu Jizhina ja Nkambo Yesu ne kwikalala nabo ne. Najinga na kitupa kya mwingilo kyawama bingi kyo bajinakyo, bino Nekipainetu. Kufuma po Nakumvijile kusapwila aa Mambila akatampe, Ne apainetu, nalupukamo mu kabungwe. Pano Nasaka kwikalala umo wenu."]

⁵³² Nakusachila obewa, mulongo. Twakutambulwila ku lumvwang'ano lwetu lwa bupopweshi. Kabiji twetu—twetu tuyukilo ke twa mwiulu. Bumi bwetu bulenga tuyukilo twetu, mwamona. Ato to tuyukilo twetu. "Inge Nabula kuuba mingilo ya Ba Taata, nanchi kungitabila Amiwa ne." Mwamona? Abyo ibyo. Ato to tuyukilo twetu. Kabiji nobe mukote... Nobe Howard Cadle byo aambanga, "Atweba kechi tujipo na mizhilo ne kanatu Butemwe, kafwako buuku ne kanatu Baibolo, kabiji—kabiji kafwako—kafwako mafunjisho a bantu ne kanatu Kilishitu." Abyo ibyo. "Kafwako muzhilo ne kanatu Butemwe, mafunjisho abantu ne kanatu Kilishitu, buuku ne kanatu Baibolo."

⁵³³ Kabiji atweba—atweba, Mulongo Caldwell, tuji bingi na lusekelo pa kwikalala nenu kuno. Obewa wafuma mu kabungwe kakatampe. Akyu Kipwilo kya Lesa kya kwa Anderson, Byo nafwanyikizha. [Mulongo Caldwell waamba mba, "Akyu kya Cleveland."—Waku.] Nangwa mba kipwilo kya Cleveland, Pentekosita Kipwilo kya Lesa. ["Kabiji Najinga kafunga kuno pa...?..."] Oo, ee. Oo, ee, Nafikako kokwa. Naketekela mba Najinga kookwa na Mulongo Neville... nangwa Mulongo Wood, kimye kimo, twajinga na kabwa nangwa kabwa walemana kufuma ku muntu umo ao wayanga ku kipwilo kyobe kukwe. Kabiji Naimene pa tampulo iji byobia kasa ng'amba, kabiji

baambilenga pe obewa. Kyawama, Amiwa naketekela . . . [“Pa kipwilo kyami.”] Oo? [“Burns.”] Abyo ibyo, Mulongo Burns. Abyo ibyo [Mulongo Caldwell walondolola kyamwekele.] Oo? Ee. Oo, Bertha, abyo ibyo. Oo, akyo kyawama.

⁵³⁴ Mulongo Rook uji kokwa, waikala ke kafunga pano, nangwa musapwishi, Naketekela. Abyo ibyo nyi? Nangwa obewa yobe kafunga? [Mulongo Rook waamba mba, “Musapwishitu.”—Waku.] Musapwishi. Nasaka kukusachila obewa, Mulongo Rook. Naumvwa mwingilo mukatampe obewa ye wingijila Nkambo. Obewa . . . Naumvwine mba wayile ku Indianapolis nangwa wayilenga ku Indianapolis, kabiji wajinga na mpwijilo ne kuleta myeo kwi Kilishitu. Lesa ekale ne obewa, Mulongo Rook. Njina lusekelo pa kwimumona. Nakumwene obewa pa yuwe talakita wakala uji kukwe, nankunyema kuzhokoloka kukwe, na kubika mbolezha mu lubaza obe. Kyawama, monai obewa ubena kweseka kubapo kintu kimo kwi Nkambo. Kyalusekelo Aye wakwita ku mwingilo, obewa mukwachijiletu Aye ku meso obe, mulongo. Lesa akupeshe obewa. Kunekenya kintu nangwa kimo ne; pakuuba wikyuba na mupashi wawama bingi ye wafwainwa kwingila nanji. Lekai yobe—lekai yobe mbila kimye kyonse ikale yatobala na buwame bwa Mupashi Wazhila.

⁵³⁵ Kabiji Mulongo Stricker . . . [Mulongo waamba mba, “Tubena kukeba milombelo yenu bonse. Atweba—atweba tubena kukeba kipwilo kutatwila ku Kabeta ka buyeke bwa Vernon.”—Waku.] Oo, Naketekela mba mwikitambula. Tusa kukulombelela. [“Mubena kuuba bingi bulongo, pakino kimye.”] Abyo ibyo.

Billy, kimye ka kyo ukatampa kwikala kafunga?

⁵³⁶ Dokotala Goad kabiji Dokotala Mercier kuno, Na—Na—Naketekela . . . byo tubena kwitela umo ne mukwabo byobyo. Kabiji Mulongo Goad wafika pa kifulo kya kuuba mba Na . . . aye kine wafikilamo kupewa munema, wakonsha kulonga mansaase pa kino kimye. Ee. Kabiji, Mulongo Leo, Naketekela mba twakonsha ku muswishatu kuya byobya, kabiji mwitai aye . . . mulekai atwajijile kifulo kyanji kya—kya “Dokotala.”

⁵³⁷ Kyawama, “Dokotala” Branham, kunyuma kukwe, watwajijilatu ku mulama bulongo, kabiji ne byeya byateema bingi bulongo. Kabiji—kabiji Amiwa nkemubula ka, kimye kyonse kyo tukekala na mbung’eno yapusanako Amiwa nkamba ku kije kabiji monai inge kechi bakonsha kukupako kyakila pacheche pa kyoko ne [Mulongo Branham waseka—Waku.], pa mwingilo wapusanako kimye kyo wafwainwa kupyanga bingi ne kutwajijila, kabiji akyo kikakulengela kwikala walusekelo.

⁵³⁸ Dokotala Wood. Namutele mba “Dokotala,” Naketekela mba mubena kukumya kana kika. Amiwa kechi na tupila kutongola jizhina janji ne, aye kimye kyonse uvikaulatu kunyi kimye kyonse, mwayukatu. Aye Nkambo ukakomesha kichi

kyawama bingi, kabiji aye ukekitema ne kulengamo nzubo. Amiwa kechi nakimonapo kyokya ne, nanchi Nafwainwa kumwita aye mba “Dokotala.”

⁵³⁹ Mulongo Taylor, obewa ukijitu wa kishika pa kibelo, mu kupana kipona ku mulongo. Amiwa ndanguluka pe obewa muyuwe musango, “Amiwa kyangwamina kwikalatu kyakunyatapo maulu pa kibelo kya nzubo ya Nkambo kukila kwikalala mu matente na babi.” Abyo ibyo, mwane.

⁵⁴⁰ Mulongo Hickerson, obewa watatwiletu mu Jishinda, ne kuya peulu, na kuya kulutwe. Amiwa nakebelenga obewa... Na... Obewa watatwiletu mu Jishinda, kabiji ne kuya kulutwe, Amiwa kine nakomoka mu muchima obe kabiji ne byonse byo ubena kuuba kwi Nkambo Yesu. Lesa atwajijiletu na kukupesha kabiji ne kukulenga kwasho wakine, mulongo, akyo kyo Naketekela mba byo uji, nzubo yobe yaikala yakokela ne bintutu byonse byonse byo ubaubenga.

⁵⁴¹ Mulongo Fred, obewa kechi waikala netu kimye kyabaya ne, ubena kwiya kufuma ku Canada. Atweba kechi tumvwa nobe obewa ukiji mwina Canada ne, twamona nobe wikang’enda ne mwenyi uji pamo ne atweba, mulongo wetu, nobe tulasiti. Obewa ne Mulongo Wood, kabiji ne anweba mwingila bulongo mu ofweshi wenu pamo na Mulongo Roberson, kabiji ne bonse bashala; Mulongo Egan, aye kechi uji muno bufuku buno ne.

⁵⁴² Kabiji ne Mulongo Roberson, uji na—na bukwasho bwabaya bingi kwi amiwa, Mulongo Roberson pamo na bakwabo, mu ao mambo a musoko o bapeselenga. 

61-0112 Mepuzho ne Mikumbu
Branham Tabernacle
Jeffersonville, Indiana U.S.A.

KAONDE

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org